



H RN -

sehr schön  
Exemplar

Bernardin

1. Ausgabe

LIBRARY OF THE  
UNIVERSITY OF ILLINOIS  
AT URBANA-CHAMPAIGN

096.1

B636t

Emblems

Rare Book & Special  
Collections Library




10345

26 523508

26 523508

26 523508



Digitized by the Internet Archive  
in 2009 with funding from  
University of Illinois Urbana-Champaign





S. P.

*Ordo licet reliquos sit præstatiſſim' inter  
Cōjugium, heu mihi: um ſape doloris habet*

# THEATRVM

VITÆ HUMANÆ.

A I. I. BOISSARDO

VESUNTINO CON-

ſcriptum,

Et à THEODORO BRYIO

artificioſiſſimis hiftoriis

illuſtratum.

Excuffum typis Abrahami

Fabri, Mediomatricorum

Typographi.

*Conſcia cōmiſſi ſeu te mens criminis erget,  
Sine ſub ignaro corde quis error erit,  
Huc ades, et noſtro præſens aſſiſte Theatro  
Exameneque tuæ conditionis habe.*



Iob. 14.

*Vita brevis hominū varijs obnoxia cui  
ſane viret, languet veſpe, nocte cadit*



Pſal. 39.

*Computat et parciū, nec q' ſi nouerit  
hæres  
Et q' ali homine hoc vani' eſſe quat-*

Pſal. 49 et 90









AD CLARISSIMAM PRÆSTAN-  
TISSIMAMQUE MATRONAM

*Catharinam Heviām, illustris & generosi viri Claudii  
Antonii à Vienna, Baronis Clerevantii, Cope-  
tii, &c. conjugem.*



ANTA est hodie hujus sæculi calami-  
tas (Matrona lectissima) tā deploran-  
dus rerum omnium ubique status, ut  
si quis consideret exactē regnorū Eu-  
ropæ, maximē Galliæ miseram con-  
ditionē, judicabit gravissimis de cau-  
sis motam iram Dei erga nos. Causas-  
que has si diligenter perquiramus, inveni-  
emus malorū omnium (quib⁹ jam lustris undecim obruimur) scaturi-  
ginem demanare ex nostris peccatis, quibus in nostrū  
excidium sacrosanctæ Majestatis Divinæ furorem irri-  
tavimus. Qui in dies magis ac magis exardescit, cref-  
centibus quotidie transgressionibus nostris, impietate,  
injustitia, luxu, libidine, avaricia, rapinis, infidelitate,  
ac cæteris ejusmodi monstris, quæ divortium faciunt  
inter Deum & nos, illiusque tutela nos eximunt: à qua  
subtracti, tradimur omnibus miseriis, & afflictionibus,  
quibus Satanas generis humani atrocissimus hostis so-  
let eos, quos sua tyrannide irretivit, vexare, & horren-  
do naufragio submergere. Utinam (inquit Dominus,

*Deut.* 6. & 7. de Israëlitis loquens) submittant se lubenter, & audiāt ea quæ Dominus Deus mandat illis per os Moſis. Vtinā cor habeant proclivè ad obediendū, & ſervandū mandata mea: ut benè ſit illis, & filiis eorum in æternum. Et paulo poſt ſubjicit. Facies quod bonum videbitur ante oculos Domini, ut benè ſit tibi. Obſerva igitur mandata, & præcepta quæ mandavi tibi, ut ea facias: Et Dñs Deus tuus ſervabit tibi fœdus, & benediſtionem, quam juravit patribus tuis: amabit te, & benedicet tibi, & multiplicabit te. Auferet à te omnem langorem: avertet à te inimicos tuos: benedicet fructui ventris tui, & terræ tuæ, frumento, muſto, oleoque tuo, armentis varum tuarum, & gregibus ovium tuarum.

Omnis fere ſcriptura ſacra plena eſt ejuſmodi benediſtionum, quas Deus largitur iis, qui cœleſte numé ex tota anima, & toto corde ſuo amant, timent, & venerantur. Ex quibus facilè eſt judicare, malediſtionem Divinam pronam impendere ſuper eos, qui obſtinatè reſciunt, & contemnunt obſervationem mandatorū Dei. Propterea legimus Prophetas & Apoſtolos huic exhortationi aſſiduò inſiſtere, ut peccata noſtra agnoſcamus, ut eorum nos pœniteat, & vitam corrigamus. Neminè noſtrū eſſe puto, qui eò impudentiæ devenerit [niſi planè perditus ſit] ut ſeſe audeat ſubtrahere è numero eorum, qui tranſgreſſi ſunt leges, & mandata Domini. Neque eſt quiſquam, qui non fateatur ſe nimis remiſſè & torpenter auſcultaffe admonitiones fidelium paſtorum Eccleſiæ, qui aſſiduis concionibus, documentis, & exhortationibus ſtuduerunt nos in meliorem viam reducere: & digito demonſtrare, quàm cū gravibus morbis, & periculosis peſtibus animæ noſtræ conſiſtentur. Nos verò medicos aſpernati, ſalubria negleximus remedia, aut ſecuri in utramque ſtertentes aurem, eorū admonitiones excuſſimus ingrati, neque eos, qui aſſectu fraterno nos ad officium reducere tentabāt, audire volui-

voluimus : sed ruentes in præceptis per omnem debauchandi licentiam, id existimavimus licere quod liberet. Ideo Deus, qui è cœlis inferiora hæc contemplatur & novit, iustissimis de causis offensus, propter supinam nostram negligentiam, vel obstinatam & pervicacem malitiam, prosequitur nos, & punit omnibus plagis, quib<sup>9</sup> in furore iræ suæ solet obruere inimicos nominis sui. At cum malorum causæ quotidie magis augeantur, non est mirum si calamitates publicæ multiplicentur ubique, miserandaque Gallia ad extremam perditionis periodum redacta sit. Vidimus enim æterno nostro dolore superioribus annis, tot præclararum urbium everfiones, incendia, neces hominum omnis ordinis, conditionis, & sexus [qui partim ferro, partim fame, & morbis extincti sunt] opes tam publicas quam privatas ubique exhaustas, æraria principum, fortunasque privatorum prædæ militum peregrinorum expositas: tot matronas nobiles, tot ingenuas virgines libidini sceleratissimorum hominum prostitutas: Tēpla subversa, & solo æquata, loca sancta polluta: & eos qui serviebant Ecclesiæ, per omne dedecus & opprobria ad carnificinam crudelissimorum Busriridum, Phalaridum, & Procrustium raptos, & immaniter laniatos. Omnia in summa jura divina humanaque violata, sublatam ex hominum societate & consortio omnem charitatem & humanitatem: Luxu alios & libidine, crapulaque, & ingluvie disfluere, alios tenaci sordidaque avaritia ringi: implacabile vindictæ cupiditate alios æstuare: dolis malis omnia fœdera, & pactiones dissolvi: nullo amicitie vinculo conjungi consanguineos, propinquos, & amicos: omnem religionem vel atheismo subverti, vel fūco hypocrisis, falacique pietatis simulatione, vel absurda superstitione pollui. Quid usquam gentium videre est, quod à fœdissimis notis non sit inquinatum, aut abominanda depravatione corruptum? Interim Christiani volumus vocari, Evan-



gelicæ doctrinæ, Apostolorum, & Sanctorum patrum  
 sectatores, quos pueret, si viverent, & longè à se tā in-  
 dignos discipulos rejicerent. Mirabimur igitur, si Deus  
 misericordiæ & clemētix suæ oculos à nobis auertat? si  
 ruperit sepē suæ vineæ, & eam depascendā apris, ac fe-  
 ris reliquerit? Nosque, nostras uxores & liberos fecerit  
 prædā hostibus? Hec videmus, & audimus: hæc sentim⁹,  
 & his opprimimur: Stupidique, & funesta tacti lepra  
 perferimus: Neque quicquā nostrū ad cœlum attol-  
 lit oculos, ut inde imploret auxilium, & ad asylum mi-  
 sericordiæ Dei confugiat: Qui non vult mortē pecca-  
 toris, sed magis ut cōvertatur & vivat: Qua in re deplo-  
 ratā humanæ naturæ magno animi dolore debemus a-  
 gnoscere, & nosmet odisse, qui ultro sciētes ac volētes  
 in perditionem nos præcipitemus: Et quātum in nobis  
 est ruinam æternā in devota morti capita attrahimus.  
 Cumq; his calamitatibus sine discrimine bonos malos-  
 que implicari, & involvi videam⁹, uberiorē materiā lu-  
 ctūs & lacrymarum debemus inde concipere: Cū vi-  
 deamus nos destitui ope, & præsentia bonorum: ppter  
 quos Deus misericordiā suā effundit in multa malorum  
 millia, quibus parcit clementer, & eorum conversionē  
 lōganimis expectat. Cū autē bonos ad se recipit, ma-  
 nifestè nos docet, afflictionum finē nondum advētas-  
 se. At nos tantorum malorum pōdere pressi gemimus, u-  
 nicam in sola morte statuētes liberationē. Mors enim  
 nos subtrahet ab ingruentibus mundanarū tēpestatum  
 fluctibus, & procellis, pertrahetque naufragos ad portū  
 tranquillitatis: quo adduci nō possumus, nisi ergastulo,  
 & cōpedibus hujus carnis expliciti, in cœlestem sedem  
 evocemur: Sed cū Deus nos adhuc superesse velit, ve-  
 tetque injussos è statione adsignata discedere, assiduis  
 planctibus, & non fucata pœnitentia ad ejus auxilium

*Matth* convertamur oportet: discamusque conditionē electo-  
 1026. rum esse, Christum sequi, ut renunciemus nobis ipsis,

&



& tollamus crucem nostram: Hac via nos præcessit dux  
noster Christus: Nō erit servuus major dño suo, nec disci-  
pulus magistro. Neceſſe enī est per multas afflictio- Rom. 8.  
nes intrare in regnum cœlorum. Propterea fideles læ-  
tantur in afflictionibus, scientes quodd tribulatio parit  
patientiā, Patientia experiētiā, Experiētia spēs, Spes  
autem non confundit, Et ut subjicit Apostolus. Cū om- Rom. 8.  
nia exactē trutinaverimus, æstimabim⁹ tēporis præ-  
sentis afflictiones conferri non posse cum gloria futu-  
ra, quę revelabitur in nobis. Deus pater cœlestis qui ni-  
hil gerit nisi justo judicio, nos castigat propter delicta  
nostra, ut liberos suos pater, non ut illos enecet, sed ut  
illorum pervicaciam emēdet, & illos meliores reddat.  
Postquam autem redierimus ad meliorem mentem, &  
pœnitentia antea cte vitæ ducti, lacrymis nō fictis illius  
imploraverimus opē: ille ut bonus pastor ovem erro-  
neam propriis tollet humeris & in ovilæ reducet: gau-  
debitque magis super ove perditā & receptā, quā su-  
per reliquo grege salvo: Tunc vibices verberū, quā su-  
stulimus, leniet, lacrymas ab oculis nostris absterget, &  
flagella iræ suæ comburet. Interim hoc intra nos statu-  
tum esse debet, nihil nobis eventurum, nisi quod cœle-  
stis Patris providentia decreverit: Capilli capitis nostri  
numerati sunt: Nihil in humanis rebus fit casu vel for-  
tuito: Deus, ut bonus est, omnia reducet ad sui nominis  
gloriam, & ad nostram salutem.

Hæc cū attentius apud me meditarer, ut in me-  
dio miseriarum communium aliquam consolationem  
excerperem, collegi brevem hunc tractatum: cui no-  
men dedi, THEATRUM VITÆ HUMANÆ.  
In eo enim propono, tanquam in frequenti hominum  
confessu, humanæ vitæ miserabilem cursum: In qua  
homo, tanquam in stadio laborioso, perpetuis gra-  
uissimisque ærumnis exercetur: agitatus crudelitate  
atrocissimi hostis Satanæ, peccati, carnis, & mundi.

Hi enim cōiuratione concordi conspirarunt in Deum  
& in salutem electorum. Doceo itaque omnes calamitates, quibus involuti sumus, demanare ex maledictione, quā primus homo superba rebellionē in suū attraxit caput, eique se involvit cum tota posteritate. Et ab hac maledictione nemo se potest subtrahere, nisi misericordia divina, & gratuita gratia ex ea eximatur: ut sunt electi, quos Deus adoptavit fide in Iesum Christū redēptorem nostrum. Hi soli exempti ē massa perditionis æternæ, sequuntur Christum servatorem & ducē, onusti cruce: quæ est tessera militiæ, cui nomē dedim⁹: & ea discernimur ab infidelibus. In vita igitur hac versamur tanquā in difficili, & laboriosa peregrinatione: semper pergentes & progredientes ulterius, neglectis mundi, carnisque illecebris, neque succumbentes violentiæ Principis huius mundi, sed perseverantes usque ad finem, donec perveniamus ad trāquillum receptaculum, & domum cœlestē, aqua labor, ærumnæ, tristitia, & sollicitudo exulant: felicitas, gaudium, & quies æterna permanent in sæcula. Reliqui qui iusto Dei iudicio relinquuntur in maledictione illa naturali, in qua concepti & nati sunt, ne legitimam ignorantia prætexere possint excusationem, & culpam diluere, ad legis cognitionem pertrahuntur. Lex enim Domini proposita est omnibus hominibus, ut ex ea discāt, quam perfectionē ab iis requirat Legislator: in ea tanquam in claro speculo agnoscunt, quā turpibus notis, quā ignominiosa labe deformati sunt omnes per se: & hac cognitione ad pœnitentiam adduci necesse est eos, quib⁹ sua salus curæ est: cū perfectissimæ Legi perfectē nō possint satisfacere: audiantque Dominum dicentem: Quicumque defecerit in uno horum mandatorum, erit omnium reus: Hac sententia attoniti, quarant oportet remedium illud salutare, quod propositum est omnib⁹ peccatoribus in Christo benedicto. Quamvis autē hæc medi-

meditatio tam ad pios quam impios pertineat: magnū tamen discrimen est inter utrosque. Nam boni cognitione suę imperfectionis (quam ex Legis severitate ad discūt) ab ipsa lege, tāquam à pædagogo, manu ad Christum adducūtur: in quo inveniunt integram satisfacti- onem, & obligationis solutionem: participesque facti iustitię Christi [quem amplectuntur, & illi adhærent vera & viva fide] cum omni fiducia clamant Abba Pa- ter. Fideiussorem enim habent agnum Dei, qui tollit *Ioan. 5.* peccata mundi: qui suos electos tam benignē, tam clem- enter ad se vocat: Venite ad me omnes qui laboratis, & onerati estis, & ego reficiam vos. *Mat. 8*

At reprobi, qui obstinatē voluntati Dei rebelles se præbent, ab hac clementia excluduntur. Cū enim pertinaciter recalcitrent, cōtra stimulum Legis, à quo ur- gētur, & propter obstinationē cordis se illi submittere recusant, Deū oderunt, & illum cuperent detrudere de tribunali suę iustitię, ut per omnem scelerum licentiā ferri liceret impune. Necessē tamen est eos adduci ad has angustias, ut inviti licet, confiteantur Deum futurū iudicem omnium: & unumquemque recepturū secundum sua opera. His lex tantūm data est, ut illos pertra- hat in præcipitium desperationis, cū nolint cōverti, & tutelę Iesu Christi se submittere: quem tam clemē- ter Deus pater indifferenter offert omnibus peccato- ribus. Quòd si non profit omnibus æqualiter, ut uni- cuique propositus est: culpa condemnationis redūdat in rebelles, & reprobos, qui superbē rejiciunt remediū necessarium, & unicuique sine discrimine oblatum.

In hoc tractatu propono, quomodo malorum inobe- diētia fructus mortis producat, cū ex ramis putridis, non nisi putridi fructus generari possint: & his irā Dei provocant, & condemnationi se implicant: Quòd demonstro pluribus historiis, desumptis ex verbo Dei, & ex Poëtarum scriptis: omnia reducens ad Decalogi di-



vinī normam, contra quam hæc geruntur: Narrationē-  
que meam picturis illustro earumdem historiarum pi-  
ctura, ut lectio iūgatur subjecto, quod oculos delectet.  
Inde discent fideles, qui in hoc mundo quisquiliæ, &  
catarmata ab hominibus ejiciuntur & exploduntur, si-  
bi in cœlis prospectum esse optimē. Malos autem, qui  
per omnem licentiam polluantur diversis criminibus  
licet in hac vita deliciis fruantur, diique judicentur, &  
honoribus cumulentur: hos tamen oportet sisti ante  
tribunal Dei, & coram sanctis omnibus rationem red-  
dere omnium, quæ in hoc mundo injuste egerunt: Au-  
dient enim sententiam illam horrendam iudicis irati:  
Ite maledicti in ignem æternum, & in gehennam, quæ  
præparata est Satane, & omnibus ejus asseclis, ubi est e-  
julus & stridor dentium.

Hoc opusculum cū absolvissem, id volui sub tuo  
nomine in lucem emittere: quod semper animadver-  
terim te meditationi rerum sacrarum, & ad nostram  
salutem pertinentium deditam esse. Simul etiam, ut  
aliquod meæ gratitudinis testimonium reddam erga  
te, propter singularem benevolentiam, qua me hæc-  
tenus prosecuti estis, non solum tu, matrona lectissima,  
sed illustris & generosus piæ memoriæ vir tuus, magna-  
nimique filii tui, qui me præceptore usi sunt. Quos si  
Deus esse superstites voluisset, iis patronis absoluturus  
eram cursum vitæ meæ tranquillum & felicē. At cū  
ad cœlos translati sint, equum esse duxi, tibi hoc quale-  
cunque est dedicare. Si meum laborem probes, eūque  
excipias ea frōte, qua solita es amplecti officia eorum,  
qui tibi suum studium consecratum esse cupiunt, opti-  
mē mecum agi putabo, & cum scopum attigisse quem  
mihi proposui. Deus te salvam & inco-

lumen cum liberis ser-  
vet, Vale.

*Cui studiosissimus, f. f. BOISSARDUS.*



PETRI LEPIDI METENSIS REGIO-  
RUM NEGOTIORUM SUMMI PROCU-  
ratoris apud Mediomatrices, Virdunen-  
ses, & Tullios

TETRASTICHVM

*In effigiem Boissardi à Theodoro Hegio sculptam.*

*Cous Alexandrum si nobilitavit Apelles,  
Dum pinxit docta Principis ora manu;  
Iane, tuum illustrat Theodori industria vultum.  
Qui tanto heic pictus cernitur artifice.*



IN I. L. BOISSARDI EFFIGIEM

PAULUS MELISSUS COMES SACRI  
*Palatii Eques, & civis Romanus.*



Vju s heic labia & genas camamque,  
Lector, eminulam virente lauro  
Admirantibus inspicis Camœnis,  
Boissardus meus est vetus sodalis,  
Amicusque bonus, velutque frater.  
Mî versatur in evidente lingua:  
Inque ipsis oculis perenne fertur:  
Omnis hæret in intimis medullis.  
Diverso varius colore pictor,  
Vestium Phrygio nitore textor,  
Carminum Latio decore fictor.  
Ternis muneribus remuneravit  
Me sodalis, amicus, atque frater,  
Pictura, & Phrygia plica, & poësi.  
Quei discederet à sonante lingua?  
Quei relinqueret is meos ocellos?  
Aut quei defereret meas medullas?

*Ejusdem Melissi in Theatrum vite humanæ  
à Boissardo conscriptum.*

Qui feriari & otiari haud iustines  
Boissarde, luci das subinde quæpiam

Queis



Queis erudimur, ductitamurque ad benè  
 Pièque vivendum. Theatro jam vacas  
 Mortalis ævi, vitam ut immortalium  
 Sapienter adipiscamur, expertes mali,  
 Bonique consortes. Monendo talia,  
 Hominesq; ab æternæ eximendo vi necis,  
 Vitam mereris ipse: Eandem aliis quoque  
 Dignè procuras, quantum in ipso te sitū est.  
 Atqui talentum, quod tibi Deus credidit,  
 Sepelire parcis. Vt bonus danista fis  
 Et liberalis, haud quidem usuram in tuam  
 Quæstumve, rem sed utilemque in millium  
 Complurium usum! Sic lucrifactum probè  
 Et feneratum quis beneficium neget?

---

I. I. BOISSARDI VESVNTINI IN  
 THEATRUM VITÆ HUMANÆ.



*ANTE* obitum felix, supremaque funera  
 nemo est:

*Nulli ex parte omni vita beata fluit.*

*Ætate ordimur lacrymis: metimur eandē  
 Sudore: hæc fato non meliore fluit.*

*Tutiùs Adriacum tonsis diverberat aquor,*

*Et formidatas navita sulcat aquas,*

*Quàm vitæ spatium, quod nos decurrimus: in quo*

*Cladibus, & mæsto plena labore via est.*

*Aspice ut in vastis immersa est nostra procellis*

*Prora; & quàm horrendo proxima naufragio?*

*Vt fragili scopulis illisa est lintre Capharei!  
Mergitur ut cæcis obruta puppis aquis!  
Mille hinc circumstant Scyllæ, mille inde Charybdes:  
Desuper horrendo fulmine cuncta tonant.  
Nimbosæ obscuro glomerantur in æthere nubes:  
Et crepat effusæ grandinis imbre polus.  
Aëra suffundit densis Libitina tenebris,  
Et mors Letheo furva pavore furit.  
Nulla Pharos portum sublato lumine monstrat:  
Nullaque in incerto littore posita salus.  
Nè Deus, ex alto qui despicit omnia cælo,  
Eximat è vîsto transtra soluta salo.  
Vrgens securo tranquilla per æquora cursu  
Pendula firmato carbasa remigio.  
Appulimus terræ? tellure incommoda mille,  
Mille habitant noxæ, mille pericla latent.  
Ingredimur circos, tragiciq; theatra doloris  
Plena, ubi fors nobis non magis æqua venit.  
Sæper in excubiis vigilant mūdusque, Satanque,  
Atque intestina proditione caro,  
Vt nos peccati pulsos in retia perdant;  
Conficiatque fera mors inopina manu.  
Assidue trucibus vexamur ab hostibus: & nos  
Difficili exercet fors mala militia.  
Nec mora, nec requies homini datur: in caput unum  
Vndique turmatim se mala cuncta rotant.  
Dū nos mæsta tenent malè fidæ ergastula carnis,  
Immensis premitur vita referta malis.*

*Non*

*Non malè Silenus Phrygio dixisse tyranno.  
Et cupido verbis insinuasse ferunt,  
Vel non nasci homini conducere: Si tamen illum  
Nasci fata velint, quàm citò posse mori.  
Tristia ne misera videat spectacula lucis,  
Fortuna ut ludus serviat, atque pila.  
At nos fortuna nomen, casusque negamus,  
Stulta volubilibus numina fusa rotis.  
Nos tutela Dei, nos dextera protegit illa,  
Sub cuius sceptro cuncta creata tremunt.  
Nosque voluntati illius submittimus ultro,  
Ultro & ad illius flectimur imperium.  
Is capitis nostri numeratos esse capillos  
Asserit, & cura cuncta subesse sua.  
Sic exerceri nos poscit, ut ista caduca,  
Et mundi vanas despiciamus opes.  
Ad cælum tota mente aspiremus, ubi nos  
Vita in perpetuum, & gaudia vera manent.  
Linquamus terram quibus est terrestris origo.  
Atque Epicuræis qui vitulantur haris.  
Qui nulla à vitiis turgent virtute redempti:  
Quos nulla aut pietas, relligione movet.  
Sardanapaleo quos concitat ebria philtro  
Cypris, & Idalio potus amore puer.  
Pestis & humani generis truculenta voluptas,  
Et nutritrix avidæ crapula fæda gula.  
Quos Deus æternæ mersos sub Tartara morte  
Igne Erebi, & diro puniet exitio.*



AD LECTOREM BOISSARDVS.



*VM Theodorus Bryius Leodiensis, homo vigilans & ingeniosus, collegisset ex sacris literis aliquot historias, quæ contra luxum & ebrietatem faciunt, hæcque cū duobus filiis Theodoro & Israël (patri ingenio & arte paribus) elegantissimis affabrè sculpsisset typis; ut vir bonus est, & de re literaria meritis optimè, petiuit à me, ut aliquid in eas scriberem, quod ad picturæ elucidationē faceret, & ad lectoris utilitatem pertinere videretur. Tātillum officii non potui amico denegare; cū in illius gratiam nihil velim subterfugere aut detrectare. Distribui ergo singula in certum ordinem, quem ad Decalogi præcepta accommodavi: addidique reliqua, quæ ad absolvendum opus videbantur necessaria: Placuitque hūc tractatum nominare Theatrum vitæ humanæ: quod in eo representetur tam scripto, quàm pictura, quàm variis miseriis & calamitatibus homo dum vivit subiectus est: cui assiduò est conflctandum cum acerrimis ac truculentissimis hostibus, diabolo, carne, & mundo, à quorum violentia & oppressione sola Dei misericordis ope, & auxilio liberari potis est: Res si mihi benè successerit (succedet proculdubio benè, si tibi placuerit) gratulabor mihi, tibi que, Lector candide, debebo quicquid ex ea laudis consequar. Accipe igitur libellum hunc qualemcūque, atq; eo frui: & feliciter Vale.*

THEA-






# THEATRVM VI- TÆ HVMANÆ.

## CAPVT I.

*VITA HVMANA EST TANQVAM*

*Theatrum omnium miserationum.*



*Vita hominis tanquam circus, vel grande theatrum est:*

*Quod tragici ostentat cuncta referta metus.*

*Hoc lasciva caro, peccatum, morsque, Satanque*

*Tristi hominem vexant, exagitantque modo.*



**V**IT A hæc quam vivimus mortales, vi-  
 ta dici neutiquam debet; si probè cō-  
 sideremus quātis incommodis invo-  
 luta sit, & immersa. Theatrum est po-  
 tiùs omnis luctus, dolorum ac miseriarū: in quo  
 nihil conspiciamus, quod nō sit gravissimum de-  
 plorandum, & molestissimum. Et cū homines  
 hominum causa generati sint, ut ipsi inter se aliq-  
 aliis prodesse possent: hoc natura præscribit, ut  
 homo homini quicumque sit, ob eam ipsam cau-  
 sam tantū, quod is homo sit, consultum velit:  
 cū inter omnes requiratur societas quædam.  
 Atque ut magnas utilitates adipisci debemus cō-  
 spiratione hominum, atque consensu, sic nulla tā  
 detestabilis pestis excogitari potest, quæ non ho-  
 mini ab homine nascatur: ut nō abs re dictum sit:  
 homo homini Deus: homo homini lupus. In vita  
 hac nihil est, nisi propagatio miserrimi temporis.  
 Sed obsecro, Quid est in hominis vita diu? Nihil  
 sanè diuturnum videtur, in quo est aliquid extre-  
 mum. Cū enim id aduenerit, tunc illud quod  
 præterit effluxit. Quæ ætas longa est: aut quid om-  
 nino homini lōgum? Nonne modò pueros, mo-  
 dò adolescentes in cursu à tergo insequens, nec  
 opinantes assecuta est senectus? Omnia ista perin-  
 de ut cuique data sunt pro rata parte à vita longa  
 aut brevia dicuntur: horæ cedunt, & dies, & men-  
 ses, & anni: nec præteritum tempus unquam re-  
 verti-



vertitur; nec quid sequitur sciri potest. Quis est, quamvis sit adolescens, cui sit exploratum se ad vesperum esse victurum? Sensim sine sensu ætas senescit: nec subito frangitur, sed diuturnitate extinguitur. Nihil semper floret: ætas succedit etati: volant anni, vires debilitantur, corpus flaccescit, sensus hebetantur, formæ dignitas aut morbo deflorescit, aut vetustate. Nihil in suo statu diu manet. Nemo cōfidat semper sibi illud stabile & firmum permāsurum, quod fragile & caducum est. Quæ potest esse in vita iucunditas solida, si res humanas, earumq; inconstantiam seriô perscrutemur? cū dies ac noctes cogitandum sit iam iā esse moriendum. Nemini enim exploratum esse potest quomodo habiturum sit corpus, non dico ad annum, sed ne ad diem integrum. Circundant hoc corpus imbecile & fragile, mille morbi, & dolores, cruciatusque innumeri. Animum percellunt, & à sua sede dimovent curæ, metus, sollicitudines, affectus inordinati, & passionēs infinitæ: à quibus nulla ratione, nullo conatu nos possumus extricare, vel expedire. Ingredimur hāc vitam lacrymis, sudore metimur, absolvimus lāgore. Et ab hac conditione nemo cuiuscunq; status sit, se potis est eximere. Prima ætas ævi se nescit: media curis obruitur; ultima senectute molesta premitur. Novit paucos secuta quies: finis alterius mali, gradus est futuri. Quemcunq; miserum videris hominem scias: O fallacem homi-

num spem, fragilemque fortunã, & inanes nostras cogitationes, cõtentionesque, quæ in medio sæpe spatio frangũtur, & corrũtu& antè in ipso portu obruuntur, quàm portũ conspicerere potuerint. O volucrẽ vitæ statũ. Quam citò omnia ex lætitiâ & voluptate ad luctum & lacrymas recidũt. Homines nos esse meminerim⁹ ea lege natos, ut omnibus calamitatum telis proposita sit vita nostra: neque esse recusandũ, quo minus ea qua nati sumus conditione vivamus. Neve tam graviter eos casus feram⁹, quos nullo cõsilio vitare possimus: eventisq; aliorum memoria repetendis, nihil accidisse novi nobis putemus. Levat dolorem cõmunis quasi legis, & humanæ conditionis recordatio. Præter culpam & peccatum homini accidere nihil potest, quod sit horribile, aut pertimescendum. Cũ enim culpa caremus, quicquid acciderit, placatè & moderatè feramus. Necessitas ferendæ conditionis humanæ, quasi cũ Deo pugnare prohibet; admonetque esse nos homines: Quæ cogitatio magnopere luctum levat; efficitq; ut quicquid nobis acciderit, fortiter ac sapienter toleremus. Ratio impetrat, quod dies impetratura erat: nempe consolationem, ac luctus diminutionem. Stulti enim aliter ferunt inveterata, aliter recentia. Sensim ac pedetentim progrediens dolor extenuatur: non quod ipsa res immutari soleat, aut possit: sed id quod ratio debuerat, usus docet minora esse ea, quæ sunt visa maiora. Quicquid

quid nobis contingit, Dei providētia nobis evenire statuendum est: sine qua ne capillus quidem & nostro decedit capite; Numeratos enim capillos capitis nostri Christus asserit: ut nos ab angustiis nimiarum curarum extrahat. Omnes nostrę sollicitudines in manu Patris cœlestis reponendę sunt. Is benignē nobis providebit de omnibus necessariis. Nolite solliciti esse in crastinū: Quare *Matt. 10.* primum regnum Dei, & iustitiam eius, & reliqua ad vitam necessaria adiungentur vobis. Scit enim Pater vester quibus rebus indigi estis. Ut secunda moderatē ferimus, sic nō solum adversam, sed funditus everfam fortunam placidē ferre debemus. His cōdita est vita nostra difficultatibus, ut nihil sit à doloribus immune. In ea enim Deus optimus maximus cōmorandi nobis diversoriū, non habitādī dedit. Quod & Gentes (qui Dei notitiam nō habuerunt, aut saltem perexiguam) intellexerunt, turpe est Christianos nescire: aut Dei monitis nō obtemperare: qui assiduitate calamitatum, quibus nos urget, ab amore huius vitę nimio nos divertit. Præclarē Socrates Axiochum à *Plato in Axiocho.* metu mortis abducit, cōmemoratione miseriorum, quibus mortalium vita referta est. Id enim temporis exiguum spatium quod vivimus, nullā in se sui partem continet incōmodis & molestissimis difficultatibus vacuum. Infans recēs natus reliquis animalibus longē est imbecillior: qui nisi sollicitē tractaretur, aleretur, ac foveretur, sta-

tim deficeret, omni ope destitutus. Neq; est hominum quisquam, qui ætatem infantia vitā existimet optandam: in qua neque corpus, neque anima quicquam habet solidi: omnibus organis ad perfectū opus inutilibus. Vix è cunis emerfit puer; vix ab lactatus à nutrice dimittitur, cum statim à parentibus pædagogi curæ committitur & institutioni: sub cuius ferula & difficili imperio perpetuo vivit in metu: morositatem præceptoris agrè tolerans, & eius præceptis sese morigerum præbēs, flagris ac minis adactus, magis quam voluntate: ita ut illi pars hæc ætatis sit quasi custodia carceris intolerabilis. Ad adolescentiam postquā pervenit, mille affectibus inordinatis, mille concupiscentiis hinc inde abripitur: Et quasi effrenus equus impetu citato in omne malorum præcipitiū pronus fertur: miseramq; hanc ætatē vix mētis cōpos in perniciē corporis & animi protrudit. Virilitatem postquam attingit, Deus bone! quanta curarum, mœrorū, angustiarum, & solitudinū mole premitur! quanto cogitationum variarum ardore, & incertorum consiliorū numero æstuat! ut domui provideat suæ, uxori, liberisq; necessaria procuret. Iam avaritia ringitur insatiabili: Iam ambitione sollicita flagrat: nunc suspicionibus, invidia, diffidentia, & opinionibus in diversas partes mens illius abstrahitur: Nihil tutum, nihil securum circa se prospicit. Contingitque sapius, ut quas infinito labore, cura, solitudine cumula-

verit



verit opes, incendio, naufragiis, hostium incurfu violento, aut alia inopinata calamitate momento amittat, fractus animo simul & corpore. Plerumque suorum iniuria, & ingratitude à dignitate cum turpi dedecore detruditur, in exilium mittitur; aut domi inglorius quod reliquum est vite cū mœrore & tristitiâ exigat. Quòd si concedatur illi ad senectutem pervenire (quæ nos sive privatum, sive publicè vivamus furtim insequitur) nihil in ea ætate non amarum, non imbecillum & debile experitur. Catervatim irruunt morbi, podagræ, paralytes, catharri, & eiusmodi incōmoda, quæ senium semper comitantur: imo ipsa senectus per se morbus est continuus. Diminuuntur sensim omnes corporis sensus: offuscatur visus; obtunditur auditus; infatuatur gustus, odoratus deperditur; membra mutilantur: nullaque pars est in hoc miserando corpusculo, quam Natura, tanquam sceneratrix iniqua, nobis non carpat & eripiat tanquam pignori: ut certi simus de totius corporis destructione & interitu. Ita fiet, ut cū exactè fueris vitam hominis contēplatus, si particulatim quassibet ætates discutias, invenies infantiam nihil aliud esse, quàm fatuam simplicitatem: Juventutem vanum ardorē; virilitatē curarum abyssum: Senectam verò molestum lægorem. Ætatem sequentem prioris esse interitū: dies nostros lacrymis refertos: delicias & voluptates lethiferos esse morbos animi: opes ac divi-

tias nobis esse gehennam & cruciatus: honores vanitatem, & onera intolerabilia: nostra otia meram esse inquietudinem tam animi quam corporis. Potestque hæc vita aptè comparari periculose navigationi, in quâ fluctuamus assiduò, mille terroribus & periculis expositi: donec per irrequietum hunc Adriâ superatis procellis naufragi enatemus; & perveniamus ad mortis portû: quæ sola nos è tanto malorum & noxarû labyrintho eximit & liberat. A malis enim nos abducit mors, non à bonis. Tunc erimus beati, cum corporibus relictis, cupiditatum & emulationum erimus expertes. Non deterret Sapientem mors, quæ propter incertos casus quotidie imminet, & propter brevitatem vitæ nunquam longè potest abesse. Hoc meditatum omnibus ab adolescentia debet esse, mortem ut negligamus: sine qua meditatione tranquillo esse animo quis non potest. Qui id quod vitari non potest metuit, is vivere animo quieto nullo modo potest. Mors terribilis est iis, quorum cum vita omnia extinguuntur. Cum igitur sit omnibus moriendum, stultum est, & effœminatum mortem pertimescere, quæ finis est nostrarum miseriarum. Ex ipsa vita discedendum est tanquã ex hospitio, non tanquã ex domo. Quare id exiguum vitæ spatiû, quod nobis largitur divina benignitas, ita transigamus, ut semper Deo conditori nos submittamus, ac voluntatem nostram. Fugiamus ea omnia & sollicitè vitemus, qui-



quibus illius ira provocari potest: stemusque in eo officio, & statione quæ nobis iniuncta est, & à qua sine imperatoris iussu discedere piaculū est. Omnis nostra cura in hoc versetur semper si possumus, ut boni aliquid efficiamus; sin minùs, ut nihil mali: semperque ita vivamus, ut rationem nobis reddendam arbitremur actionum, & cogitationum nostrarum. A recta enim conscientia transversum unguem non oportet quenquam in omni vita sua discedere. Nobisq; persuasum esse oportet, si Deum, hominesque celare possimus, nihil tamen avarè, nihil iniustè, nihil libidinose, nihil incontinenter esse faciendum. Honestæ bonis, non occulta quæruntur. Ab officio viri boni discedere nemo debet. Nulla pars vitæ, neq; publicis, neque privatis, neque forensibus, neq; domesticis in rebus, neque si tecum agas quid, neq; si cū alio contrahas, vacare officio debet: in eoque excolendo sita est vitæ honestas; & in negligēdo turpitudine. At nihil tā tetrū, nihil tā aspernādum, nihil homine ingenuo indigni<sup>9</sup>, quā turpitudinis labē subire. Si in unū locū collata sint omnia mala, cū turpitudinis malo non erūt cōparanda. Peccatum, à quo demanavit omnis vitæ calamitas, fugiendum est, & evitandum, tanquam summum malum; quod divortium fecit inter Deum & hominem. Neque tantū ab iis criminibus cavendum est, quæ in actum prorumpunt, omnibusq; nota sunt: sed danda est opera in locū demus vel

minimis cogitationibus, quæ ad deliberationem adducere possint animos nostros. Quæ parva delicta videntur esse, neque à multis intelligi possunt, ab iis etiam diligentius est declinandum. Impii semper intra se cruciantur: carnificem secum trahentes malam conscientiam. Sua quemque frans, & suus error maximè vexat: suum quæque scelus agitat, amentiaque afficit: Suæ malæ cogitationes, conscientiaque animi terrent. Hæ sunt impiis assiduæ, domesticæque furia: quæ dies noctesque pœnas à sceleratissimis repetunt. Ratio nobis à Deo data est, ut nos ipsos cognoscamus, & nostram originem, quæ ad ipsum Creatorem referenda est. Ratio reducat ad Deum cogitationes omnes nostras, & actiones vitæ nostræ ad eius præcepta accommodet. Neque id excellens donum, quod nobis ab æternò Patre luminum cōcessum est, in fraudem malitiamque cōvertamus. Astutiæ tollendæ sunt, eaque malitia, quæ vult quidem videri se esse prudētiam, sed abest ab ea, distatque plurimum. Nec ulla perniciēs vitæ maior inveniri potest, quàm cū in malitia inest simulatio. Cavenda sunt igitur deligenter ne nos fallant vitia, quæ virtutem videntur imitari. Nam malitia prudētiam, magnitudinem animi superbia in animis extollendis, liberalitatem effusio, fortitudinem audacia imitatur, & religionem superstitio. Pietatem sequamur, quæ est omnium virtutum fundamentum. Pietate adversus Deum subla-

sublata, fides & societas humani generis, & una excellentissima virtus iustitia tollatur necesse est. Pietatis regulas non ex nostro iudicio, nostris commentis, aut nostra ratione, sed ex Dei verbo statuamus: ex sacris literis quomodo pii vivere debeant probè edocentur. Deus vult coli, honorari & requiri, non hominum mādatis, sed ex suo præcepto. Illi iubenti humiliter, & reverēter obtemperemus; illo loquente cernui nos demittamus, & prompta obedientia illius dictis morem geramus. Omnem vitæ cursum quantumvis difficilem & ærumnosum patienter toleremus, & alacres transigamus: certò statuentes nihil unquā nobis accidere fortuitò, sed ex illius providentia & volūtate. Homo se morti priùs quàm vitæ parare debet, atque ideo putare extremum semper sibi diem adesse. Hæc est enim hominis cōditio, ut quàm citò in lucem exeat, moriturus existat. Stat sua quique dies, breve & irreparabile tēpus omnibus est vitæ: Omnes una manet mors; & calcanda semel via lethi. Vt sunt humana, nihil est perpetuum datum. In luctu & miseriis, mors ærumnarum requies, non cruciatus est. E vita tamen hac sponte nostra non licet exire. Vetat dominus ille in nobis Deus illius iniussu hinc demigrare. Piiis omnibus est anim⁹ in custodia corporis retinendus; nec iniussu eius, à quo ille est nobis datus, è vita discedendum est: ne munus assignatum à Deo defugisse videamur. At si quid



tale acciderit, ut à Deo denunciatum videatur, ut exeamus è vita, læti & agentes gratias pareamus: emittique nos è custodia, & levare vinculis arbitremur: ut omni molestia ac dolore liberati, animo prompto ac securo simus, volentesque in æternam, & planè nostram domum remigremus. Sin autem nihil denunciabitur, eo tamen animo simus, ut horribilem illum diem aliis, nobis faustum & felicem putemus: nihilque in malis ducamus, quod sit à Deo immortalis constitutum. Novit Pater ille cœlestis quid nobis sit expediēs, quid utile, quid necessarium: nihil quicquam nobis deerit eorum, quæ requiruntur ad nostram salutem, si ex illius providentia pendeamus, & nos illi ultro submittamus. Sive longa, sive brevis nobis vita concedatur, eam totam ita impendamus, ne à Deo nostra mens deflectatur. In longo dierū numero nulla felicitas statui potest, sed in meditatione beneficiorum, quæ assiduè à cœlesti numine recipimus: & in illius misericordia, qua nos in Christo Iesu cōplectitur: nosque gratuito, & perditione generali exemptos sibi conciliat, & regni cœlestis heredes facit. Tum demū erimus beati, cū corporibus relictis, cupiditatū & peccatorum erimus expertes: & præsentia Dei altissimi fruemur: eaque vita æterna, quam Deus promisit iis omnibus, qui Iesum Christum servatorem fide amplexi, remissionem peccatorum illo mediante & satisfactore consequentur. Cū à principio  
cipio

cipio creatus esset homo ad imaginē Dei, potuit non peccare: sed ab eā perfectione, & excellenti statu, in quo conditus erat, superbia & inobediētia defecit: dejectusque est sua culpa ab integritate suæ originis, seque simul, ac totam suam posteritatem involvit maledictioni, ac damnationi æternæ. Omne genus humanū, quod ab impuro primi hominis semine propagatū est, perditioni est dicatum. Ne tamen in desperationem præceps rueret, statim consolationem audivit clementissimi Dei, qui illi liberatorem, & servatorem promisit: in quem omnium oculos erigi iubet, tanquam in portum nostræ salutis certum, & unicū. Illi quicumque firma fide adheferit, priori statui, imo excellentiori multò restituitur. Adoptantur enim fideles per Iesum Christū, & filii Dei fiunt, sanctificati & servati gratia: neque illis restat ulla condemnatio: Deum habent propitium, & reconciliatum: & servitio diaboli excusso liberi redduntur: Reliqui verò, qui iusto Dei iudicio in sua cæcitare relinquuntur, ii tota vita peccatis obruti, condemnationem sibi thesaurizant, ruinam, & mortem æternam: Idque sua culpa: Nam Deus autor mali non est: Quod nos servamur, Dei misericordia id beneficium consequimur. Impii & reprobi iudicium Dei sentiunt, ut illius iustitia manifestetur in filios iræ ipsius. Conducit legem Domini nobis ante oculos proponere: ut in ea tanquam in speculo contemplemur,

non solùm quales simus, sed quales esse debeamus: & quàm longè ab illa perfectione absimus, quæ à Deo requiritur: ut agnitione nostræ miseriæ & imperfectionis redemptionem nostram æstimemus: perfectionemque nostram aliunde, quàm ex nobis petamus: nempe ex Christo qui pro nobis fide iussor factus apud æternum patrem suum debita nostra solvit, & justiciæ divinæ perfecta obedientia satisfecit. Lex igitur pædagogi instar, fideles adducit ad Christum: per quem adoptati, & spiritu ejus sanctificati, ex massa illa maledictionis eximimur, & filii

Dei singulari clementia & beneficio gratis redimur.




MVN-



CAP. II.  
MVNDI CREATIO.



*Qui vastiattonitus spectat miracula mundi,  
Susplicere illius cogitur artificem.  
Quod patet in cælis, terraque, marique, diebus  
Sex Deus excellens hocce peregit opus.*



*Gen. 1.* **I**N principio creavit Deus cœlum & terram. Cœlum suis luminaribus & exercitibus, aërem volatilibus, terram plantis, herbis, arboribus, animalibus exornavit, &  
*Gen. 2.* maria piscibus. Et hæc creatio sex diebus absoluta est. quievitque Deus à suo opere die septimo, & illi benedixit. Cùm Dei essentia sit incōprehensibilis, eiusque numen effugiat nostros sensus: quoties insignem & admirandam hanc mundi fabricam contemplamur, statim obruimur immensa vi fulgoris; quæ mentes nostras involvit admiratione Architechti. Nullaque pars est huius operis, in qua conditoris potentia, sapientia, & insignis gloriæ illius non appareant notæ. Non solum literatis hominibus (qui scientiarum cognitione considerant astrorum cœlestium situs, motus, intervalla, proprietatesque, quæ ex astronomiæ doctrina discuntur) sed etiam ipsis literarum rudibus hæc admiranda videtur architectura: quorum nemo est, qui non suspiciat & laudet Majestatem divinam, adoret illius sapientiam, & providentiam in gubernandis omnibus admiretur. Imo ex tantis, & tam excellentibus creaturis, quæ nostris oculis expositæ sunt,

sunt, solum hominis corpus, si quis benè cōtempletur; nemo est nisi planè mentis inops, & expers judicii, qui in eo non agnoscat satis esse miraculorum, ad agnoscendam Dei optimi Maximi bonitatem & potentiam. Vnde Philosophorum emerfit opinio nos esse filios Dei, propter infinitas dotes, quibus Divinitas exornavit hominem. In quo tantum est artificium, tam admiranda concinnatio, & harmonia membrorum omnium, tam præclaræ facultates animæ, ut divinitatem quodammodo præ se ferat: Et videantur in compositione unius hominis concurrisse omnes Divinæ sapientiæ thesauri. Cùm certè hæc omnia contemplamur, & consideramus attentiùs, ea nos debent cogere, ut cernui majestati Divinæ conditrici & conservatrici tanti operis submittamus: unique Deo omnem cultum, omnem adorationem tribuamus: nec derivemus debitam illi observantiam ad creaturas, hominesque quantumvis dotibus insignibus exornatos. Cumque ipse Deus altissimus, infinitus, & spiritualis sit, nec acie oculorum nostrorum possit conspici; constructio mundi hujus, & gubernatio nos potest docere quantus & qualis sit conditor. Illumque judicare convenit ex tanto opere; illum tota mente, ac toto corde amare & amplecti: cùm velit nos in se respicere; fidem nostram ad se dirigere, coli & invocari à nobis. A suis enim virtu-



tibus manifestatur Dominus: quarum vim quia  
sentimus intra nos, & beneficiis fruimur, vivi-  
diùs multò hac cognitione nos affici necesse est,  
quàm si Deum nobis imaginaremur, cujus nul-  
lus ad nos sensus perveniret. Neque tamen cu-  
riosa temerariaque audacia illius essentia nobis  
est discutienda: quæ adoranda est potiùs, quàm  
scrupulosiùs disquirenda. Qui scrutatur Maje-  
statem illius opprimitur à gloria. Quem cæli &  
terræ capere non possunt, vix facultatibus imbe-  
cillis cerebelli nostri & intellectu con-  
cipietur illius infinita &  
æterna substan-  
tia.

*LAPSVS*

*LAPSUS SATANÆ.*



*Cœlestes Genios perfecta luce creatos  
Peccatum horrendo perdidit exitio.  
Sub Phlegethonte Satan Cocytū mergitur undis:  
Pœna eadem reliquis addita dæmonibus.*



**D**E u s statim à principio creationis mundi Angelos, & cœlestes exercitus condidit, qui Divinitati inservirent : Ex quibus Satã superbia elatus & malitia, defecit à Deo conditore suo : dejectusque est à sua dignitate, & cœlesti gloria, tâquam Dei inimicus & omnium creaturarum, cum suis turmis, & malorum Geniorum legionibus, quæ se implicuerant eadem rebellione & superbia. Fuerant enim à principio, & à creatione Angeli Dei in excellenti conditione, & præ eminentia constituti: sed degenerando sese perdididerunt: & facti sunt instrumenta perditionis aliarum creaturarum: ideo condemnati sunt æterni ignis supplicio & gehennæ: ut est

*Iud. 1.* apud Iudam. Angelos, qui non servarunt suum principatum, sed dereliquerunt suum domicilium, in iudicium magni diei vinculis æternis sub caligine Deus reservavit: Et Petrus de iisdem

*2 Pet. 2* inquit. Si enim Deus Angelis peccantibus non pepercit, sed rudentibus inferni detractos in Tartarum tradidit cruciandos in iudicium reservari, &c. Quibus locis apertè docent Apostoli Diabolum cum suis Angelis statim defecisse à

se à



se à principio, & suo peccato obrutum, & immer-  
sum condemnationi æternæ. Et hæc malitia,  
quam illi scripturæ sacræ tribuunt, non ex crea-  
tione, sed ex depravatione illi evenit. Quicquid  
habet damnabile, id defectione & lapsu sibi ac-  
civit: neque quicquam hujus defectus ad Deum  
est transferendum. Ioannes dicit Satanam, quum *Ioñ. 8.*  
mendacium loquitur, ex propriis loqui, quia non *1 Ioñ. 3.*  
stetit in veritate: Peccavit enim ab initio. Hæc  
historia de lapsu diaboli paucissimis verbis per-  
stringitur in libris sacris: sed ea quæ scripta sunt  
debent sufficere sobrietati piorum: qui nihil ex-  
quirunt in scriptis divinis, nisi quod facit ad ædi-  
ficationem, & eorum salutem. Curiosiores au-  
tem inquisitiones & supervacaneas procul reji-  
ciunt, utpote nihil ad se facientes. Sciamus tan-  
tùm diabolum sua culpa defecisse ab ea integri-  
tate, in qua conditus erat à principio mûdi: quòd  
ubique dicatur adversarius Dei & noster: Is est *Gen. 3.*  
qui Euam seduxit, & Deum tanquam mendacii  
arguens eum suo honore spoliavit: Is dicitur *Matt.*  
spargere zizania in agro, cùm dormit pater fami- *13.*  
lias, ad corrumpendum vitæ æternæ semen. Et  
Christus ipse testatur. Satanam ab initio fuisse *Ioñ. 8.*  
mendacem & homicidam. Atqui hæc patran-  
tur ab eo facinora, ut mendaciis veritatem E-  
uangelii oppugnet, hominumque mentes diver-  
sis implicet erroribus: odia & contentiones susci-

tet : Dei regnum evertat , & nos in æternum  
interitum secum præcipitet : ut est omnis mali-  
tiæ & iniquitatis auctor, dux, & architectus:  
Cavendum est igitur sedulò ab illius insidiis:  
quibus resistendum fortiter. Neque commit-  
tendum est ut illius illecebris tanquam laqueis  
aut cassibus impliciti pertrahamur in perditio-  
nem. Nihil cum eo generis humani hoste tru-  
culentissimo nobis sit commercii: neque illius  
violentiam metuamus: nulla illi potestas nisi ab  
altissimo ; qui nobis pater est: neque permittit  
nos opprimi, neque tentat nos ultra id,  
quod conducit & gloriæ sui  
nominis, & nostræ  
saluti.

CREA-



## CAP. III.

## CREATIO HOMINIS.



*Primus homo è terræ limo formatur: in ortu  
Cuius vera sui fulget imago Dei.  
Ex eius latere exempta est animosa virago,  
Cari subsidium præsidiumque viri.*





Gen. 1.



O M O creatus est ad imaginē Dei  
 summa in dignitate & nobilitate:  
 cui Deus benedixit, & subiecit  
 terram universam: illique domi-  
 nationem dedit in omnes pisces  
 maris, volatilia cœli, & omnes bestias reptantes  
 super terram. deditque ei omnes herbas semen-  
 tates semen, & omnes arbores in usum hominis.  
 Ab hac felicitate & excellētia statim defecit Adā.  
 eaque defectione totum naturæ ordinem, suam-  
 que posteritatem pessum dedit: quæ mors animę  
 illius fuit, & alienatio, divortiūque à Deo. Hanc  
 hæreditariam corruptionem veteres vocaverunt  
 peccatum originale: hoc est, Naturæ, quæ prius  
 bona fuerat & pura, depravationem: Quod vitiū  
 ingenitū adferimus ab utero matris, & augemus  
 in dies propria malicia. In iniquitate genit<sup>9</sup> sum,  
 inquit David, & in peccatis concepit me mater  
 mea. Omnes ergo, qui ab hoc impuro semine de-  
 scendimus, peccati contagione nascimur infecti:  
 & antequam lucem videamus, jam sumus coram  
 Deo detestāda scēditate inquinati. Natura sumus  
 omnes irę filii, mortui delictis & peccatis nostris:  
 Quicquid genitum est ex carne, caro est: & caro  
 per

Ioan. 3.



per se alienata est à Deo: ideo renasci necesse est ex aqua & spiritu sancto, ut ad Deū reditus nobis pateat, accessio, & reconciliatio. Ita se corrumpit Adamus apostasia & defectione hac damnabili, ut hæc cōtagio ad totā eius sobolē transierit, tanquā à radice ad ramos. Nō enim solū sibi, sed & posteritati suę perdidit ea ornamenta, quę Deus cōditor illi contulerat à prinia creatione. Naturaq; illius relicta est nuda, & inops omnium bonorū: factumque est, ut à radice putrefacta putridi postea prodierint rami, qui suā putredinē transmiserūt ad alios ex se nascentes furculos. Peccatum igitur originale est hereditaria Naturę nostrę pravitās, & corruptio in omnes animę partes diffusa: Quæ primū facit nos reos irę Dei, postea profert in nobis opera carnis: quę sunt ut, ait Paulus; *Gal. 5.* fornicatio, immūditia, impudicitia, luxuria, Idolorum sērvitus, veneficia, inimicitia, contentiones, æmulationes, irę, rixę, dissentiones, sectę, invidiā, homicidia, obtrectiones, commestationes, & his similia; quę qui agunt, regno Dei excluduntur: quòd irā provocāt Divinam, vt mortem conciliant æternā. Sicque depravata est hominis natura, ut illius mens cæcitati, & cor malicię perpetuò sit addictum. Omnes affectus carnis & cogitationes inimicitia sunt adversus Deū: Qui secundum carnem sunt, quę carnis sunt sa- *Rom. 8.* piunt: Prudētia carnis mors est: quoniam sapien-

tia carnis inimica est Deo: Legi enim Dei non est subjecta; nec enim potest: & qui in carne sūt Deo placere non possunt. Propterea toties Apostolus regenerationem per Spiritum sanctum necessariā incultat: spiritum adoptionis filiorū Dei, in quo clamamus Abba Pater: qui dat testimonium spiritui nostro, quòd sumus filii Dei: Deponite veterem hominem, qui corrumpitur secundū desideria carnis. Et renovamini spiritu mētis vestræ: & induite novum hominem, qui secundū Deum creatus est, in iustitia, & sanctitate veritatis. Tanta post peccatum invasit hominem imperfectio, ut si libretur cum vanitate, ipse iudicabitur vanior. Non est iustus quisquam: non est intelligens aut requirens Deū: omnes declinaverunt; simul facti sunt inutiles: non est qui faciat bonum, ne unus quidem. Sepulchrum patens est guttur eorū: linguis suis dolosē agunt: venenum aspidum sub labiis eorum: Quorum os maledictione plenū est, & amaritudine. Pedes eorum veloces ad effundendum sanguinem. In viis eorum contritio, & infelicitas: quibus prę oculis nō est timor Dei altissimi. Ex hac certè, corrupta natura nihil potest provenire, quod non sit malū, & damnabile: omnesq; sub eadem condēnatione & maledictione comprehendūtur: cū omnium linguæ fraudulentæ, manus rapinis, & homicidiis fœdatæ, labia venenata, opera inutilia, iniqua, putrida, lethalia.

quorum

quorum animus sine Deo: quorum intimæ cogitationes sunt pravitas: oculi ad insidias cōpositi; animi ad insultandum elati: omnes deniq; partes ad infinita flagitia concinnata, & ab omni virtute alienæ. Si omnibus ejusmodi portentis obnoxia est uniuscujusque anima, qui fructus ex ea manare, & provenire poterunt? Profectò nulli: neque enim arbor mala bonos fructus gerere potest. Nonne vita ista continuum est peccatum? & quò diutiùs nobis prolongantur vitæ dies, eò graviùs delictis ac peccatis oneramur, & obrui-mur: nihilque nobis restaret præter desperationem, nisi Deus misericors sua clementia & bonitate paterna miseretur nostri: nosque manu potenti eximeret ex hoc peccatorum barathro, & liberaret à tyrannide diaboli, & servitute carnis: contagionemque hanc naturalem sanaret in suis electis: quos vivificat spiritu Christi redemptoris, & sustentat benigniter. Reprobis verò frænū injicit, & lupato coërcet, impeditque eorum machinationes, consilia, conatusque, ne in actum erumpant, & exequantur suum furorem: nisi quatenus expedire videt ad conservationem universitatis rerum. Natura omnium & voluntas ita servitute peccati vinctæ est, ut ad bonum per se non possit commoveri, nedum adplicare. Sed conversio ad Dei clementiam tota est referenda. Cō- Hier. 31.verte me Dñe (inquit Hieremias) & ego cōvertar.



Voluntas est in homine quidem: velle bonum profectus est: velle malum defectus. Hoc est: Benè velle, est gratiæ: malè velle, corruptæ naturæ.

*Phil. 1.* Cùm autem Paulus dicit se confidere, quòd qui cœpit bonum opus in Philippensibus, perfecturus sit usque in diem Iesu Christi. Per hoc bonum opus intelligit conversionem, quæ est in voluntate: corda nostra flectendo, formando, dirigendoque in iustitiam, & confirmando ad perseverantiam. Dabo vobis cor novum (inquit Dominus per suum Prophetam) spiritum novũ ponam in medio vestri: & auferam cor lapideum de carne vestra: & dabo vobis cõr carneum: & faciã ut in præceptis meis ambuletis. Certum est, nisi Dei clementia & bonitate singulari juvemur, nos nihil posse præstare per nos quod illi possit placere. Nam cùm mali simus natura, nihil potest ex nobis provenire quod malum non sit, & simile scaturigini, unde nostra opera procedunt: ex carne enim nihil nisi peccatum oritur, quod hominem alienum à Deo reddit, & abducit à spe vitæ æternæ: nisi renovetur spiritu, & regeneretur in novum hominem. Expurgantes vetus illud fermentum, quod carnem tantum sapit, & illius concupiscentias & depravatas voluntates nutrit & fovet: offuscatque iudicium hominis, neque permittit ut viam rectam salutis agnoscat, & in ea ambulet. Nã caro quæ carnis sunt sapit, & à Deo se præbet alienam.

*P R I-*

CAP. V.

PRIMI HONINIS DEFECTIO.


Gen. 3.



*Serpenti ne præbe aures: præcepta Tonantis  
Vocibus uxoris sint potiora tuæ.*

*De vetitæ fructu comedes quando arboris, illo  
Te vinctum rapiet mors inopina die.*

D 3




**C**ONDITIONATUS erat Adam ad imaginem Dei: & ratione præditus, ut tota mēte ad meditationē vitæ æternæ, & virtutis studium erigeretur: Deumq; conditorē suū cognosceret, coleretque, & illi subjiceretur: illi data erat Eva vitæ socia, ne solus degeret, positiq; in Paradiso Edē: & potestas concessa comedendi de omnibus fructibus: de ligno autē sciētiæ boni & mali ne comedas (inquit Deus) In quacunq; enim die comederis de eo, morte morieris. Sed serpens dixit ad mulierē: Cur præcepit vobis De⁹ ut nō comederetis de omni ligno Paradisi? Scit enim quòd in quocunq; die comederitis de arbore sciētiæ boni & mali, aperientur oculi vestri: & eritis sicut Dii, scientes bonū & malum. His persuasa mulier comedit de fructu vetitæ arboris, & dedit viro suo: hisque statim sunt aperti oculi: & cognoverūt se nudos esse: & se absconderūt. Factumq; est ut hac inobediētia & lapsu divinæ maledictioni sint addicti. Prima nobilitas in qua erat creatus Adam, ingēs erat Divinæ benedictionis & bonitatis beneficium: à quo excidit inobedientia, quæ ex superbia manavit: Cui accessit dolus Serpentis, qui Evæ imposuit. Ea enim infidelitate obcæcata, maritū ad peccatū hortata est. unde emerfit ambitio, & in-



& ingratitude, dū contempto Dei mandato, turpiter à sua origine deciderūt: Pręcepti certè, finis erat, ut sua sorte contētus homo, nō sīneret se effēri mala cupiditate. Temeritas impia in eo apparuit, cū superbè cōditoris sui jussui nō obtēperans, æqualē se Deo esse voluit; prophana apostasia Dñi sui jugum excutiens: subscribēsque calumniis Satanae, qui fœdissimis & execrabilibus probris Deum mēdatii arguebat, invidia, & malignitatis: cū diceret: Nequaquā moriemini: Sed novit Deus quo die comederitis de fructu hoc, aperientur oculi vestri, & eritis sicut Dii, scientes bonum & malum: Ex hoc cōtemptu Dei & infidelitate porta patuit ad ambitionem, quæ cōtumacię mater fuit. Quòd si verbo Dei sui audiens fuisset, optimū adhibuisset frænū ad omnes affectus ritè tēperandos: nihil melius esse quàm Dei mandatis parēdo, colere iustitiam: ac ultimā vitæ felicis metā esse, ab ipso diligere. Prima igitur Adæ vita erat manere conjūctum opifici suo, & devinctum. Sed alienatio ab eo fuit animæ interitus. Noluit tamen Deus miserum hominem in hac morte prostratum profus deferere: Sed illū statim post lapsum sublevavit promissione Messia; in quo Adā ac ejus posterī recōciliarentur, & vitā æternā adipiscerētur. Sicut enim per unū hominē peccatum in hūc mundū intravit, ut per peccatū mors: & ita in omnes homines mors pertrāsivit: Si unius Adami delicto multi mortui sunt, mul-

*Rom. 6.* to magis gratia Dei, & donum in gratia unius hominis Iesu Christi in plures abundavit. Nam iudicium ex uno in condemnationem, gratia autem ex multis delictis in justificationem facta est. Et sicut per inobedientiam unius hominis peccatores constituti sunt multi: ita per unius obedientiam iusti constituentur multi. Hic est ille redemptor generis humani Christus quem Deus

*Gen. 3.* Adamo statim post peccatum promisit: Dixit enim serpenti: Inimicitias ponam inter te & mulierem, & semen tuum & semen illius: Ipsa conteret caput tuum, & tu insidiaberis calcaneo eius: de Christo nempe loquens qui ex Maria virgine debebat nasci.

**LEX**

CAP. VI.

*LEX DATA. EXO. 20.*



*Præsum hominem morti peccatum obstrinxit. & eius*

*Posteritas simili subdita iudicio est.*

*Lex data: qua mortale genus monitrice docetur*

*Ad veram ducat quæ via iustitiam.*

*E*





O M O post lapsum Adami eadem  
 maledictione implicitus est, qua  
 primus omnium parēs, qui à Deo  
 defecerat: Et morti aeternae addi-  
 ctus, non poterat ex tãta ruina as-  
 surgere, neque è tam horrendo emergere naufragio,  
 nisi Dei beneficio aliquid opis illi fuisset  
 collatum. Deus enim temporis successu Legem  
 suam per Mosem publicavit, ut revocaret in viã  
 rectam eos qui perditioni erant. At lex ostendebat  
 non solùm verum Dei summi cultum, ac pietatis  
 regulam: sed tanquam speculum fuit homini-  
 bus, ut sese cognoscerent observationi illius im-  
 pares esse: & horrore iudicii cogerentur ad reme-  
 dium confugere: quod proponebatur in Domi-  
 no nostro Mediatore & propiciatore. Ad quem  
 non possumus venire, nisi propriæ virtutis opi-  
 nione vacui, & propriæ justiciæ fiducia exuti, fra-  
 cti & contusi conscientia nostræ ægestatis, disca-  
 mus humilitatem, ac dejectionem nostri. Lex e-  
 nim nostram pungit conscientiam: atque intrin-  
 secus monitrix est eorũ, quæ Deo debemus: Cùm  
 boni ac mali discrimen nobis proponit: nosque  
 reos iudicii pronũciat: si ab officio tantillũ disce-  
 damus.

damus: Quicumq; ſervaverit totā legē, & defecerit in uno, erit omnium reus. Deo gloriā, honorē, reverentiam debemus, ac timorem: Nō ſumus noſtri iuris: ab eius nutu nos ſuſpendi oportet: Cūq; juſticia ac rectitudo illi ſint cordi, iniquitas verò abominationi, niſi velimus ab eo deſicere, & apoſtaſię damñari, neceſſe eſt tota vita juſtitiam à nobis coli, ac preſtare ſanctitatem, & vitę puritatem. Neq; cū ſolvendo nō ſimus, tergiverſari & excuſare decet defectum noſtrum, & facultatis noſtrę inopiā. Deus ſemper ſui ſimilis eſt, juſtitię amator, iniquitati inſenſus: neq; quicquā cū peccatoribus habet cōmercii: Quod in ſua lege exigit à nobis, id ex naturę obligatione obſequendi neceſſitas nos monet: Quod autē non poſſumus, id eſt noſtri vitii, ac culpę quę ex nobis eſt, nō ad Creatorē cōferenda: Malum in nobis eſt, & nobis imputādum. Quicumq; igitur ex operibus Legis *Gal. 3;* ſunt, ſub maledictio ſunt, ut ſcriptum eſt: Maledi- *Deut.* ctus qui non permanſerit in omnibus quę ſcri- *27.* pta ſunt in libro Legis, ut faciat ea. At in lege nemo juſtificatur apud Deum: ſed juſtificatus ex fide vivit. Chriſtus nos redēmit de maledictio Legis, factus pro nobis maledictum: ut ſcriptum eſt: Maledictus qui pendet è ligno. Propter trāſgreſſionē poſita lex eſt, donec veniret Chriſtus. Stipē- *1. Cori.* dium peccati mors: ſtimulus mortis peccatū eſt. *15.* Virtus peccati Lex. Quęcūq; Lex loquitur, iis qui *Rom. 6.* *Rom. 3.*

*Roma.**10. & 3**Gal. 1.*

sub Lege sunt loquitur: ut omne os obstruatur, & subditus sit omnis mundus Deo. Quia ex operibus Legis nō justificabitur omnis caro corā Deo:

Per legem cognitio peccati: Et Lex iram operatur. Finis igitur legis Christus est: & iustitia Dei per fidem illius in omnes, & super omnes qui credunt in Iesum Christum; qui dedit semetipsum pro peccatis nostris, ut eriperet nos de præsenti sæculo nequam. Quicumque venit ad illum, misericordiam consequitur, & sublevationem à peccatis suis: quæ Christus in se recipit, & pro iis precium iusticiæ divinæ solvit, ne solutio à nobis exigatur: cui solvendo nemo

mortalium, quantumvis iustus  
& integer, unquam est  
inventus.

**LEX**



CAP. VII.

*LEX AD CHRISTVM DVCIT.*




*Lex hominem ostendit nudum, & virtutis egentem :*

*Non quis sit, sed quis debeat esse monet.*

*Ducit & ad Christum : qui nos à morte redemptos*

*Æterno vitæ munere sanctificat.*

*E 3*



ù m ad Legem Dei vitam nostram, ac vi-  
 res nostras expēderimus, sentiemus toto  
 cœlo nos abesse ab ea iustitia & perfecti-  
 one, quā Deo iusto & perfecto debemus, si veli-  
 mus illi conjungi, & ab eo recipi. Hinc metus,  
 horror, ac trepidatio in nobis oritur, summaque  
 cordis anxietas, cū iniquitatum nostrarum pō-  
 dus non possit conscientia nostra sustinere: sibiq;  
 representet, ponatque ante oculos irati Dei judi-  
 cium, ac condemnationem æternam, quę propo-  
 sita est iis, qui Legi ex omni parte non satisfaciūt.  
*Dent.* Scriptum est enim: Maledictus omnis, qui non  
*37.* permanferit in omnibus, quę scripta sunt in libro  
 Legis hujus, ut faciat ea. Humiliatus igitur, ac de-  
 jectus horrore perditionis imminētis, ad Dei  
 misericordiam, tanquam ad asyllum unicū, &  
 salutis portum se convertit homo peccator, qui  
 sibi consultum cupit. Non enim satis est senti-  
 re suam calamitatem, & condemnationis judi-  
 cium, si hic sensus nos consternet, & ad despera-  
 tionem adducat. Erigendus est animus, ac solici-  
 tē circumspicere oportet, an ex his angustiis pos-  
 simus aliqua ratione, aut servatoris alicujus ope  
*Ioā. 2.* eripi. Audimus in Evangelio Ioannem claman-  
 tem:

tem: Hic est agnus Dei, qui tollit peccata mundi. Is est qui livores nostros sustulit. Is est qui fidejussor pro nobis apud æternum Patrem est præsto. Is est qui nos ad se vocat: Venite ad me omnes qui laboratis, & onerati estis, & ego reficiam vos. Ad Christum igitur nos Lex tanquam pædagogus adducit: hunc servatorem nobis proponit: in eo refugium tutum nobis ostendit: & propiciatorem demonstrat, in quo liberationem ab obligatione legis invenimus. Christus enim nos redemit à maledicto Legis, factus pro nobis maledictum. Nam ex Lege nemo justificatur apud Deum. Quicumque ex operibus Legis sunt, sub maledicto sunt: Sed per fidem in Christum benedictio nobis tribuitur. Conclussit scriptura optura omnia sub peccato, ut promissio ex fide Iesu Christi daretur credentibus. Requiritur autem ut hæc fides vera sit ac viva: ne aliò lumina defleat, præterquam in Christum, utq; fructus suos producat. Deus, ut indulgens pater, nos ad amorem sui allicit dulcedine præmiorum; denunciâs virtutibus apud se reposita præmia: neque frustra laboraturum qui suis obtemperat mandatis. Reprobis quoque, & contumacibus indicit mortis æternæ supplicium, & infinitas calamitates in præsentī sæculo: Anima quæ peccaverit ipsa morietur. Quamvis cùm requirit à nobis hanc ob-

*Matt.*  
11.

*Eze. 18*

servantiam, poscit debitum, quod remunera-



tione dignum per se nō est : Sed cū remunerat ,  
 gratuita gratia remunerat. Lex cū perfectam  
 requirat iustitiam, legitimus illius cultus constat  
 obedientia, quæ custos est omnium virtutum :  
 Eaque non tantū debet esse externa, sed etiam  
 interna & spiritalis : cū Deus corda scrutetur,  
 & interiora mentis respiciat. Cū igitur hæc ob-  
 servantia Legis vires hominis superet, Christum  
 habemus fidei iussorem, & propiciatorem apud  
 Deum Patrem, qui Legis obligationem susti-  
 nuit, ut nos ab ea liberaret. In eo nobis proposi-  
 ta est liberatio & satisfactio, & securitas consci-  
 entix : cū sciamus illum revera exequi,  
 quod nobis proponit : est e-  
 nim æterna Dei ve-  
 ritas.

*E Z E-*

CAP. VIII.

*EZECHIAS SERPENTEM ÆNE-  
UM DEJICIT.*



*Ezechias idola Deūm subvertit & aras;  
Præcipiens pura numina mente coli.  
Et quondam à magno conflatum Mose Nehustan  
Sustulit, illius mystica sacra vetans.*

*F*



O c est primum præceptum primæ tabulæ, quæ nos cultum divinum, pietatem, & religionem docet. Cùm debeamus omnia Deo conditori mundi totius, hæc tamen maximè à nobis exigit, Adorationem, fiduciam, invocationem, & gratiarum actionem. Adoratio, est cùm illum veneramur & colimus: illius celsitudini nos submittentes, & conscientias nostras subjicientes legi illius. Fiducia, cùm ex cognitione virtutū ejus, in eo securi acquiescimus: Cùm in eo sapientiam, justitiam, potentiam, veritatem, bonitatem omnem reponimus; & sola illius communicatione nos æstimamus beatos. Invocatio, Si quoties urget necessitas, in ejus fidem & auxilium nos nos recipimus, tanquam ad unicum præsidium. Gratiarum actio, est gratitudo, qua laus bonorum omnium illi tribuitur, tanquam auctori omnis beneficentiæ. Hæc omnia Deus sibi jubet consecrari, neque quicquam horum aliò derivare. Caveatur hic vana superstitio; qua animi à vero Deo deflexi, huc atque illuc tanquam in varios diducuntur deos.

Con-



Contenti sint homines uno vero Deo: neque lacerent ejus cultum, quem unus ille sibi soli vendicat. Cavete ne fortè decipiat cor vestrum, *Deut.* & recedatis à Domino, serviatisque diis alienis, <sup>11.</sup> & adoretis eos: & irascatur Dominus, claudatque cœlum, &c. Cùm reperti fuerint apud te vir aut mulier transgredientes pactum Domini, ut *Deut.* vadant, & serviant deis alienis, & adorent eos, <sup>17.</sup> solem & lunam, & omnem militiam cœli quæ non præcepi, &c. Educes virum aut mulierẽ, qui rem sceleratissimam perpetrarunt, ad portas civitatis tuæ, & lapidibus obruentur. Provocatur Deus ad Zelotypiam, quoties figmenta nostra substitui-  
mus in ejus locum. Cave, ne quando obliviscaris *Nũ. 4.* pacti Dei tui, quod, pepigit tecum, ut facias tibi sculptam similitudinem eorum quæ fieri Dominus prohibuit. Quia Dominus Deus tuus ignis cõsumens est, Deus Zelotes. Pura sit conscientia vel ab occultissimis apostasiæ cogitationibus. Cũ Deus interiora nostra rimetur & cognoscat, neque illum lateant abstrusissimæ cogitationes nostræ; quas, si malæ sint, inultas non fore minatur: multo minùs si coram eo adulteremus: & honorem, qui illi soli debetur, ad alios deos nefando sacrilegio transferamus: Neque hic fallamur nostris intentionibus: nos honorare Deum unũ conditorem omnium rerum, in suis creaturis. Deus hic solus audiendus est: neque illi dan-

*Deut.*  
*12.*  
*Pr. 30.*

duſ interpres, qui verba præceptorum illius in alium ſenſum detorqueat, quàm voluit. Non facias quod bonum videtur ante oculos tuos: hæc facito quæ præcipio tibi, neque addas quicquam, neque diminuas. Cùm Iſraëlitæ murmuraffent contra Dominum in deſerto, ſerpentibus ignitis graviffimè ſunt afflicti: cumque eos peccati pœnituiſſet, Deus eorum miſertus juffit ſerpentem

*Nũ. 21.*

æneum erigi, ad quem quicumque erigebat oculos, à morſu ſerpentum ſanabatur: Huic ſerpenti æneo Iſraëlitæ multis poſt annis honorem divinum præſtabant, quòd erectus eſſet Dei juffu:

*4. Reg.*  
*18.*

Sed hanc impiam ſuperſtitionem non ferès Ezechias rex Iuda, ſimulacrum fregit, & ſacra quæ illi fiebant in poſterum abolevit: quamvis

hoc ſimulacrum eſſet antea juffu Domini à Moſe erectum.

ISRA-



CAP. IX.

ISRAEL IDOLATRA ERECTO

VITULO. *Exod. 32.*



*Post epulas Hebræa Dei gens provocat iram,  
Indicens levibus festa colenda choris.  
Et Pelusiacæ conflans Idola iuvencæ,  
Incendit Phariis thura profana sacris.*

F 3





E N s hominum hebetudine & miseranda cæcitate laborans, crassissimâq; ignorãtia obruta, pro Deo vanitatẽ, & inania spectra semper proclivis fuit colere. Neque numen præsens esse putavit, nisi corporati aliqua forma oculis exhiberetur. Noverat Israëlita tam doctrina parentũ, & majorum suorum, quàm institutione Mosis unum esse verum Deum: qui ante multa sæcula sese manifestarat patribus Abrahamo, Isaaco, & Iacobo: senserant & illius præsentiam, potentiã, & auxilium; cùm paulo antè manu forti miraculose erepti essent de servitute Ægyptiorum: In eorum præsentia apertum est mare; sicco pede transiit populus per medium sinum Erythræum, in quo submersus est Pharao cum suo exercitu: Cũ tamen Moses ad Deum conscendisset in summitatem mōtis Sinai, eius absentia pertaxi Israëlita, cōclamarunt omnes: Nescimus quid contigit isti Mosi: Surge, inquit ad Aaronẽ, fac nobis Deos qui nos præcedãt. Quorum importunitate victus Aaron ex inauribus aureis populi vitulum cōflavit

vit fusilem: dixitque: Iſti ſunt Dii tui, ō Iſraël, qui te eduxerunt de terra Ægypti: Poſtero autem die, quo ſolemnitas ab Aarone fuerat indicta, populus obtulit holocauſta, & victimas pacificas: ſeditque manducare & bibere, & ſurrexit ludere. Reuerſus autem Moſes, cū ſuos inveniſſet tam nefanda deos alienos apoſtaſia ſequi & colere, indignabundus, tabulas lapideas, in quibus Dei digito decem præcepta Legis ſcripta erant, cōfregit: Dñs autem irritatus cōtra prophanos, ſtatuit perdere populum. illiusque jūſſu cæſa ſunt uno die à Levitis viginti tria millia hominum: neve in reliquam multitudinem Dei furor exardeſceret, Moſes pro populo deprecatus eſt. Hinc ſcaturiginē idololatriæ videmus ortā, quòd homines non credant præſentiam Dei, niſi ſub aliqua forma illum ſibi ante oculos repræſentent. Et qualem animo imaginantur, talem ſibi proponi poſcunt. Mens idolum gignit, manus artificis parit. Quod etſi, qui iudicio cæteris præſtant, non credant eſſe Deum: illic tamen divinitatem Numinis aliquam putant aſſe: & ideo ſtatim ad adorationem prolabūtur: Exiſtimantq; Deo gratū eſſe, ſi colatur quoquo modo inventionibus hominū: ac ſufficere illi, dummodo majeſtas Divina nō omnino dejiciatur eſolio, & illi<sup>9</sup> potētia nō negetur: Deus aliquādo præſentiā ſui Numinis exhibit certis ſignis: ut cū poſteriora ſua demōſtravit

**Exo. 23** Mofi in specum compulso: Non tamen, inquit,  
**Iudic.** videbis faciem meam: quia nemo hominum me  
**13.** potest videre & vivere. Apparuit & Manuæ pa-  
**Gen. 18** tri Samsonis in specie juvenis. Et Abrahamo vi-  
 sus est in planicie Mamré inter duos Angelos: eū  
 quo collocutus est, & deprecatus pro Sodomeis,  
 qui paulo post horribili perierunt excidio. Ap-  
**Dan. 3.** paruit quoque in fornace ignis in campo Dura  
 extra Babylonem, in quam coniecti erant juve-  
 nes Sidrachus, Misacus, & Abdenago: quòd  
 statuum erectam à rege noluiſſent adorare. Sed  
 eæ viſiones factæ ſunt propter cauſas urgentes:  
 neque permifit ſtatuas erigi quæ illum repræſen-  
 tarent, ut viſendum ſe præbuerat. Non enim po-  
 teſt maiestas illa divina infinita & incom-  
 prehenſibilis rebus quæ ſub ſen-  
 ſum hominis veniunt  
 exprimi.

*LEX*





CAP. X.

*NINVS ASSYRIORVM REX.*



*Affyrii prisco statuere altaria Betō,  
Sacraque thuricremis deveneranda focis.  
Hinc mos emerfit claros Heroas ad astra  
Ferre, & cœlestes inter habere deos,*

*G*



EROSUS tradit Ninum Babylonix regem, & Semiramidis maritum, fuisse primum, qui post generalem diluvii magni inundationem (quæ sub Noa Iano, sive Ogyge prisco contigit) erexit imaginem Iovi Belo Iunonique parentibus suis, & Saturno Nêbroto Rheæque aviæ: quibus nō solùm statuas in media urbe Babyloniorum posuit, sed etiam templa ac ceremonias sacras in eorum honorem, & memoriã instituit. Atque illi inter Assyrios pro Diis magnis habiti sunt: successuque temporis regū mādato illis honores divini, sacrificiaque tributa: cū à principio imagines ac templa memoriæ illorū consecrata essent. Ita factum est, ut hic imaginum cultus, & idololatria, quæ ab exiguis principiis ortum sumpsit, longè lateque per totum orbem terrarum dilatata, & diffusa fuerit: Astuque Sata-næ (qui Dei hominumque est inimicus) promulgata est hæc consuetudo adorandi homines mortuos ab Assyriis ad Ægyptios, deinde per totam Asiam. Et brevi contigit, ut hoc exemplum pervagatum sit ad reliquas nationes, quæ jam replerant terram coloniis, & frequentibus habi-

habitoribus. Quorum unusquisque proprios Deos sibi finxit, ex principibus vel regibus, qui populos pietate, consilio, beneficentia, vel potētia juvissent, quos post mortem, beneficiorum acceptorum memores, inter cœlites constituerunt, participesque fecerunt gloriæ veri Dei (quē non ignorabant conditorem esse mundi totius) aut illi planē substituerunt. Tanta semper fuit, hominum insania, ut in religione maluerint sua sequi commenta, quàm retinere cultum divinum, à vero Deo ordinatum, & posteris traditū à priscis Patribus. Hi enim sp̄reto relictoque Dei mandato, honorem & servitutem Divinitati debitam, contulerunt ad Deos fictitios & peregrinos: superstitionibus nefandis sese inquinantes, & sacris prophanis iram Dei provocantes. Revelatur ira Dei de cœlo super omnem impietatem & injustitiam hominum, eorum qui veritatem Dei in injustitia detinent. Quia cū cognovissent Deum, non sicut Deum glorificaverunt, aut gratias egerunt; sed evanuerunt in cogitationibus suis: & obscuratum est insipiens cor eorum. Mutaverunt gloriam incorruptibilis Dei in similitudinē imaginis corruptibilis hominis, & volucrū, & quadrupedū, & serpentiū. Propter quod tradidit illos Deus in desideria cordis eorū, in immunditiam, ut cōtumeliis afficiant corpora sua in semetipsis. Quia commutaverunt verita-

*Rom. 1.*



tem Dei in mendacium, coluerūt & serviverunt creaturæ potiusquàm Creatori, qui est benedictus in sæcula: propterea tradidit illos Deus in passiones ignominia, &c. Et sicut non probaverunt Deum habere in notitia, tradidit illos Deus in reprobum sensum, ut faciant ea quæ non conveniunt. Infandorum idolorum cultura, ut dicitur libro Sapientiæ, omnis causa mali est, & principium, & finis. Dum lætantur, insaniunt: vaticinantur falsa; vivunt injustè: pejerant citò: Initium fornicationis est exquisitio idolorum: & ad inventio illorum corruptio vitæ est. Apostasia enim hæc cum impietate invexit inter homines infinita scelera, ac vitæ totius depravationem.

ASSY-



CAP. XI.

*ASSYRIORVM DEI.*



*Bifronti Iano divūm sacrantur honores:*

*Cuius sunt pleni posteritate poli.*

*Saturno, atque Iove, & Iunone, atque Hercule. Talis*

*A primo series annumeratur avo.*



**T** A N T A fuit omnibus ſeculis hominum temeritas ac cæcitas, ut non viderint neque cognoverint Deo ſoli creatori & cõſervatori totius mundi ſummã autoritatem, reverentiam, & obedientiam deberi. Illi verò ſibi comparari poſſe juſtitiam præter Dei verbum aggreſſi, ad novorum dcorum cultum & adorationem ſuorum figmentorum ſeſe tranſtulerunt, malique & abominabilibus ſuperſtitionibus ſe inquinaverunt. Vt contigit. Aſſyriis, qui ſtatim poſt diluvium, Nini tertii regis exemplum ſecuti, innumeros erexerunt Deos. Exiſtimabant enim Majeſtatem illam divinam mundi conditricem infinitam, omnipotentem, inviſibilem, juſtam, miſericordem, bonam, non poſſe exprimi, neque ſubjici oculis hominum, neque poſſe cognosci qualis ſit, niſi per ſuas creaturas, per quas illius potentia ac bonitas manifeſtatur: maximè per homines qui in ſignibus virtutibus, ac dotibus à Deo illuſtrati ſunt: qui conſiliis, auxilio, & doctrina rude genus humanum & infirmum docent, inſtituunt, protegunt, & defendunt: propulſan-



pulsantes ab eis omnem injuriam, & violentiam malorum, quibus opprimuntur: Propterea Deū summum non invitò illis communicare partem sui honoris, qui semper in autorem redundat. Idem quoque de cæteris creaturis tradiderunt: per quas Deus, vel suum judicium, vel misericordiam exercet super homines: quibus vel reverentiam, vel metum, vel honorem tribuendum docuerunt, & in ipsis Deum colendum: quòd per eas divinæ bonitatis munera in nos stillent: Ineptè garriebant Deum nihil aliud esse quàm Naturam, sive arcanam inspirationem, quæ mūdum vegetat universum. Ideo mundum non solū esse imaginem Divinitatis, sed esse illius corpus: Quam impiam ratiocinationem refutat scriptura sacra, ac ipsa ratio. Non enim Conditor constituitur eodem gradu, quo illius opus: cū Natura sit ordo præscriptus à Deo in rebus creatis. At Dei potentia illius æternitatem satis declarat, & principium habere à sese, quòd omnia ab eo suam ducant originem: cunctaque, quæ sursum ac deorsum spectemus, vivam illius imaginem adumbrant. Non quòd oporteat illis adorationem aliquam præstare, quantumvis excellentia videantur, sed rectà ad opificem omnium nos decet convertere mentis nostræ aciem. A suis enim virtutibus manifestatur Deus: quarum cū intra nos vim sentiamus, multò vivi-

dior in nobis esse debet hæc meditatio. Et quia non possumus illum capere; non propterea debemus ad visibiles creaturas illius Majestatem alligare; ut ad has prostrati vota nostra & preces offeramus summo Numini; quòd credamus illū ex ligneis, lapideis, metallicis, corruptibilibusq; statuis nos respicere, & audire; nostrisque necessitatibus subvenire, & in periculis nobis opitulari: Hic error (cujus causa Deus iratus diluvio mundum universum submerferat) statim invasit mentes hominum post restaurationem orbis: etiam vivente adhuc Noa. Cujus nepotes sese nefanda idololatria: statim prophanaverunt & cor-  
*Ios. 24.* ruperunt: id patet in historia Iosue, de Thare & Nachore: Et Chani, sive Chameseni, posteritas cum patre (cui Deus maledixerat propter impietatem & cōtemptum erga patrem Noam) totam Assyriam & Ægyptum innumeris superstitionibus, & idololatria corripit, ut testatur Berosus in sua epitome: Hinc manavit infinita Deorum turba, quibus commiserunt administrationem cœli & terræ, sub imperio tamen illius primæ essentiæ Divinæ aternæ; quæ condidit totam rerum omnium machinam. Salomon testatur primum idolorum cultum manasse ab iis, qui hunc honorem detulerunt mortuis: ut sculptis imaginibus memoriam illorum ad posteritatem proferent: Et hanc consuetudinem versam postea fuisse in legem:  
*Sap. 14* gem:

gem: iustuque tyrannorum ceremonias & sacra  
fuisse instituta defunctis Principibus, aliis qui in-  
signi aliquo beneficio iuvissent suos concives, &  
republicam. Cui rei accessit & adulatio homi-  
num, qui etiam malos principes deificaverunt, ut in  
Derceto muliere Ascalonita, quæ cum ex adulte-  
rio concepisset, & peperisset Semiramidem, pu-  
dore culpæ se in stagnum præcipitem dedisse fer-  
tur, & in piscem mutatâ: atque sub piscis figura po-  
stea fuisse cultam. Ita quoque Apis anima in bo-  
vem, Anubis in canem: Et ejusmodi metamor-  
phoses; sub quibus homines pro Deis culti sunt.  
Xenophon tradit clararum familiarum avos fu-  
isse Saturnos appellatos; filios primogenitos Io-  
ves: Filias Iunones: Nepotes verò Hercules. Hinc  
contigit ut plures Saturnos, Ioves, Iunones, &  
Hercules legamus in historiis antiquorum. Pri-  
mum autem omnium Patrem dixerunt Ianum,  
vel Ogygem, quem Chaos, & Cælum cognomi-  
narunt, Majorum ac minorum deorum parentem.  
Hunc fixerunt bicipitem, & duas habentem facies:  
quod sæcula quæ præcesserant diluvium genera-  
le viderat, & quæ secuta sunt. Inde pullulavit illa  
deorum myrmecia, figmentis & superstitioni-  
bus plena: nulla fuit natio quæ sibi proprios non  
statuerit, & mille nugas, mille blasphemias de sin-  
gulis non publicarit: non solum inter Ethnicos,  
sed etiam inter Israëlitas hoc impietatis contagiū

*Xenop.  
de quæ  
vocat.*



serpsit. Quæ tantopere Deo abominanda visa sunt, ut sapissimè propter hæc populum suū ultus sit. Paulus apertè ait Deos Gentium malos esse dæmonas. Charissimi, inquit, fugite ab ido-

*Cor. 10.* lorum curtura: Quæ immolant gentes, dæmonibus immolant. Nolo vos socios fieri dæmoniorum. Non potestis calicem Domini bibere, & calicem dæmoniorum. Et scriptura sacra sic loquitur. Si dominum ad iram irritaveritis idololatria, peribitis de terra. Disperget vos Deus in

*Nũ. 4.* omnes gentes; ibique servietis diis, qui hominū manu fabricati sunt, ligno & lapidi, quæ non vident, non audiunt, non comedunt, non odoran-

*Levit. 19.* tur. Nolite converti ad idola, nec deos conflati-  
les facietis vobis. Ego Dominus. Nō facietis vobis idolum aut sculptile; nec titulos erigetis, nec insignem lapidem ponetis in terra, ut adoretis eum: ego enim sum dominus Deus vester. Non

*Levit. 26.* plantabitis lucum, & omnem arborem, juxta altare Domini Dei vestri: Non facies tibi atq; con-

*Deut. 16.* stitues statuam: quæ odit Dominus Deus tuus. Infelices sunt, inquit Salomon, & inter mortuos spes illorum est, qui appellaverunt Deos opera manuum hominum; aurum, argentum, artis inventionem, & similitudinem animalium, aut lapidem inutilem, opus manus antiquæ.

## CAP. XII.

## PANDORA ET PROMETHEVS.



*Condita Pandora gravidò cratere Epimetheus  
 Excipit, heu quantis noxia dona malis!  
 Illa voluptatis sunt dulcia fœnora: quorum  
 Pestifero perimunt tecta aconita fævo.*

*H 2*



**P**RÆCI superstitionum inventores, primum formatorē hominis dixerunt fuisse Prometheus, Iapeti filium: Qui ex limo terræ formavit imaginem ad similitudinem humanam: Sed cū ex terrena materia facta esset crassa & stupida, eam animavit igne cœlesti, quē ex Iovis folio furatus est clauculū, concava arundine inclusum, ne furtum animadverteret Iuppiter. Hoc sacrilegium ut Deus ulcisceretur (indignè tulerat homines recens creatos vigore cœlesti & sapientia diis similes reddi) Mulcibero mādavī, ut ad Dearum cœlestium formam figuraret imaginem: quæ ut fuit absoluta, illam Iuppiter vita & ingenio donavit, Iuno ornavit, Pallas erudit, Venus illi pulchritudinem & gratiam tribuit, Mercurius eloquentiam: cæterique dii aliquid doni in hanc novam Deam cōtulerunt, unde nomen Pandorę sortita est. Illius manu impositus est crater aureus à Parcis, Cloto, Lachesi, & Atropo: quo inclusit Iuppiter morbos, lāguores, curas, sollicitudines, egestatem, pudorem, tristitiam, & reliqua omnia mala & incōmoda, quibus vita humana poterat exagitari, & vexari: Statutum.



cutumq; erat Fati decreto, ut homo volens, ac sua sponte compulsus hunc craterem aperiret, & in se admitteret monstra illa ærumnarum, quæ inde evolarunt. Utque id non coactus faceret necesse fuit, ne postea hominum genus meritò conqueri posset Deum fuisse autorem malorum & calamitatum, quibus miseri mortales postea sunt agitati, & cruciatibus assiduis molestati: Quas cum ultro suaque sponte excepisset, stultū fuit culpam in Iovem transferre. Mulier cum ad Prometheū venisset, neque illi, qui prudens erat, posset persuadere ut munus oblatum exciperet: convertit se ad Epimethum Promethei fratrem juvenem imprudentem & fatuum: qui gestiens craterem acceptum aperuit: statimque facto impetu è fundo se proripientes illæ pestes, & calamitates mūdum repleverunt, omnem hominem suo viru & contagio inficientes: unde postea vita humana infelix & anxia reddita est: Quibusque Deus ulciscitur hominum peccata, qui Numine cœlesti neglecto sceleribus & vitiis sese contaminant. Addiderunt & huic figmento Spem jacuisse in fundo crateris, depressam à reliquis malis, quæ cum celeriter evolassent, spes misera pondere defatigata non potuit se expedire ut foras prodiret: Nā Epimetheus horrore perculsus, operculum vasi obdidit: spesque inclusa in cœlum reportata est: Mortalesque postea calamitose afflicti sunt, nul-

la spe sibi relicta , innumeris afflictionibus & arumnis, quas imprudentia in se attraxerant. Pãdoram hanc voluptatem intellexerūt : Qua nulla pestis major hominibus à natura data est: Ea enim radix malorum est omniũ : qua animus implicitiis à recta ratione abducitur, maximè à cultu divino aliena: comes blanda idolatriæ. Vt plurimũ enim fornicatio spiritalis, immũditias, & vagas profert libidines. Idolatre, ut ait Salomon, *Sap. 14* neque vitam, neque nuptias mũdas custodiunt: Sed alius alium per invidiam occidit, aut adulterans contristat; & omnia cõmixta sunt. Sanguis, homicidium, furtum, fictio, corruptio, infidelitas, turbatio, perjurium, tumultus. Bonorũ Dei immemoratio , animarum inquinatio, nativitatibus immutatio , nuptiarum inconstantia, inordinatio, mœchiæ, & impudicitix. Nihil in vita tristius à natura datum est homini, quàm voluptatis venenum: quo infecta semel anima rarò ad virtutem se inclinat, sed semper prona in omnia præcipitatur vitia.



## CAP. XIII.

DII COELI ET TERRÆ APVD  
GRÆCOS.

*Græcia ne Assyriis videatur cedere, vanis  
 Inventis proprios est venerata deos.  
 Quos cælo & terris audax præfecit: ad horum  
 Ultro submittens se suaque arbitrium.*





**H** A B U I T quoque Græcia Deorū  
 infinitam turbam : quorum partē  
 cœlis, partem aëri, alios terræ, alios  
 mari, alios inferis præfecit. Cœlū  
 Iovi patri commiserunt. Et in cœ-  
 lo diversos Deos, & animalia, monstraque, & fi-  
 gmenta statuerunt. Zodiacum in duodecim si-  
 gna distribuerunt Arietem, Taurum, Geminos,  
 Cancrum, Leonem, Virginem, Libram, Scorpiū,  
 Sagittarium, Capricornum, Aquarium, & Pisces.  
 Reliquam firmamenti convexitatem repleverūt  
 ursis, draconibus, centauris, capris, & reliquis nu-  
 gis, quarum nomina imposuerūt cœlestibus cor-  
 poribus: ac de singulis monstrosas fabulas, & me-  
 tamorphoses prodiderunt. Rursum septem cœ-  
 lis inferioribus præfectos dederunt Saturnum,  
 Iovem, Martem, Apollinem, Mercurium, Vene-  
 rem, & Dianam : qui planetarum orbes modera-  
 rentur. Aërem Iunoni commiserunt : quæ sub se  
 Aëolum, & ventos habuit. Cyclopes fulmina fa-  
 bricarunt Iovi : nullaque pars cœlestium plagarū  
 suo caruit Genio, usque adeo cerebrum humanū  
 fertile semper fuit vanitatis & figmentorum: cū  
 à dei

à Dei mandato incipit aberrare, & suę rationi locum dare: quò vagatur longiùs, cò semper recedit magis à scopo proposito, & à via veritatis, cui nos insilere Divina jubet Sapiencia, procul à nobis rejectis omnibus humanis inventis, a quibus seducimur, & in perditionis præcipitium adducimur. Eò enim impietatis prorupit humana vanitas, ut Diis suis scelera, iram, libidinem, furta, & homicidia tribuerint. Discordias & inimicitias inter deos constituerunt: cõvivia & ebrietares, incestus & adulteria: & ad modum humanũ vesci cibis, & potu Ambrosia & nectare: colludere inter se: iocari, nugari; de amoribus disceptare: Ideo Venerem ex Saturni genitalibus ortam, præesse rebus amatoriis: cui Cupidinem dederunt filium, armaveruntq; pharetra, arcu, sagittis, & facula: levem, stolidum, cæcum, temerarium finxerunt. promiscuè in Deos & homines sua telá vibrantem, & cœlestia, terrestriaque suo subjicientem imperio.

Terræ dominationem Opi vel Cybelæ, quæ mater est Deorum majorum commiserunt, quã distribuerunt in diversas provincias, & singulis Deos proprios dederunt: Fauni, Panes, Satyri, Oreades, Dryades montibus & arboribus: Naiades fontibus, stagnis, & lacubus. Singuli fluvii sua numina habuerunt, a quibus denominationem sortiti sunt. Napeæ prata, viridaria, pomaria, & hor-

tos coluere. Pales agros curavit: Ceres frugibus præfuit. Triptolemus frumento: Chloris floribus: Bacchus vino: Pomona & Vertumnus pomis. Aristæus melli commissus est. Domibus lares Geniique infederunt: Penates ædium secretiores partes. imo nulla pars domus suo caruit Deo. Inventis quoque & artibus suos præfectos dederunt. Studiis bonarum artium, musicæ, & melodiæ præsidet Phœbus, Minerva, ac Musæ: Medicinæ Æsculapius cum patre Apolline. Parturientibus Lucina, Levana, Statilinus, Ilithya: Bello, Mars, Pallas, Enyo, Bellona. Pulchritudini Venus. Amori Cupido: Gratiis, Charites. Fabris Vulcanus: Mercatoribus, furibus, & causidicis Mercurius. Nec ulla ætas, nulla ars, nulla urbs, regio, aut locus juvenis est destitutus suo Deo tutelari, & Genio conservatore.

*DII*



## CAP. XIII.

## DII MARIS, ET INFERORVM.



Neptuno imperium pelagi conceditur: illi  
 Æquorei subsunt numina aquosa sali.  
 Orcus Plutoni par et tenebrosus; & illæ  
 Inferno qua sunt pressæ Acheronte plagæ.



**M**ARIA bonam partem superficiei terræ occupant, propterea illis quoq; numina præesse fuit necesse. Oceanus, Amphitrite, & Neptunus summū in iis habuerūt imperium: quibus subiecti, tanquam secundę classis divi, Tritones, Nereus, Glaucus, Portunus: Nymphæ infinitæ, ac reliqua salis numina: de quibus lege Hesiodū in Theogonia, cæterosque poëtas qui Deorum istorum nominibus centurias conscripserunt, quorum seriem alio loco adjungemus. Inferos adjudicarunt Plutoni: Nam tres istos fratres Saturni & Rheæ filios universum mundum inter se partitos fuisse, scriptis prodidit antiquitatis fabulositas. Iuppiter Cælos occupavit, & terram: Neptunus Maria: Pluto Inferos. Plutoni, quem Ditem vocaverunt, maritaverunt Persephonem Cereris filiam, quam patruus rapuit in Sicilia in Enneis campis, legentem flores cum Syrenibus filiabus Acheloi. Ante portam & inferni aditum Stygem cum suo lacu, quem Acherusam vocarunt, reposuerunt, quem transfretare Charontis

rontis cymba necesse est animas, quæ Orcum ingressuræ sunt. Portæ præest Cerberus canis tri-ceps. Intrinsecus æstuat Cociti lacus, & Phlegethon: ignitis undis torridus, quibus fontes immergantur, & perpetuis tormentis cruciantur. Sunt alia loca peccatoribus destinata: ubi Tytius vulturino lancinatur rostro: Sisyphus perpetuo labore rotat ingentem lapidem. Ixion rota rapida in orbem trahitur: Tantalus aqua merfus siti horrenda tabescit. Belides urnis pertusis aquam indefinenter haurire coguntur. Infinita supplicia describuntur à Græcis, quibus puniuntur homines, propter scelera commissâ dum adhuc essent in vita. Minos, Rhadamanthus, & Æacus, tres sunt inferni iudices: qui severas pœnas præscribunt singulis peccatis, prout unius cujusque gravitas videtur exigere. Carnifices habent ad imperium promptas, truces cruentas & crudeles Furias seu Eumenydas vel Erinnyas: quæ sunt Megera, Alecto, ac Typhiphone: hæ colubrinis flagris lacerant & proscindunt adjudicatos Cocito & Phlegethonti. Adscripserunt quoque piis animabus locum proprium, ubi quiete degunt æterna: quem vocarunt Campos Elysios: In iis horti viretæ, præta, campi, speluncæ, montesque summa amœnitate visuntur, in quibus vivunt perpetua felicitate sancti Manes: ac sese oblectant omnibus iis exercitiis, quibus libeter vacarunt cùm adhuc vi-



verent. Ad ingressum Elysiorum Camporum lēto ac tacito flumine defertur Lethe: de quo bibūt animæ beatorum: ut omnium obliviscantur malorum ac molestiarum, quas inviti antea perpeffi sunt super terra: & hoc cautum à Fato æterno dixerunt antiqui, ne memoria molesta tangerentur animæ sanctorum, dum recolerent ærumnas & calamitates vitæ transactæ. Pythagorici ulterius progressi sunt. Oblivionis fluvium adsignant animabus defunctorum, quæ transmigrationæ sunt in nova corpora. Ac post epotam Lethen omnium præcedentium oblita, desiderio novæ vitæ gestientes, expectant donec Natura illas in corpora recenter nata transmittat; Raroque contingit ut mēte recolant, quæ ante actis sæculis perpeffæ sunt in corporibus in quibus priùs vixerunt. Quamvis ille publicaverit se in corporibus alienis antea vixisse quorum nomina recitat.

ÆGY-



CAP. XV.

DII ÆGYPTIORUM.

ROMÆ IN HORTIS IVLII III. P. M.

ΘΕΟΙ ΑΔΕΛΦΟΙ.



Templa Paretoniis onerasse altaria monstris  
 Quis negat? inter quæ Simia & Ibis erant.  
 Et Canis, & vasto frendens Crocodilus hiatu.  
 Herbae etiam cultu non caruere suo.



O proruperunt insaniæ plurimi populi in hac idololatriâ, ut non illis suffecerit divinitatis honores tribuere astris cœlestibus, Heroibus, & Principibus illustribus ( qui multis beneficiis homines sibi conciliarant ( sed & inter deos receperunt portenta & monstra. Simiam, Crocodillum, Ibin, Arietem ( qui illis erat Iuppiter Hammon) Bovem Apin, Osyrin, Canē Anubin, & alia animalia. Ac ne fatis illis videretur colere bestias brutas, illis ceremonias, & publica constituerunt sacrificia, templaque, & aras, & sacerdotes sacraverunt. Cultum quoque divinum tribuerunt Cepis, Alliis, Porris, Cucumeribus, & infinitis creaturis, quę sensu & vita carent: prætexentes mysteria occulta, & plebi incognita; quò viderentur nihil facere sine legitima ratione, ac Deorum consilio. Tanta fuit semper, & ubique hæc Deorum varietas, maximè inter Ægyptios, qui inter reliquos homines superstitionibus vanis usque ad insaniam deliraverūt. Neque sine causâ dicit Apostolus, iram Dei revelari de  
*Rom. 1.* cœlo super omnem impietatem & injustitiam hominum, qui veritatem Dei in injustitia detinent:



nent:& paulo post: dicētes se esse Sapientes, stulti facti sunt: & mutaverunt gloriam incorruptibilis Dei in similitudinem imaginis corruptibilis hominis,& volucrum, & quadrupedū, & serpentium. Et hos fructus producit Natura humana peccato corrupta,nisi à Deo optimo maximo fulciatur, convertatur, & instituatur: Cui nihil gratius, nihil acceptius esse potest obedientia. Mens hominis per se ad excogitādos numinum cultus varios ac novos semper fuit proclivis. In qua re sese manifestat irreligiosa mortalium religionis affectatio:Qui dum suis inventis & superstitionibus suam justitiam stabilire conantur, ab observatione mādatorum Dei procul recedunt. Observa, inquit Altissimus per Mosem, & audi omnia quæ præcipio tibi, ut benè tibi sit, & filiis tuis in sempiternum,cū feceris quod bonū est, & placitum coram Deo tuo. Quod præcipio tibi hoc facito tātūm,nec addas quicquam, neque diminuas. Eò infantiæ proruperunt homines, ut fictitiis diis non solū odores preciosos in thimiamate incenderent,vinum,lac,sar,fruges,& alia obtulerunt solemniter; holocausta & sacrificia ex bobus, arietibus, agnis, hœdis, & volucribus fecerunt: neque quicquam reliquerunt intētatum,ut sua idola honorarent:præstigiis dæmonum fascinati, qui eadem sibi attribuerunt, quæ Deus sibi fieri præceperat. Imo diis sanguine hu-

*Deut.*  
12.

mano fecerunt sacra, nequid ad impias superstitiones addi pessellet, sua templa diversis polluentes sacrilegiis & fœditatibus. Neque solum hæc inhumana sacra sunt facta inter Gentes, quæ Dei veri notitiam nō habuerunt (ut in Taurica Chersonneso Dianæ Thoantæ homines immolabatur, in Ægypto à Busiride Thraſius ad aram Iovis mactatus est: Pyrrhus Achilli patri parentavit Polyxena Priami filia ad Sigeum littus. In Aulide Agamemnon Iphigeniam sacrificavit, & ejusmodi nefaria sacra inter Ethnicos celebrata legimus multis in locis: Ipſi quoque Israëlita hæc secuti flagitia filios suos Molocho immolabant: de  
*Levit.* 20. quibus dictum est. Qui dederit de semine suo idolo Moloch, morte moriatur: Populus terræ lapidabit eum, & quæ sequuntur.

CANO-



CAP. XVI.  
CANOPVS.

*Fusca suum Ægyptus veneratur thure Canopum.*


*Chaldæi flammis numen inesse docent.*

*Commissi inter se dii sunt: Ægyptius urna*

*Assyrium tectis ludificavit aquis.*

*K 2*





IN TER varios portentosoſq; deos, quibus Ægyptii ſua fana ac delubra repleverunt, Canopus non obtinuit poſteriorē locum. Fuit enim Canopus iſte Amyclæus navis Menelai gubernator: Qui cū ab expeditione Troiana rediret, tempeſtate actus delatus eſt in Ægyptum, ibique, tactus ictu ſerpentis mortuus eſt: ſepultuſque ad Nilum, ubi poſtea urbs à Canopi nomine conſtructa eſt, diſtans ab Alexandria ſtadiis cxx. Illi temporis ſucceſſu cives erexerunt ſtatuas, ſacraque decreverunt, & templa dedicarunt. Contigit autem ut Chaldæi diverſarum religionum excogitatores, vagarentur per Aſſyriam & Arabiam, docentes mentem illam æternam conditricem & conſervatricem mundi totius velle coli ab hominibus nō ſub ſtatuarum aut imaginum figuris, quæ corruptibiles, mutæ, & mortuæ eſſent, & facturæ artis humanæ, quæ ex nulla ſui parte poterant exprimere, vel repreſentare infinitam illam Deitatem ſupernam, ſpiritualē, & viventem ab æterno: ſed ſeſe manifeſtare hōminibus ſub ſymbolo ignis. Quia igne  
(ſecun-

(secundum opinionem Heracliti) cuncta creata sunt:& vita temperatus est calor:mors autem frigus perpetuum. Alii humidum cum calido dixerunt originem esse creaturarum omnium. Et ut appareret animorum immortalitas, homines igne & aqua uti: reliqua animalia contenta sunt aqua: Addebant Chaldei Deū illum mundi conditorem benignum & misericordē esse erga eos qui divinis obtemperabant præceptis:sed justum & terribilem in cōtumaces & rebelles: irasci gravissimè delictis prophanorum, ac consumere in suo furore deos lapideos ac metallicos, qui illi conferebantur: quod experientia comprobabāt. Idola enim sive metallo, lapide vel ligno facta essent, adposita igni consumebantur, & perdebāt suam formam, qua sola dii cēsebantur. Cū igitur venissent in Ægyptum, docerentque eadem quæ in Asia, sacerdos Canopi homo philosophus & literatus, fraudem Chaldeorum non ignorās, dolum dolo excepit. Concione populi convocata ipse ultro hortatus est Ægyptios ne temere rejicerent Chaldeorum doctrinam, quæ à ratione non erat aliena: Non tamen patriam religionem leviter desererent, quam à parentibus acceperāt. Deos illos inter se committendos esse suadebat, acpiē religiosēque expectāndum quis esset superior futurus. Interim, ut cautus erat, Hydriam foraminibus undequaque terebro aperuit, quæ

cera textit, ac gypso colorato super induxit: implevitque hydriam aqua: & ejus orificio caput statuæ veteris super imposuit; summaque reverentia, ac ceremoniis exquisitis spectante toto populo venerandum istum Deum igni Chaldeorū adhibuit: Vtrinque Ægyptii Canopi nūmen, Chaldæi voce elevata suum deum sub ignis forma invocabant. Incalescente autem hydria propter ignis propinquitatem, liquefacta est cera, apertisque foraminibus magno impetu effusa est aqua in ignem circumjacentem: quī multa inundatione spectantibus & admirantibus omnibus suffocatus & extinctus est: Sacrificulus verò arrepta inde occasione hortatus est Ægyptios, ut majore reverentia Canopum colerēt, sacra illius frequenterēt, ac se tanto numini voluntariē submitterent. Ex eo tempore Canopi statua figurata est in speciem urnæ: Cujus formam ostendunt Marius Delphinus Romanus Patritius. Petrus Lepidus Regius apud Mediomatrices Procurator: ac memini me aliquando vidisse similes inter ornamenta conclavium ducis Urbīnatis

Pisauri, & Roberti Strozzię  
Card. Romæ.

*DII*





## CAP. XII. V

## DII ROMANORVM.



*Vt bello atque armis clari evasere Quirites,*  
*Sic nomen patriis obtinuerunt sacris.*  
*Mille deis totidem Romæ delubra dicarunt,*  
*Diversa Græcis relligione pares.*



VOTIES asserit scriptura unicum esse Deum, hoc præcipit ne alio transferatur id quod Divinitati competit. Vnde patet, quãtum à superstitione differat pura religio. Dicit enim Deus se esse æmulum, ac fore severũ ultorem, si cum ullo deo fictitio illum associet homo, regulamque proponit in sua lege, ad quã vult omnem cultum Numinis sui referri, & suo arbitrio honorari. Quod homini debet esse frænũ validissimum, quo intra fines & limites officii sui contineatur. At illi Antiqui tam Philosophi, quàm populorum doctores, ne viderẽtur aliquid detrahare de eo quod deberi summo Numini non ignorabant: Deorum minorum centurias æterno rerum omnium Conditori subjecerunt, quibus par esset cũ illo summo Deo cœli ac terræ administratio. Sed hac societate Deus impiè dejicitur à sua sede, & illi sceptrum è manibus extorquent Idololatræ, quod fictitiis suis deis communicant. Manet tamen illud dictum Christi ad tentatorem: Dominum Deum tuum adorabis, & illi soli servies. Et Angelus reprehendit Ioannem, quòd in genua venerabundus corã eo

*Matte*

*4.*

*Apo. 19*

eo procidisset. Et Petrus Cornelium reprehēdit, *Act. 10*  
 quòd ante illius faciem genicularetur. Zacharias *Zac. 14*  
 dum loquitur de restauratione Ecclesię, dicit tūc  
 unum fore Deum, & unum illius nomen: Qui-  
 bus testimoniis clarè judicatur quæcunque pie-  
 tatis officia aliò transferuntur, quàm ad unum  
 Deum, ea sacrilegio abominando involvi. Sed  
 hoc Gentes non intellexerunt, quæ multitudinē  
 deorum sibi finxerunt: non solùm Assyrii, Ægy-  
 ptii, & Græci, sed etiam Romani, qui cæteris pa-  
 res fuerunt superstitione & religionibus variis.  
 Hi enim præter solem, lunam, aliaque sidera, quæ  
 adorabant, habuerunt peculiarem deum Ianum  
 illum antiquum Ogygem, qui inter Aborigenes  
 olim regnarat, & in Ianiculo sedem fixerat. Hūc  
 peculiaribus sacris prisci illi populi Italiæ vene-  
 rati sunt, antequam Evander cum Carmenta ma-  
 tre in Italiam trajiciens deos Arcadiæ adve-  
 xisset; & Æneas Palladium, Cybelem, & alios è  
 Phrygia deos secum adportasset. Habuerunt &  
 Romani suos Heroas, Genios, & Indigetes: Stati-  
 linum, Levanam, Comum, Virbium, Ridiculū,  
 Fortunam, Angeronam, Agonium.

Eousque processit humana vanitas, ut semper  
 plus tribuerit suis speculationibus & inventis,  
 quàm mandato Dei; qui spiritu & veritate coli  
 vult, non idolis materia corruptibili cōflatis. Si-  
 mulachra Gentium argentum & aurum, opera *Psalms.*  
 115, 136



manuum hominum. Similes sunt eis qui fecerūt ea, & omnes qui confidunt in eis. Proinde Deus, ne illi formam aliquam materiale tribuerent

*Ex.* 20 homines, inquit. Non facies tibi sculptile, neque similitudinem ullam eorum, quæ in cælo sunt desuper, aut in terra deorsum, nec eorum que sūt in aquis sub terra, &c. Quibus verbis refranatur perversa superstitio, & impia licentia hominum.

*Deut.* Deus ipse ad Mosē inquit: Memento quòd Deus  
4. locutus sit tibi in valle Horeb: vocem audivisti, corpus nō vidisti. Observa ergo teipsum, ne fortè deceptus facias tibi ullam similitudinem. Et

*Esa.* 49  
*Et* 46. Esaias: Cui assimilabitis Deū fortem, & quā similitudinem cōparabitis ei? Et Paulus disputans Athenis in Areopago cum Stoicis, dicit: Divinitatem non posse exprimi auro, argento, aut lapide arte sculpto, neque invētionibus hominū. Quod

*Lib.* 4.  
*de civ.* nō ignoraverunt ex Gentibus plurimi. Augustinus profert excellens testimonium ex Varrone,  
*Dei ca.* quod & ipse adprobat. Qui primi deorum simulachra invexerunt, ii & metum dēpserunt, & errorem addiderunt. Cum Tarentum expugnasset Cōsul Romanus, multasque statuas deorum aureas & argenteas cum praeda cepisset, scribenti ad Senatum quid de iis esset factururus respōsum est, ut Deos Tarētinis iratos relinqueret. Nimirum hoc responso Romani annuebant, in statuis parū esse auxilii afflictis, quamvis eas summo coluissēt hono-

honore: multo minùs iis qui nihil divinitatis talibus rebus attribuebant: nam usque ad ea tēpora Romæ nondum recepta erant Deorum simulacra. Sed postquam Romani protenderunt imperium extra Italiā, & cum Græcis communicarūt, ab eis, sicut bonas artes & Philosophiam, sic etiā omne genus superstitionum & opinionū de religione didicerunt, & in urbem invexerunt, reliquosque populos variis traditionibus & sacris superarūt: asciscendo undequaq; peregrinos Deos, & illis in urbe templa, sacella, & aras erigēdo. Vnde dictum est non absurdè ab aliquo Romano. Postquam in Urbem introducta sunt simulacra. & statux deorum publicè sunt populo propositæ, ut ad eas suas dirigerent preces, & vota conciperent, elanguisse in hominum animis pietatē, & morum dissolutionem superinductam esse. Cū enim suos deos iisdē affectibus, & cupiditatibus percelli, & rapi existimassent, quibus vulgare genus hominum, aut eos contempserunt, aut ad eorum exempla vitā composuerunt. Existimaveruntque quod cœlestiū fieret imitatione, debere tolerari, vel adprobari: Nam fures, latrones, adulteri, polluti, impostores, & ceteri, suos habuerūt tutelares deos: quos invocabāt, & colebāt ut maleficia quę aggrediebātur possēt cōficere. Sic adulterę mulieres veneri victrici, & felici ferebāt munera: impostores, perjuri, fures Mercuriū præsidē

honorarunt: avari Plutum: latrones & oppressores violenti Herculem: cynædi Iovem: & ita de cæteris. Nullum enim vitii genus fuit, quod ad aliquem deorum non potuit referri, quorum patrocínio & exēplo possent securiùs exequi quod machinabantur. Vtque rudis populus, & literarum imperiti possent faciliùs Deum à deo discernere, & ejus proprias cognoscere virtutes & energiam, ne in invocatione hallucinarentur, & fallerentur, ex armamentario cœli conquistata signa tribuerunt singulis, quæ propria illis essent & peculiaria: ut compertum esset unicuiq; quòd Deus hic vel ille posset conferre beneficium: ne precibus extorquere miseri mortales conarētur ab aliquo deorum, quod sui non esset muneris: Stultum enim fuisset à Venere voluptati & ocio dedita, texendi, nendique peritiam poscere, cùm deliciis præficeretur, & amoribus. Ad Palladem veniendum erat, quæ lanificii præses credebatur. Propterea cautum est probè ac sapienter, ut statuarii & pictores singula numina suis insignirēt notis: Iuppiter fulmen tenebat, Neptunus fuscina, Pluto uncū, Saturnus falcem, Cybele tympanum, Apollo lyram, Pallas ægydem & hastam: Mars peltam & frameam: Bacchus thyrsus, Hercules clavam: Mercurius caduceum, Diana venabulum, Cupido pharetram, & arcum: Venus faculam: Hymen rosas: Vertumnus scalas: Pales rastrum:



strum: Pan fistulam septemplicem: Vulcanus incudem & malleum, & ita de cæteris. Quin & dii singuli proprias habuerunt aves, vel animalia quibus comitabatur. Iovi tribuerunt aquilam: Iunoni pavonem: Minervæ noctuam: Herculi dracōnem Hesperium: Baccho Tygrem & Panteram: Veneri cygnum & columbam: Saturno serpentem: Plutoni Sphingem: Neptuno Phocas: Dianæ cervum & canes: Marti lupū: Mercurio Ibidē: Æsculapio colubrum: Phœbo cornicem. Mille monstra, mille nugas & fabulas semper excogitavit mens humana, quibus deciperetur, ac deciperet. Quoque magni illi Philosophi sibi magis indulgebant in describenda rerum natura, quam ingeniosis his hieroglyphis adumbrare se credebant, eò longiùs aberrabant, & distrahebantur à vero scopo cultus divini, quem Deus summus sibi postulabat tribui; idque præscripto mandato, quod ex sacris literis discimus: ultra quod, ingenium hominis nihil potest cōminisci præter vanitatem, & stultitiam. Cùm autē suis diis currus & animalia quædam, quibus gestarentur, tribuerit antiquitas prisca: ea expressi olim aliquot versibus, quos hic adjungere non erit absurdum.

*Et sua habent carpenta Dei: rapidisque feruntur*

*Curribus: & celeres axe agitante rotas.*

*Sidera seu linquant, ut terras lumine lustrent:*

*Seu placeat cæli summa per astra rapi.*

An nos si subeunt Saturni plaustra dracones,  
 Addit qui exactis tempora temporibus.  
 Clangorem duplicant Idæi Dyndima buxi,  
 Turritam gestat dum leo iunctus Opim.  
 Iuppiter æriis aquilæ libratur in alis,  
 Sidera dilecto cum Ganymede petens.  
 Iuno capistratis pavonibus æthera scindit,  
 Dum cultæ invisit templa operosa Sami.  
 Neptunus tranat frenatis æquora Phocis:  
 Perfreta Delphino currere Thetys amat.  
 Ditis equi Nonius, Methæusq; & furvus Abaster:  
 Alatoque Orphneus qui pede sulcat iter,  
 Phæbæos raptant currus Æous & Æthon,  
 Et Phlegon flammæ cum Pyroente vomens.  
 Adiungam ramosos compellit Delia cervos,  
 Dum cursu celeri Latmia saxa subit.  
 Lyncibus & sævis fertur vinosus Iachus,  
 Torva corymbifera lumina fronte rotans.  
 Ut Phrygio Anch. sâ, thalamisque fruatur amatis,  
 Pulchra in Amyclæo Cypris olore sedet.  
 Dum framea, & Getica furit inter prælia pelta,  
 Mars premit Odrysiis effeda iuncta lupis.  
 Squamoso graditur nitens serpente Minerva,  
 Attica si posita Gorgone fana subit.  
 Non semper genitæ Maia talaria plantis  
 Aptat: Marmaricis tollitur Ibidus:  
 Triptoleum ut doceat frumetum credere sulcis,  
 Currum urget tortis anguib; alma Ceres.

Lustra-

*Lustratura salum compellit cœrula Doris*

*Delphines iunctos ore lupata pati.*

*Ad iuga compulso diuerberat aquora pisce*

*Ne eus: & metas turbine mulcet aquas.*

*Vestatur pandi tergo Silenus aselli,*

*Est qui Lampſacio viclima grata Deo.*

*Pelides Bal. um; Xanthumq̃, & Pedafon urget,*

*Dum iuuenem Mavors in fera bella movet.*

*Pollucis dextra submittens colla libenter*

*Spumanti frantum Cyllarus ore tulit.*

*Pegasus alato gestavit Persea dorso:*

*Et fessere ferox Bellerophonte fuit.*

Istis quoque diis peculiares sacratae fuerunt arbores: ex quarum ramis coronabantur, quoties illis festa solennia sacrificiaque fiebant publicè: quas sequenti carmine ita comprehendì.

*Non quavis Superos arbor de frunde coronat,*

*Dum fiunt festo publica sc̃ra die.*

*Cuilibet è proprio cinguntur tempora ramo:*

*Serto divinas impediẽte comas.*

*Æterna cædro fontem Saturnus inumbrat:*

*Turrigeræ est abies grata corona Deæ.*

*Alta Panomphæo quercus est sacra Tonanti.*

*Lentisci æquoreo viscida planta deo.*

*Diligitur nigro Plutoni Punica malus.*

*Pallentes oleas Attica Pallas amat.*

*Perstringit flavum Iuno Libanotide crinem.*

*Frunde tegit fagi Delia casariem.*



*Ornata est Martis invicta dextera palma.*

*Mercurique comas Lotos amica premit.*

*Devincit Phæbus Daphnæa tempora lauro.*

*Herculeum cingit populus alba caput.*

*Fronte recemiferas gestat Semeleius uvas.*

*Pæstanam Cypris diligit alma rosam.*

*Flava Ceres tiliæ sudorem corrigit umbra.*

*Id aliam variat myrtus odora comam.*

*Plexa datur Genio platani de frunde corolla.*

*Agræstem cingit lenta labrusca Palem.*

*Coniferæ Pani præstingunt cornua pinus.*

*Sylvano gracilem dant coryleta nucem.*

*Littorea Doris frontem circumligat alga.*

*Naiades instituunt ad saliceta choros.*

*Cum Satyris ludunt Dryades querceta sub alta.*

*Multipli calathos flore Napæa replet.*

*Pallida feralem poscit Libitina cupressum.*

*Persephone taxi lurida ferta gerit.*



*DII TURPES, ET SCELERATI:*  
PRIAPUS.

ROMÆ IN HORTIS VIÆ FLAMINIÆ.



HORTORVM CVSTODI VIGILI  
CONSERVATORI PROPAGINIS  
VILLICORVM.

DVM TVA POMIFERVM CVSTODIA PROTEGET HORTVM  
TERROR ET INFEſTIS FVRIBVS INGVEN ERIT.  
LAMSACIOS MELIOIR NON IMBVIT HOSTIA CVLTROS  
QVAM VENIET NOSTRA VICTIMA CAESA MANV.

*Hic ille hortorum custos: cui prisca vetustas  
Obscœnis aras ritibus instituit.  
Cui litat ad thalami venturus fulcra maritus.  
Consecrat Idalias cui nova nupta faces.*

M



NON solum peccaverūt antiqui in expri-  
 menda Divinitate, dum illam ad formā  
 humanam pingerent & sculperent : sed  
 vanę superstitioni accessit nefaria & scelestā pro-  
 fanatio: Dum suos deos adulteros, incestos, tur-  
 pes, & ebriosos crederent, infinitisque crimini-  
 bus infames. Vnde licentia peccandi multis eve-  
 nit, & numinis contemptus. Non poterat enim  
 fieri ut hunc pię ac sanctę revererentur, quem e-  
 xistimabant pollutum, turpem, & sceleribus fa-  
 ventem. Soror quę suum fratrem ad incestum  
 provocat apud Ovidium, crimen suum ita excu-  
 sat. Quid deceat nescimus adhuc: nos cuncta de-  
 cere credimus, & sequimur magnorum exempla  
 deorum: & quę sequuntur. Sic Venerem cū Mar-  
 te in adulterio deprehensam tradiderunt, specta-  
 toribus reliquis diis jocum, risum, & fabulā fuisse  
 in cœlis. Iuppiter ut suas exequeretur libidi-  
 nes, diversas formas induit: in aquilam versus cū  
 Ganymedem raperet: in olorem, ut Ledam: in  
 serpentem, ut Olympiadem: in Satyrum, ut Saga-  
 ritidem Nympham deciperet: in aurum, ut Da-  
 naēm: in taurum, ut Europam: Reliquosque deos  
 diver-



diversa corpora formasq; sumpsisse prodiderunt, ut suis potirentur amoribus. Imo ipsam Dianam, quam virginitati & castimoniam præfecerunt, cum Pane, cum Endymione, & cum aliis pudicitiam prostituisse tradiderunt. Nonne & pæderastas asseruerunt Iovem cum Ganymede, & Herculem cum Hyla? & Bacchum cum Hypolypno cynædum: qui cum exequi promissum non posset reversus ab inferis, super mortui sepulchro opus exegit ramo ficulno. Quis sine pudore leget quæ scripta sunt de generatione Ericthonii & Orionis? Athenienses Corytto pollutionis & libidinum deam sacris abominandis coluerunt: Romani Floram meretricem, quæ Chloris vocabatur, in deorum numerum retulerunt, quod Senatui hæredem fecisset: illique ludos quotannis instituerunt, in quibus omnia turpia publicè fiebant. Quæ ut spectaret Cato Censor, cum in circum venisset, puduit scenicos prodire, nisi Censor discederet. Cybele mater deorum in nuptiis Pelei & Thetidis ebria decubuit; ac penè suppressa fuit à Priapo, nisi fuisset excitata à somno ruditu asini Sileni. Nōne & hæc Opis bona dea Atys impotenti amore exarsit: Quo cum potiri non posset, illi amentiam immisit, ut sibi testes amputaret. Iuno ex frictione pudendorum, Vulcanum concepit. Iuppiter ex cerebro Palladem enixus est. Et uxorius iste deus Bacchum ex Semeles utero extractum (quæ fulmine in coitu extinxerat)

suo femori inferuit, donec partui maturus esset embrio. Lāpsaceni mōstrosæ virilitatis hominē Priapum divinitate donarunt, & religiosè coluerunt: Licet Ægyptii tradant longè ante Priapum Lampfacenum fuisse hunc deum apud se in summo honore. Afferunt enim Osiridem à Typhone occisum, & in partes divisum esse: ejus verò pendenda in Nilum projecta fuisse (quòd ea neque Azo regina Æthiopiæ, neq; quisquam ex septuaginta conspiratis vellet excipere.) Et à Lepidoro, Phagro, & Oxyrincho piscibus devorata esse: quæ postea Isis inventa, tholoque templi appensa jussit adorari, & Phalum vocari. Hæc & similia traduntur theologia antiquorum: quibus homines ad omnem turpitudinem deorum exemplis pelliciebantur: Quis sacra hæc toleret mysteria? quibus mens mortalium non tantùm abstrahitur à cultu & reverentia Dei, sed etiam protruditur in omnem spurcitiam, & libidinem?

Non



CAP. XIX.

Non assumes Nomen Dei tui in vanum.

PERIVRII SACRIFICIUM. Levit. 5.



*Ne subeat pœnas falsa ob periuria lingua,*

*Heic agni supplex sanguine sacra facit.*

*Divini debet reverentia nominis esse*

*Summa: ad quod cœlum, terra, salumque tremunt.*

M 3





**C**VM juramētum sit Dei attestatio ad veritatem sermonis nostri confirmandam: certū est debere referri ad hoc præceptū. Et quādo ejusmodi attestatio rite peragitur, species est cultus divini. *Esa. 19.* Esaias de Assyriis & Ægyptiis scribens: Loquentur, inquit, lingua Chanaā, & in nomine Domini iurabunt: hoc est: jurando per nomen Domini, religionis cōfessionem profitebuntur; & se sub eodem fœdere cum Israëlitis contineri testabuntur. *Esa. 65.* Idem Propheta: Qui jurabit in terra, jurabit in Deo vero. Meritò enim cū invocamus nomē Dei in testimoniū, nostram in ipsum religionē, & reverentiā ostendimus. Cū hac ratione illum fateamur cordium scrutatorem, ultorem perfidiæ, ipsumque esse æternam, & immutabilem veritatem. Impium est igitur per alienos Deos jurare: qui non possunt à nobis vocari, sine manifesta à Deo vero defectione. *Hiere. 5. & 6.* Hieremiam Deus inquit, Si eruditi docuerint jurare populum in nomine meo, sicut docuerūt jurare per Baal, ædificabuntur in medio domus meæ: & alibi, Filii tui dereliquerunt me, & jurant in iis qui dii non sunt: &, Disperdam eos qui jurant.

jurant per nomen Domini, & jurant per Melchon. Si per alium jurant homines, quàm per Deum verum, Deus altissimus de sua majestate detruditur. Et si hac prophànatione pejeratur, impia contumelia trahitur in contemptum: nihilque illi restat, ubi sua veritate spoliatur, & esse Deus desinet, si falsi suffragator & approbator illum homines cõstituerint. Dum Iosue producit *Ios. 7.* Acham in medium, qui de anathemate in præda Hiericõtis subtraxerat aliquid clāmculò, cum illũ ad cõfessionem veritatis adigit: Fili mi, inquit, da gloriam Deo Israël: Hac adjuratione innuens, Deũ maximè honorari, quoties testis tanquã cordis nostri cognitor invocatur: Et irritari gravissimè ultoremq; perjurii, si fallimus, imprecari. Nõ *Lev. 19.* pejerabis in nomine meo; nec pollues nomẽ Dei tui. Ego Dñs. Perjuro constituta erant sacrificia, ut veniam à Deo impetraret; quæ illum mortis reum corã Domino testabantur: ut Levitico traditum est. Anima quæ juraverit, & protulerit la *Lev. 5.* biis suis, ut vel quid malè faceret, vel benè, & non fecerit, & id ipsum juramento vel sermone firmaverit, oblitaq; postea intellexerit peccatũ suũ, agat pœnitentiã pro delicto: & offerat de gregib<sup>9</sup> agnã, vel capram, &c. Et si juramentum in nomine Dei sit species honoris qui Deo debetur; non tamẽ temere pii sese debent assuefacere juramento: nisi quatenus à magistratu id requiritur, aut

controversia de re incognita hac ratione terminatur & finitur. In cæteris sobriè nomen Dei assumendum est. Iurationi non assuescat os tuum: multi enim casus in illa. Vir multum jurans implebitur iniquitate; & nō discedet à domo illius  
*Ecd. 23* *Mat. 5* plaga. Hinc illud Domini apud Matthæum. Non jurabis neque per cœlum, neque per terram, neq; per Hierusalem, neque per caput tuum. Sit autē sermo vester, est est, non non. Quod autem his abundantius est, è malo est. Et Iacobus: Ante omnia autem, fratres mei, nolite jurare, neq; per cœ-  
*Iac. 5.* lum, neque per terram, neque aliud quodcunq; juramentum. Sit autem sermo vester, est est, non non: ut non sub iudicio decidatis. Quibus mandatis refrænatur nimia juramenti licentia, qua nomē Dei in vanū sumitur à plurimis: imo & blasphemias & juramenta existimant ornamēta locutionis, ac competere nobilebus, iisque  
 qui autoritate, opibus, & dignitate cæteris præstant.

SEN-





CAP. XX.

SENNACHERIB

II. Paral. 32.



*Assyriis Solymos vexat Babylonius armis  
Rex: & blasphemio provocat ore Deum.  
Angelus infesto turmas ulciscitur ense;  
Natorumque cadis, Sennacheribe, manu.*

N



INFINITA testimonia , tam è sacris  
quàm ex prophanis historiis citari pos-  
sunt, quibus monemur religiosissimum  
& sacrosanctum Dei nomē esse debere inter ho-  
mines. Filius Salumith mulieris Hebrę, & Ægy-  
ptii cujusdem , cū blasphemasset nomen Dñi,  
Dei jussu lapidibus obrutus est. Educ blasphemū  
*Levit.* (inquit Deus ad Mosē) extra castra; & ponent  
*24.* omnes qui audiverunt manus suas super caput e-  
*Levit.* jus: & lapidet eum populus universus. Qui bla-  
*20.* sphemaverit nomen Dñi, morte moriatur. Lapi-  
dibus obruet eum omnis multitudo populi, sive  
ille civis, sive peregrininus fuerit. Quicquid igi-  
tur de Deo mens humana cōcipit, quicquid lin-  
gua profatur, ipsius excellentiam resipiat, & sa-  
cre nominis ejus sublimitati respōdeat, aptumq;  
sit ad ejus magnificentiam extollendam. Sancto  
ejus verbo, & adorandis mysteriis ne temerē prę-  
postereque abutamur ad ambitionem, ut cæteris  
sanctiores videamur: vel ad avaritiā, ut proximū  
decipiamus in contractibus, scēnoribus, & impo-  
sturis. Neq; ad ludicra (quod plerique faciūt, non  
satis seriò pensantes quātum crimen perpetrent)  
nomen

nomen Divinū transferamus: Vrbalitas & jocus id censerī non debet, ubi impietas, ac Numinis prophanatio immiscetur. Sāctificare ejus Nomē jubemur: hoc est, quicquid ab ipso memoramus factum, cū sapientiā, justitiā, bonitatis elogiis factum esse prædicemus. Cū secus fit, venerādum nomen Dei sua dignitate exutū contēptibile redditur. Neq; eum honorē, qui uni soli Deo eterno, cōditori & conservatori totius mundi, debetur, ad fictitios deos transferamus: neque illi suæ potentie socios adjungamus. Deus altissimus est zelotes: qui suam gloriā aliis cōmunicari non sinit. Huc igitur illi summi Numinis cōtemptores adducendi sunt, & docendi unū solum esse Deū, cui soli subjecta sunt omnia: qui cuncta videt, qui gubernat, & regit quicquid ab eō creatū est. Siquid illi derogatur, & ad alios transferatur, impietatis crimen secum trahit. Prophanus ille Sennacherib Assyriorum rex, cum per Rabsacē militiæ suæ præfectum ingentibus copiis Hierosolymas obfideret, insultat Deo vero, & Ezechiæ regi Iudæ. Dii gentium, inquit, eas non servaverunt, neque De<sup>9</sup> vester vos liberabit à manu mea. Quis est de universis diis gentiū, quas vastaverūt patres mei, qui potuerit eruere populū suū de manu mea? ut possit etiam hoc præstare Deus vester. His blasphemiiis irritatus Dominus, per angelum suum percussit Rabsacis exercitum; corruerantque una

2. Paral. 32.  
4. Reg. 18. 19.  
Esaiæ 36. 37.



nocte centum & octoginta quinque millia hominum ad internecionem cæsa: Reversusque rex est cum ignominia in terram suam. Cumque ingressus esset templum dei sui Nesroh: cui sacrificaturus erat filios suos Adramelechum, & Sarsarum: ut placatus Nesroh opem ferret tyranno in debellandis Iudeis. Paternam voluntatem animadvertentes filii, conspiratione facta irruerunt in templum, & parentem adorantem trucidarunt. Fugeruntque post parricidium hoc, in Armeniam, relicto regno fratri Assaradoni: quem Mero-dachus paulo post devictum vita privavit: regnumque Assyriorum ad Babylonios iterum transtulit, & simul conjunxit, ut prius fuerat.



*PHI-*




CAP. XXI.

PHITONISSA ET SAUL. II. Reg. 28.



*Endore æ magico defunctus carmine Vatis  
 Ex imis Samuel Manibus eruitur.  
 Obiurgat Saulem: Cras, inquit, praelia inibis:  
 Tuque Palestino fusus ab hoste cades.*

N 3



E M O tam insanę mentis est (nisi prorsus  
 sit atheos) qui audeat negare unum solũ  
 Deum adorandum, illique præstandam  
 esse omnem reverentiam & obedientiam: Illius  
 nomen sacrosanctum esse debere inter homines:  
 neque transferendũ Numen illius in abusus pro-  
 phanos & impios. Non desunt tamen hodie plu-  
 rimi, qui detestando magię studio allekti, audent  
 eos, quos docent, eo impietatis pertrahere, ut il-  
 lis persuasum esse velint, in nomine Domini dę-  
 monas evocari posse illaesa pietate. Spiritusq; im-  
 mundos sese, invitos licet, submittere tremendo  
 & adorando Majestatis divinę Nomini, & parẽre  
 jussibus magorum. Inveniunturque non pauci  
 qui eò impietatis proruperunt, ut asserant id stu-  
 dium à sanctis olim fuisse cultum: plurimaq; mi-  
 tacula peregisse auxilio spirituũ, qui in suprema  
 regione aeris degunt, participes colloquiorũ cũ  
 cœlestibus Geniis, & hominibũ, qui vitæ sancti-  
 tate illustres vivunt in terra. Hęc impietas, & abo-  
 minanda doctrina, licet divinis humanisque le-  
 gibus austerẽ semper fuerit prohibita, meritoq;  
 in hodiernum usque diẽ suppliciis atrocibus pu-  
 niatur



niatur à Principibus & magistratibus, qui nomē  
 Dei reverentur; audacter tamen ab his sacrilegis  
 adhuc colitur multis in locis, & in usū reducitur.  
 Vir sive mulier, in quibus Pythonicus, vel divi- Lev. 19  
 nationis fuerit spiritus, morte moriatur. Lapi-  
 dib<sup>9</sup> obruēt eos: Sanguis eorū super illos, inquit Dñs.  
 Non invenietur in te incautator: nec qui Pytho- Nñ. 6.  
 nes cōsulat, vel divinos: aut qui quērat à mortuis  
 veritatē: neq; qui ariolos sciscitetur, aut observet  
 somnia atq; auguria: nec sit maleficus. Omnia enī  
 hæc abominatur Dñs. Quòd si tātūm Deus offē-  
 datur in temeraria usurpandi importunē divini  
 nominis facilitate: si in blasphemiiis tātōpere ir-  
 ritatur, multo magis incēdetur illius ira, si in nefa-  
 rios usus illius cōferatur Numē: ut sit ab impuris  
 istis profanatoribus, que tremendum illius No-  
 men adplicant, & eo abutuntur in necromātia &  
 magia: ad dæmones & mortuos evocandum sce-  
 leratis superstitionibus, diris devotionibus, illi-  
 citis exorcismis, aliisque impiis incantationibus  
 sese cōtaminantes: de quibus dictum est. Omnis Levit.  
 anima quæ declinaverit ad magos & ariolos: & 20.  
 fornicata fuerit cum eis: ponam faciem meā con-  
 tra eam, & interficiā eam de medio populi mei.  
 Et alibi. Ne declinetis ad magos, nec ab ariolis Lev. 19  
 aliquid sciscitemini, ut polluamini per eos: Ego  
 Dominus. Et Hieremias docet falsos prophetas Hier. 27  
 nō esse audiēdos, neque augures, neque divinos,

*Marc.*  
13.

2. Co. 11

qui Dei nomen prætexunt suis imposturis & deceptionibus. Quod iusto Dei iudicio contingit, dum reprobos & rebelles Satanæ potestati relinquit. Falsisque Prophetis permittit, ut signis & miraculis clareant: & sese insinuent in hominum mentes, ut decipiantur qui perditioni destinati sunt. Nam ipse Satanæ transfigurat se in angelum lucis. Cui efficacia in miraculis à Deo datur, ut decipiat eos qui iusto domini iudicio in perditionem ruunt. Cum Dei verbo ejusque mandatis non adhærent, sed suæ salutis, & conservationis spem aliunde quàm par est constituunt. Propterea permittit Deus illos ludificari, ac decipi præstigiis, & impiis istis incantationibus magicis, quibus magis fidunt, quàm scriptis & promissionibus divinis.

*AIAX*



## CAP. XXII.

## AIAX TELAMONIUS



Se fore victorem invito Iove deicrat Ajax,  
 Grandævi spernens dicta paterna senis.  
 Impietas cæco punita est ista furore,  
 Dum propria ad Troiam culpide fossus obit.

O





ENERANDA ac tremenda debet esse creaturis omnibus altissimi Dei sacrosancta majestas: neque illius nomen prophanandum, quæcunque videatur occasio, causa, vel necessitas offerri. Sed quoties id usurpatur à nobis, necesse est nos illi subjici cum reverentia, & cernua submissione, ac humilitate; illudque religiosa veneratione, omni studio, devotione, & cura prosequi. Itaq; sic animis & linguis comparatos esse nos decet, ut nihil de ipso Deo, ejusque mysteriis cogitemus aut loquamur, nisi reverèter, & cū sobrietate: Certò statuentes illum nō permissurū, ut blasphemī & cōtemptores sui Numinis in ulți maneant, tā in hoc quàm in futuro sæculo. Sit igitur hoc à principio persuasum omnibus hominibus, qui pietatis studiosi, ac Dei observantes videri volunt, Dominū esse omnium rerum & moderatorem Deum: eaque, quæ geruntur, ejus geri ditione ac Numine: eumque optimè de genere hominum mereri: & qualis quisque sit, quid agat, quidq; in se admitat, qua mente, qua pietate colat religionē intueri, piorumque & impiorum habere rationem. Et alibi ait idem autor. Quis est tam vecors, qui cūm

*Cic. de  
legib.*

*De rep.  
arusp.*

suspexerit in cœlum, Deum esse nō sentiat? Et ea quæ tanta mente fiunt, ut vix quifquam arte ulla ordinem rerū atque vicissitudinē persequi possit, casu fieri putet. Et idē, In mūdo Deus est aliquis, <sup>1. de na</sup> qui regit, <sup>tivit.</sup> qui gubernat, <sup>deor.</sup> qui cursum astrorum, qui mutationes temporum, rerum vicissitudines ordinesque cōservet: terras & maria cōtemplans, hominū cōmoda vitasq; tuetur. Hęc cū legim<sup>9</sup> Ethnicos non ignorasse, quid nobis Christianis fiet, cū edoceri libris sacris possimus, & institui exactē in iis omnibus quæ ad nostrā salutē pertinent, nisi divinis monitis nos submittamus? Quæ cū benè sculpta mente habebimus, proculdubio Dei majestātē adorabimus cernui, & illi nostram voluntatem, rationem, ac judicium ultro subjiciemus: expectātes cū patientia rerū nostrarum ac cōsiliorum successus, quales ille voluerit esse: nobis persuadentes omnia pendēre ex illius providētia. Nos illi esse curæ sciemus: nec capillū ex nostro capite deflere sine illius voluntate: ita in officio ac debita reverentia, & obedientia retinebimur. Scribit Sophocles Aiacē, (cū in expeditionem Troianam cum reliquis Principibus Græcis proficisceretur, propter Helenam à Phrygio Paride raptā) A Telamone patre monitū esse, ut se virum fortem, ac magnanimum præberet in omnibus: nihil intentatum relinqueret, quod ad vigilantiam, solertiam, judicium, ac officium

boni ducis ac generosi videretur pertinere: religionem coleret, sacra deis faceret, & ab iis eventum rerum felicemque successum posceret. Superbus ac temerarius juvenis patri respondit, ignavum quemque Deorum auxilio posse etiam victorem evadere. Se autem propria virtute effecturum, ut fortunam superet Diis etiam invitis. Et hac arrogantia Iovem irritatum immisisse furorem; quo percitus Ajax sæviit in porcos, tanquam in Vlysssem, quem perditè oderat, ejusque socios: Ac tandem recordatione hujus stultitiæ, sibi manus intulisse. Quo exemplo docuit Poëta tragicus Dei Numen terrori ac venerationi esse debere omnibus hominibus: cujus potentia & gloria plena sunt omnia, quique sui contemptum nūquam finit ultum.

CAPA-





## CAP. XXIII.

## CAPANEVS.



*Vrget Echioniam Capaneus temerarius urbem,  
 Insultans summo voce furente Iovi.  
 Erigit Electra scalas ad mœnia partæ,  
 Et rutilo torti fulminis igne perit.*



V c referri potest historia Capanei Hipponi filii: qui una cum Adrasto Argivorum rege & cæteris confœderatis Heroibus ad obsidionem Thebarum Bœotix cum exercitu profecti sunt: ut Polynicē Eteoclis fratrem, & filium OEdipi ac Iocastæ Creontis sororis à fratre regno expulsum in administrationem reducerent. Cadmus olim ab Agenore patre missus est ex Sidone Phœnicix ad disquirendam Europam filiam, quam Iuppiter transtulerat in Cretam: Hic Cadmus post lōgos errores in Bœotia consedit: ubi ex Hermione Martis & Veneris filia suscepit Polydorum filium, & tres filias Semelen, Agaven, Inoa, & cum his Autenoen. Polydorus filium genuit Labdacum: Labdacus Laium: Laius ex Iocasta sorore Creontis & Meneci amita habuit OEdippum. Qui in Citherone expositus est à parentibus. Iocasta enim somniarat, dum adhuc esset gravida, se peperisse gladiū, qui irruens in patrem illum transfoderat, ac blāde cōfederat in sinu matris. Hoc somnio perterriti parentes, puerum natum exposuerūt, ut à feris

ris laniaretur, & sic averterent quod somnii portendebat atrocitas. Sed puer repertus à quodam pastore nutritus est ab eo : donec adultior factus; Laium patrem incognitum interemit, & Iocastā matrem uxore duxit. Ex qua filios duos suscepit Eteoclē & Polynicen; filias verò Ismenen & Antigonā. Cognito postea parricidio & incestu suo, dolore & pœnitentia sceleris ductus, sibi oculos effodit: relicto regno filiis, hac cōditione ut successivè regnarēt. Sed dum Polynices Argos esset profectus, ubi Argiā Adraști filiā desponsavit: reversus Thebas, cū à fratre regno ejiceretur, ad forerū se recepit: à quo adjutus cum aliis Principib⁹ Thebas ingentibus copiis obsidet: Sed in ea obsidione infelicitè cecidit omnibus. Nā duces omnes, qui hanc expeditionem susceperant, miserabiliter periere; excepto Adrašto, qui se fuga celeri recepit Argos. Meneceus Creōtis fili⁹ sese devovit ad fontem Dircēs. Amphiarus hiatu terræ absorptus est. In urbe imperabat Eteocles. Septē portas obsidebāt Principes: Parthenopeus Athalantæ filius foris invadebat portā Neitem: cui in urbe oppositus erat Megareus Creōtis filius. Amphiarus Eclei filius cū suis erat ante portā Præidē: cui Laston erat cōtrarius in urbe. Hippomedō Ogygiā obsidebat foris. Illi in urbe opponebatur Hyperbius fili⁹ OEnopis. Tyde⁹ ad potā Homoloidē habebat adversariū Menalippū Astaci filiū.



Polynices erat ad portam Creneam. Adrastus ad Hebdoinem. Capaneus verò Hipponi filius ad portam Electræ: Is, ut natura arrogans & temerarius, in Iovem blasphemans, jurabat se Deo invito subversurum Thebas, & in cineres redacturum. Sed contigit ut cùm è scalis lapidum mole dejectus esset, rursusque conscendere conaretur, ictu fulminis detrusus est, & miserè excarnificatus. Hæc Æschilus & Euripides fusissimè describunt: docentque impietatem in Deum nunquã remanere inultam: nihilque de Deo æterno sentiendum vel dicendum, nisi cum tremore ac reverentia: Ad quod etiam pertinet historia Salmoniæ Æoli filii regis Elidis: qui contempto Iove, se Deum proponebat adorandum: imitantemque fulmina fictitia, vero fulmine è curru deturbatus periiit.

SAB-



CAP. XXIII.

Sabbathum sanctifica.

*VIOLATOR SABBATHI. Num. 15.*



*Contemptor Legis, dum Sabbatha sancta coluntur,  
Festa nihil curans otia, ligna legit.  
Ducitur ad Moysen: Dominus consulitur: ille  
Extremi patitur funera supplicii.*

P



**M** E M E N T O ut diem Sabbathi sanctifices: Sex diebus operaberis: & facies omnia opera tua: Septimo autem die, Sabbathū Dñi Dei tui est, &c. Hoc præceptum multis in locis repetitum est, & severissimè prohibetur, ne quis eum

**Exo. 35** diem Deo sacrum violet. Sex diebus faciētis opus, inquit Dominus: Septimus dies erit vobis sanctus, Sabbathum, & requies Domini. Qui fecerit opus in eo occidetur. Et, Custodite Sabbatham meam, & pavete ad sanctuarium meū: ego Dñs.

**Le. 26.** Sabbatham meam custodite, & Sanctuarium meum

**Lev. 19** metuite: Requies Sabbathi sanctificata est Domino: Cras quodcunq; operandum est facite: & quæ coquenda sunt coquite: Quicquid autem reliquum fuerit reponite usque in manè. Et postea

**Exo. 16** idem repetit. Sex diebus operaberis: septima die cessabis; & requiescat bos & asinus tuus; & refrigeretur filius ancillæ tuæ, & advena. Et multis aliis in locis idem mādatum sæpius repetitur, quo severissimè jubetur septimi diei observatio. Voluit Deus sub hujus diei septimi quiete spiritua-

lem



lem figurare quietem; qua fideles debent feriari à propriis operibus, ut Deus in ipsis operetur. Statum quoque diem esse voluit, quo ad Legem audiendam, & ceremonias peragendas conveniret populus: vel saltē quem operū suorum meditationi peculiariter darent Israëlita; ut hac recordatione ad pietatem excitarentur, & in ea exercerentur. Præterea servis, & iis qui sub aliorum imperio degerent, quietis diem indulgendum censuit; quo aliquam haberent à labore remissionē. Præceptum tamen hoc spiritualis quietis adumbrationē potissimum docet. Neq; fere præceptū ullum est, cujus obedientiā severius exigat Deus, quàm huius. Nam quoties subversam religionē inter Israëlitas significat per suos Prophetas, polluta, violata, & nō custodita sua Sabbathata cōqueritur. Videte ut Sabbathum meū custodiatis, ait Dominus, quia signū est inter me & vos in generationib<sup>9</sup> vestris: ut sciatis quia ego sum Dñs qui sanctifico vos. Custodite Sabbathum meum: Sāctum enim est vobis: Qui polluerit illud, morte morietur, &c. Propterea cū adhuc in deserto essent Israëlita, & inventus esset quidam in die Sabbathi colligēs ligna, adductus est ad Mosē, Ezech. 20. qui Deum consuluit quid de transgressore esset faciendum: ore Dñi responsum est ut moreretur: tractusque extra castra à populo lapidibus obrutus est. Hie. 17 Exo. 31 Nū. 15.

Ex. 23.

præceptum illius fecisset irritum. Neque solùm Hebdomadæ Sabbathum fuit sanctum, sed & septimo anno quiescebant terræ ab omni cultura. Sex annis seminabis terram tuam, & congregabis fruges ejus : Anno autem septimo dimittes eam, & requiescere facies, ut comedant pauperes populi tui: & quicquid reliquum fuerit edant bestiæ agri: Ita facies in vinea, & in oliveto tuo. At cùm præceptum hoc sit ceremoniale, & Christi servatoris nostri adventu ceremoniæ completæ sint, quæ umbræ erant Messia venturi, ad cujus præsentiam oportuit quod umbratile erat finiri, & ipsum corpus, cujus erant umbræ, retineri: Certum tamen est inter Christianos dies statos esse debere ad audiendum verbum Dei; & quibus ad orationes publicas conveniamus: utque servis & operariis aliqua detur à labore requies. Propterea visum est primorum patrum judicio, diem Dominicum substituere Sabbatho, ne Iudaizare viderentur.

BAL-



CAP. XXV.

*BALSASAR REX ASSYRIORVM.* Dan. 3.



*Balsasar Assyriis insternens prandia mensis  
Polluit excelso vasa sacrata Deo.*

*Exitium emergens vesano dextra Tyranno  
Nunciat: & miscet publica festa metu.*





**A**D hoc præceptum reduci possunt rerum sacrarum profanatores, qui rebus Deo & pietati dicatis superbè ac contumeliosè abutùtur: usurpantes sacrilegio ea quę ad cultum divinum collata sunt beneficentia piorum patrũ, qui nostra sæcula præcesserunt. In eodem ordine reponendi quoque sunt, qui indignè beneficia & redditus Ecclesiasticos occupāt: Quisquis ea invadit & possidet, neque debitum pietati reddit officium, is injuriam facit Deo, & iis qui singulari beneficentia ac liberalitate contulerunt necessaria Ecclesię, & iis qui piè & fideliter Ecclesiis præsumunt. Neque hic reclament isti sacrorum occupatores, ea plerumque possideri ab indignis, ab Epicureis, & otiosis vètribus: Tollatur abusus, & possessio cōferatur dignis pastoribus, qui verbo Dei intenti sunt, qui salutē procurāt populi piis cōcionibus, & exhortationibus: quiq; doctrina & vitę probitate sunt aliis exēplo. Prætexere hic frivola, & calumnias, ut avaritię suę satisfaciant, stultū est: Abusus qui a plerisque cōmittitur, ac Simoniaca illa vēditio, quę semper in Ecclesiis reprobata est, non

nō excusat sacrilegiū. Qui benè præsunt gregi, nō solū duplici honore digni sunt, sed omnib⁹ necessariis ad vitā cōservandā. Postquā bonis benè providerit Magistrat⁹, si supersūt plurima, sūt viduę, sunt orphani, sunt pauperes & egeni: multa requiruntur ad horū omnium alimoniam & substētationem. Stipendia solvātur inde Professoribus & doctorib⁹ idoneis, qui circa juventutis institutionem suā collocāt operā: nō solū iis qui tractāt Theologiam, sed qui in re literaria, philosophicis, & alia arte liberali occupati sunt; quibus humana societas conservatur, civitates poliuntur, & respublica floret: His necessariò providendū est, ne ignorantia iudicium hominū offuscet, & barbarā superstitionem pro religione mentibus simplicium infundat, quod hacten⁹ factitatū magno & insanabili piorum dolore vidimus: Nunc autē postquā reformatio ubiq; facta est, & locum mercenariorum occuparunt pii pastores, purioris doctrinę publicatio promulgata est. Invigilēt igitur boni Prīcipes ut hęc restauratio suos habeat progressus: profanosq; sacrorū usurpatores arceāt, pcul. Et meliores in eorum locum substituāt: ne & ipsi in se cōcitent irā Dei, qui sepi⁹ nō patitur impune talia sacrilegia. Fl. Leo 4. Cōstātini Copronymi fili⁹ homo multis inquinat⁹ vitiis, ut malū adderet malo, coronā aureā gēmis preciosissimis ornata, quam Maurici⁹ Imperator Deo cōsecrarat, repugnante Cazara matre rapuit de loco sacro, &

capiti impositam cum insolentia circumtulit per ostentationem, subitoque capiti ejus exarsit antrax pestilens, quo sacrilegus magno dolore extinctus est; pœnasque superbiæ & contemptus Divini subitò dedit. Balsasar Nabucadneferis filius Babyloniorum rex, superbia rerumque felici successu elatus, cōvivium instituit mille Principibus sui regni apparatu quo potuit splendidiore. Interq; pocula vino incalescēs jussit in mediū adferri vasa aurea q̄ antea pater ejus devictis Hierosolymis abstulerat è sanctuario Dei altissimi. Ex iis bibit rex cū uxoribus & concubinis: cūq; ebrius suos Deos extolleret laudibus neglecto summo Deo: apparuit subitò manus tāquam humana quæ parieti hæc inscripsit verba M E N E T E C E L P H E R E S, quibus prophani regis excidium declarabatur & nunciabatur, propter sacrorum profanationem, contemptum Dei, & arrogantiam nimiam: eademque nocte est occisus: & illius regnū à Medis occupatum.



Hono-





CAP. XXVI.

Honora parentes.

*ABSALONIS MORS. Samu.2.*



*Davidem regni spoliat diademate natus,  
Incestu patrios ausus inire toros.  
Sensit paulo post ultoris tela Ioabi,  
Funeustum ramis quando pependit onus.*

Q



**S** V B parentum nomine non solum intelligitur honorem & reverentiam debere iis qui nos genuerunt, sed & Magistratui, Præceptoribus, Dominis, & omnibus iis quos Deus nobis præfecit: Quibus jubemur præstare omnem obedientiam, honorem, & gratitudinē. Et quia hoc præceptum de subjectionē valde repugnat cum humani ingenii pravitate, quod superbia, & celsitudinis appetentia plus æquo semper turgēt; Deus est usus nomine Parentū, quorū superioritas naturā est amabilis, ac minimē invidiosa: quæque facilius animos nostros emollire & inflectere ad submissionis cōsuetudinem potest. Nominatim igitur de Parentum reverentia præcipit, qui nos in hanc vitam transtulerunt; ad quam natura ipsa quodāmodo instituere nos debet. Monstra enim sunt non homines, qui patriā potestatem cōtumelia, vel pertinacia infringunt. Ideo omnes parentibus inmorigeros supplicio mortis affici jubet Dñs, ut beneficio lucis indignos: quòd non cognoscant quorum opera in eā pervenerint. Qui percusserit Patrem suū aut matrem, morte moriatur. Qui maledixerit Patri suo vel

Ex. 21.  
Levit.  
19.

vel matri, moriatur. Vnusquisque Patrem suum & matrem suam timeat. Hic dominus contumeliam & contemptum erga parentes vindicat. Et alibi rebellionem morte puniri jubet, cùm ait. Si genuerit homo contumacem & protervum, qui non audiverit patris & matris imperium, & coactus obedire contempserit, apprehendent eum, & ducent eum ad seniores civitatis, dicentque: Filius hic noster protervus est & contumax; monita nostra audire contemnit, & commensationibus vacat & luxuria: Lapidibus illum obruet populus civitatis, & morietur: ut auferatis malum de medio vestri, & universus Israël audiens pertimescat. Idem docet Mattheus: ubi Christus reprehendit Iudeos: Cùm scriptum sit, Honora Parentes, vos autem dicitis: Quicumque dixerit Patri vel Matri, Munus quodcumque est ex me tibi proderit: & non honorificabit patrem suum, aut matrem suam: Irritum fecistis mandatum Domini propter traditionem vestram. Idem quoque scribit Marcus, & Ecclesiasticus: ubi multis verbis commendatur honos & reverentia, quæ parentibus debetur. Et Paulus ad Ephesios, Filii, obedite parentibus vestris in Domino: hoc enim justum est. Honora patrem tuum & matrem tuam: quod est mandatum primum in promissione, ut bene sit tibi: & sis longævus super terram: Et, Filii, obedite parentibus per omnia; hoc enim placitum est in Domino. Scriptura

*Levit.*  
20.*Deut.*  
21.*Matt.*  
15.*Mar. 7*  
*Eccl. 3.**Eph. 6.**Col. 3.*



sacra plena est ubique testimoniis, quibus jubemur honorare, revereri, & benefacere parētibus.  
*Sam. 2.* Absalo Davidis filius ignominiosa morte periit, quòd patri non solùm esset immorigerus, sed etiam quòd incestu polluisset patris thalamos, & illum regno conatus sit extrudere. Portentum in natura est & mōstrum, esse aliquem humana specie & figura, qui tantùm immanitate bestias vice-rit, ut propter quos hanc suavissimam lucem aspexerit, eis officium debitum deneget, offendat,  
*Pro. 19* & lædat: Cùm feras inter se partus & educatio & ipsa natura conciliet. Audi patrem tuum, qui genuit te, & ne contemnas eum cùm senuerit. *Pro. 20* Qui affligit patrem suum, & fugit matrem, ignominiosus erit, inquit Salomon, & infelix.



CHAM



CAP. XXVII.

CHAM PATREM NOAM IRRIDET. Gen. 9.



*Musta racemiferis expressit Ianus ab uvis:  
Ebrius est nato pompa pudenda suo.  
Culpa levis poterat multis fortasse videri:  
Quàm gravis hoc tamen est pœna secuta scelus!*



**P**ARENTEs charissimos habere debemus, quòd ab iis vita, patrimoniũ, libertas, civitas data est. Magnam vim, magnã necessitatẽ possidere debet paternus maternusq; sanguis: quibus à Deo secundum honorem præstare oportet: nisi ipsi Deo contrarii, ac naturę rebelles velimus videri. Tantũ valet hæc cõmunio sanguinis, ut cujusmodicunque sit pater vel mater, tamen in iudicio, filii de turpitudine parẽtum dicere neutiquam debent. Neque solũ reticere homines parentum injurias, sed etiam æquo animo eas ferre & dissimulare necesse sit: nisi impii velint judicari, & ab omni humanitate alieni. Peccatum est horrendum sacrosanctum violare nomen Parentum. Est non scripta solũ, sed nata Lex, quam ex ipsa Natura arripuimus, hausimus, expressimus, ad quam facti sumus & imbuti, jure divino humanoque instituti, ut pro conservatione eorum, qui nos genuerunt, omnem operam & studium impendamus. Huc referendæ sunt nostrę omnes cogitationes, ut eorũ obsequio, honorique, commodis & utilitatibus serviamus, à quibus sumus procreati. Qui nos ita  
 ama-



amarunt, ut in nostra educatione & institutione omnem diligentiam & indulgentiam consumpserint. Proprium igitur munus liberorum est parentes colere, amare, & omni officio prosequi: eorum dignitatem & decus sustinere, & ab iis omnem injuriam propulsare. Laudandus is est merito, qui in Patres ita affectus est, ut se iis totum dare, in eos sua omnia ponere & consecrare officia videatur. Filius sapiens latificat Patrem: & stultus homo despiciat matrem suam. *Qui honorat patrem suum, jucundabitur à filiis: & in die orationis suæ exaudietur. Sicut qui thesaurizat, ita & qui honorificat matrem suam. Qui honorat patrem suum, vita vivet longiore. Qui timet Dñm, honorat Parentes: & quasi dominis serviet iis, à quibus genitus est. In opere & sermone, & omni patientia honora patrem tuum, ut superveniat tibi benedictio à Deo: & benedictio illi in novissimo manet. Benedictio Patris firmat domum filiorum: maledictio autem matris eradicat fundamenta. Honora patrem tuum; & gemitus matris tuæ ne obliviscaris: Memeto quoniam non fuisses natus, nisi per illos. Retribue illis, quomodo & illi tibi. Monstrum in natura est qui patrem curam excutit, & illis debitum officium, & reverentiam pernegat: Quique injuriam infert iis, pro quibus ipsam vitam, si necesse sit, deberet impandere. Qui maledicit patri suo & matri suæ, extinguetur lumen ejus in medio tenebrarum. Oculum, qui*

*Pro. 15.*  
*Ecc. 3.*  
*Pro. 20*

*Pro. 30* despicit patrem, & contemnit partum matris sue,  
 effodient eum corvi de torrentibus, & comedent  
 eum filii aquilæ. Ne glorieris in cõtumelia patris  
*Eccl. 3.* tui: non enim est tibi gloria, sed confusio. Gloria  
 hominis ex honore patris sui: & dedecus filii pa-  
 ter sine honore. Fili suscipe senectam patris tui: &  
 non contristes eum in omni vita illius: Et si defe-  
 cerit sensu, da veniam: Ne spernas eum in virtute  
 tua. Quàm malè famè est, qui derelinquit patrem:  
 & maledictus est à Deo, qui exasperat matrem  
*Gen. 9.* suam. Cham protervus & petulans Noë filius pa-  
 trem vino sopitum, quod ab uvis recenter expres-  
 sum biberat largiùs, cùm decumberet indecen-  
 tiùs, discopertis pudendis, subsannavit & irrisit:  
 ejus fratres Sem & Iaphet aversa facie patrem te-  
 xerunt: ideo hi benedictionem patris obtinue-  
 runt, ille maledictionem sibi ac toti posteritati  
 acquisivit sua impietate: cui accessit & detestanda  
 incantatio, qua patris virilia contrectando  
 sterilia in posterum reddidisse  
 tradit Berosus.



*ATOS-*



CAP. XXVIII.

*ATOSSA AB ASSVERO REIECTA.*



*Assuerus Persis celebrat convivium: coniux*

*Regia contemnit non benè sana virum.*

*Tantus regali fastus privatur honore:*

*Reiecta que subit mitis Hedissa locum.*

*R.*





**I**N bonis hujus vitæ, locum non secundū obtinet conjugium tranquillum: quod cōtigit illi, quem Deus beavit, & cui benè prospexit. At in hac vocatione cavendum est *Gen. 3.* sūmopere, ne vir potestate, quā illi summus Creator detulit, abutatur superbia, immanitate, fastu, aut morositate. Mulierem, quæ est natura imbecillior, cujus affectus magis incōpositi, prudentia minor, ita sublevet, defectus dissimulet, & toleret patienter, ne illius exacerbet animum, & ab officio divertat. Nihil est laudabili⁹, nihil magno & præclaro viro dignius placabilitate & clemētia: Quæ ita probanda est, ut non solū in reipublicę gubernatione, sed etiam in administratione rei domesticæ adhibeatur. Vxor viri difficultate & morositate exacerbata, nec maritum amabit, nec cōmunium librorū curā geret, nec q̄ ad familiæ utilitatem spectāt procurabit. Si virum redamet, secundas res splendidiore faciet, & adversas cōsolatione opportuna mitigabit: nec afflicto animum debilitari, aut cadere victum dolore patietur. Quisquis probā & frugi contemplatur uxorem, tanquam aliquod exemplar intuetur sui. Nā in hac conjugali amicitia omnia in sunt quæ putant

tant homines expetenda: honestas, gloria, tranquillitas animi, atque jucunditas: ut cùm hæc adsint, vita beata sit, & sine iis esse non possit. Diligi, certè, & charum esse jucundum est: nam id vitam tutiorem, & voluptatem efficit plenior. Sine uxoris benevolentia, neq; in secundis rebus, neque in adversis quisquam vivere potest. Quibus in rebus ipsi interesse non possumus, in his opere nostræ vicaria fides uxoris aptè supponitur. Quæ qui lædit, oppugnat cõmune omnium præfidiũ, & quantum in ipso est disturbat hominum societatem: nõ enim possumus per nos omnia agere. Ideo Deus optimus maximus, postquam creasset hominem, vidissetque non esse bonum illum esse solum, fecit illi adjutoriũ, nempe mulierem, quam de costa formavit Adami: quæ est caro de carne, & os de ossibus viri. Ex hac creatione inducimur natura, præter præceptũ divinum, quod severissimè jubet, ut reciproca benevolentia vir uxorem, & uxor maritum diligat, & commune utriusque commodum & necessaria mutuis officiis gubernent. Omnium societatum nulla præstatio est, nulla firmior, nulla suavior, quàm quæ à Deo patre charitatis stabilità est à principio, inter virum & cõjugem: in quibus eadem sunt semper studia, eedem voluntates; & in his sit ut æquè quisque altero delectetur ac seipso, fiatq; unus ex duobus. Mulieris bonæ beatus vir: Numerº illorũ *Gen. 2. Eccl. 23*

duplex. Mulier fortis oblectat virum suum, & annos vitæ illius in pace implebit. Pars bona mulier bona; in parte timentium Deū dabitur viro pro factis bonis. At cū mulier creata sit propter virum, non vir propter mulierem, ideo jubetur viro ut suo subdita sit, illi obtemperet, & morem  
 I. Co. II gerat. Nam ut Christus omnes viri caput est, ita vir mulieris est caput. Quæ ordinem à Deo stabilitum pervertit contumacia & inobedientia, ordinationi divinæ resistit, & ab officio recedit. Atossa, quæ Vasthi dicitur in scripturis, licet Cyri filia illustri nobilitate, & sanguine regio nata, cū ab Assuero marito jubetur venire in cœnaculum (in quo Rex celebre convivium instituerat Persis Principibus) ut à convivis videretur: dū viri imperio superbè recusat parère, meritò sententia omnium rejecta est, & illius locum occupavit Hedissa Mardochei neptis quæ est Esther.



IOBI





CAP. XXIX.

*IOBI VXOR, ET TOBIÆ. Iob.2.Tob.2.*



*Importuna viro res est temeraria coniux :  
Qua nihil in vita tristius esse potest.  
Anna suum probris cruciat morosa Tobiam:  
Atque uxor Iobo est impietate gravis.*

R 3



**Q**UIA Deo omnipotenti suæ dispositionis conservatio cordi est; ideo jussit ordinatos ab ipso eminētię grad<sup>o</sup> inter nos inviolabiles permanere. Statutū igitur esse inter homines debet, si Dei mandatis se voluntariē cupiant submittere, ut suscipiant & colant eos quos Deus illis præfecit. Ad quod præceptum referri debet mutua observantia, quam uxor marito jubetur tribuere; & amor mariti erga uxorem. Idē Deus qui præcipit: *Vxores viris sui subditæ sint*  
*Eph. 5.* sicut domino: quoniā vir caput est mulieris, sicut Christus caput est Ecclesiæ, ipse servator corporis ejus. Et sicut Ecclesia subiecta est Christo, ita & mulieres viris suis in omnibus obtemperent. Subjicit statim Paulus. Viri diligite uxores vestras, sicut & Christus dilexit Ecclesiā, & seipsum tradidit pro ea. Et multa in hūc sensum ab Apostolo adjecta sunt. Viri diligāt uxores suas ut corpora sua: Qui suam uxorem diligit, seipsum diligit. Nemo unquam carnem suā odio habuit; sed nutrit & fovet eā, sicut Christus Ecclesiam: quia  
*Gen. 2.* membra sumus corporis ejus, & ossa de ossibus ejus. Propter hoc relinquet homo patrem & matrem

trem suam, & adhærebit uxori suæ; & erunt duo *Colo. 3.*  
in carne una. Et alibi idem Apostolus, Mulieres,  
subditæ estote viris, sicut oportet in domino. Vi-  
ri, diligite uxores vestras, & nolite amari esse ad- *1. Pet. 3*  
versus illas. Et Petrus, Mulieres subditæ sint viris  
suis: ut si qui non credunt verbo, per mulierum  
conversationē sine verbo lucrifiant; cōsiderātes  
in timore cōversationē vestrā. Sicut Sara obedie- *Matt.*  
bat Abrahæ, dominū eum vocans. Et Mattheus, *19.*  
Propter hoc dimittet homo patrem & matrem,  
& adherebit uxori suæ: & erunt duo in carne una.  
Itaque jam non sunt duo, sed una caro. Quod er-  
go Deus conjunxit, homo non separet. Nulla un-  
quam fuerunt sæcula, quibus hoc non fuerit usi-  
tatum, & jure divino humanoq; statutum ut mu-  
lieres maritis suis amorem & reverētiā tanquā  
superiori potestati pręstarent. Imo plurimas ma-  
tronas olim legimus tanto affectu fuisse prosecu-  
tas viros suos, ut mori maluerint, quā fidem il-  
lis semel obligatam ulla in re violarent, aut in-  
fringerent. Inter quas Artemisia Halicarnassi re-  
gina Mausoli regis Cariæ uxor, marito mortuo  
noluit supervivere. Hypsicrattæ Mithradatem  
maritum regem Ponti à Pompeio magno ex-  
pulsus regno, veste Persica induta, & in habi-  
tum virilem formata, animo pariter ac corpore  
indefessa in exilium per efferas gentes usque ad  
Bactrianos secuta est. Eyadne in rogam, quo



Capanei viri sui corpus ad Thebas ictu fulminis extincti cremabatur, sese præcipitem dedit. Panthea Abradata Susienorum regis uxor, conjugæ cæsum morte socia cõplecti maluit, quàm à Cyro victore & benevolo servari & honorari. Arria, Pæti mariti suppliciũ ne videret sese gladio trãverberavit. Infinita ejusmodi exempla in historiis legimus, quæ licet Christianam pietatem nõ referant, ex iis tamen animadvertimus singularem amicitiam, affectum, & reverentiam, qua mulieres generosiores maritos sunt profecutę. At inter malas fæminas scriptura sacra nobis duas proponit, quæ morositate & acerbitate animorum magnũ sibi dedecus apud posteritatem comparaverunt. Quarum una recitatur Anna, quæ Tobię cæcitatem & hypocrisin amarulenter exprobat, quòd vir pius uxorem rogaret ne furtum adferret in domum suam. Altera fuit uxor Iobi, quæ marito afflicto insultans, illum hortabatur ad cultum deorum peregrinorum, relicto vero Deo.

ROSE-




CAP. XXX.

ROSEMUNDA VXOR ALBOINI.



*Vt bibit è cranio cæsi Rosemunda parentis,  
Immane ulta viri est sanguinolenta scelus.  
Auctoris cædis nubit: cui mixta veneno  
Vina dat: Et pœnas mox peritura luit.*

S



**N** I H I L est quod magis labefectet, imo prorsus corrumpat & evertat humanam societatem, quàm neglectum officium. Qui cæteris à Deo præpositi sunt, caveant ne per fastum & superbiam peccent, & eos injurii contemnant, quos ope, consilio, benevolentiaq; debent conservare. Rarò tamen cõtigit hominem evertum ad sublimiorem dignitatis gradum nõ inolescere. Vt plurimùm fere sui omnes obliviscuntur: neglectoque jure & modestia patiuntur se huc & illuc per omnẽ licẽtiam præcipites rapi: dũ exardescunt mali affectus superbiæ, indignationis, iræ, insolentiæ, avaritiæ, aut libidinis. Quæ monstra erroribus implicant animum, aciem oculorum mentis ac judicium fascinant & obtundunt. Difficilè est ejusmodi vitiis occupatos sese continere intra modestiæ terminos. Pauci hanc sententiã re vera exsequuntur. *Plus liceat quã libeat.* Fere omnibus quod licet libet, imo plus multo libet quàm licet. At cùm in omni statu & conditione vitæ peccetur gravissimè à multis. Ex hac potissimùm officii desertione multa mala emergunt & excitantur in conjugio: In quo nisi viri sese gerant prudẽter, nisi suas uxores redamẽt, nisi multa tolerant & paciẽter ferant in hoc imbecil-




lo & fragili sexu, facilè contaminatur & dissolvitur sacrosanctum hoc vinculum, quod Deus indissolubile statuit, cùm ex duobus corporibus unum effici præceperit communione, & conjunctione corporis & animi. Ne igitur superbè sua autoritate abutantur mariti: sed sciãt ejusdem juris participes esse uxores: subjectas quidem viro tanquam capiti, sed non servili subjectione: eas qua fieri potest benevolentia complexi blandè moneant, non amarè, neque per cõtemptum vel ludibrium reprehendant; ne irritatæ debitũ mãritis officium deserant, & earum amor in odium implacabile rabiemque convertatur, seraque facti pœnitentia morbo insanabili frustra medelã quærant. Alboinus Lõgobardorum rex, postquã Cunimundum regem Gepidarum bello superasset, ejusque regnum pręda & incendio depopulatus esset, abducta Rosemunda ejus filia: Captivũ regem truncavit capite, & ex ejus cranio curavit sibi pateram efformari, in qua per triũphum biberet. Factumque est ut sua sorte non contentus trãjecerit ex Pannonia in Italiam: eamque totam planiciem quę est ad Padum devictis Italis occupaverit: & sibi regiam stabilivit Ticini, quam Papiam dicimus. Cumque Veronæ solemne cõvivium cum Principibus regni instituisset vicissim omnibus ex Gepidę regis cranio propinavit, multa insolenter efficiens in victi ludibriũ præsentē

etiã Rosemunda quã tunc uxore duxerat ppter  
 insignes corporis animiq; dotes, eam etiã adegit  
 ex eadã patera cū ceteris bibere. Hac immanitate  
 exulcerata & irritata mulier, marito mortẽ ꝑcu-  
 ravit; primò per Helmelschildẽ nobile ac strenuũ  
 juvenẽ: qui cūm parricidiũ recusasset ad Peredeũ  
 æquitẽ nobile se convertit; is quoq; parricidii ne-  
 gotiũ nõ accepit. Rosemunda ut aggressũ facinus  
 exqueretur, Peredeo se clã prostituit: qui rem se  
 habere cum alia puella crediderat. Cui mulier  
 exclamans inquit, aut Alboinũ occides, aut ab eo  
 trucidaberis adulter. Perede<sup>9</sup> cūm sibi perniciẽ vi-  
 deret paratã nisi obsequeretur, cū Helmelschilde  
 & regina Regẽ aggressi illũ occidunt pomeridia-  
 no somno vacantẽ, sublatifq; thesauris regiis, &  
 abducta secũ Alvisindi filia Alboini ex priore u-  
 xore Ravennã fugiũt ad Lõginũ, qui Italiã præfe-  
 ctus erat à Tiberio filio Cõstãtini Imperatoris: At  
 Lõginus amore Rosemũde capt<sup>9</sup>, illi persuasit ut  
 Helmelschilde sublato simul cõtraherent matri-  
 moniũ: Quod mulier q̃ dominatũ ambibat faciliẽ  
 ꝑmisit: Porrectoq; marito in potu veneno à bal-  
 neo redeunti, cūm sensisset veneficiũ, exerto  
 gladio mulierem adegit, ut quod de potionẽ su-  
 pererat biberet: Ita mortuus est uterque merito  
 exitio: Longinus verò Alvisindem puellam, cum  
 thesauris regiis trãsmisit Cõstantinopolim, & cū  
 ea Peredeũ, quẽ prius effosis oculis visu privavit,  
 ut luce indignũ, qui regẽ & dñm suũ trucidasset.

CAP. XXXI.

*MARIA MOSIS SOROR LEPROSA. N<sup>o</sup>. 12.*



*Stulta soror Mosem dictis proscindit amaris,  
Æthiopis thalamos turpiter obiciens.  
Sed Deus insanæ lepra convitia linguæ  
Sedat: fraterna est quæ medicata prece.*





**D**E u s omnes homines potestati sublimiori subiectos esse voluit. Reges, Principes, & Magistratus à Deo ordinatos nemo est tam perfrictæ frontis qui audeat negare, quibus aliquam honoris participationem secum communicat. Omnis anima potestatibus sublimioribus subdita sit, inquit Paulus: Nō enim est potestas nisi à Deo. Quæ autem sunt, à Deo ordinatæ sunt. Itaque qui resistit potestati, Dei ordinationi resistit. Qui autem resistunt, ipsi sibi dānationem acquirunt. Principes enim non sunt timori boni operis, sed mali: vis non timere potestatem? fac bonum, & habebis laudem ex illa: Dei enim minister est tibi in bonum. Si autē malum feceris, time. Nō enim sine causa gestat gladium. Dei minister est vindex in iram ei qui malum agit. Itaque necessitati subditi estote; non solum propter iram, sed etiam propter conscientiam. Ministri Dei sunt, in hoc ipsum servientes. Idem quoque jubemur prestare Domini Iesu imperio: Nam cum interrogaretur à Phariseis, an Cæsari tributum esset pendendum: Reddite, ait, quæ sūt Cæsaris Cæsari, & quæ sunt Dei Deo. Quod & Paulus

Rom. 13

Matt.  
22.

Paulus præcipit: Reddite omnibus debita: cui tributū tributū: cui vectigal vectigal; cui timorē timorem: cui honorē honorem. Et Petrus, Subjecti estote omni humane creaturæ propter Deum: si ve regi, tanquam præcellenti: si ve Ducibus, tanquam ab eo missis, ad vindictam malefactorum, laudē verò bonorum. Quia sic est voluntas Dei, ut benè facientes obmutescerē faciatis imprudentiam ignorantium. Et Paulus ad Timotheum scribēs, jubet ut publicè fiant preces pro regibus. Obsecro primū omnium fieri obsecrationes, orationes, postulationes, gratiarum actiones, pro omnibus hominibus, pro regibus, & pro omnib⁹ qui in sublimitate cōstituti sunt: ut quietā & tranquillā vitā agamus in omni pietate & castitate. Hoc enī bonum est, & acceptum, corā servatore Deo nrō. & alibi, Admone illos Prīcipibus & potestatibus subditos esse, dicto obedire, ad omne op⁹ bonum paratos esse. Et De⁹ vetuit, nequid sinistri de magistratu sentiamus, aut dicam⁹. Diis nō detrahes, inquit (ita iudices & Magistratus sæpe appellat scriptura, propter imperium quod illis Deus in subditos homines communicat, tanquam suæ potentiæ vicarios) & Principi populi tui nō maledices. Sicut rugitus leonis, ita terror regis, Qui provocat eum, peccat in animam suam. Mosē Dñs constituerat super Israēlitas Ducē & Principem, per quem educerentur de iugo servitutis

Rō. 13.

1. Pe. 2.

1. Tī. 2

Titi. 3.

Exo. 22

Pro. 30

Ægyptiorum, quod miseri ferre non poterant. Illius autem dominatum, licet mitem & tolerabilem, plurimi de populo ferre diu nō potuerunt licet nihil faceret sine Dei expresso mādato. Quo tidie tamen, ut mens hominum rebellis est & cōtumax, multi murmurabant, & franum excutiebant: qua re irritatus Deus sapius in seditiosos gravibus exarsit suppliciis. Inter eos Maria ipsa & Aaron, fratris Moſis auctoritatem per contemptum minuentes, illi exprobarunt nuptias quas contraxerat cum Madianita muliere, quam ob colorem Æthiopissam vocabant. Deus autem iratus dixit: Servus meus Moſes in omni domo mea fidelissimus est. Ore enim ad os loquitur illi Dominus: Palam & non per anigmata, & figuras  
 N<sup>o</sup>. 12. videt Dominum. Quare ergo non timuistis, detrahere illi: Propterea lepra percussa est Maria: à qua postea Moſis interceſſione apud Deum sanata est.

AMON





CAP. XXXII.

AMON A SVIS CÆSVS. 2.Paral.33.



*Audent in dominum scelerati insurgere servi, &  
Sanguine sacrilegas contemerare manus.  
Supplicio fontes populus puniuit acerbo:  
Et Iosiam patrio restituit solio.*

T



MAGISTRATIBUS opus est sine quorū providentia & diligentia civitas in integrum conservari non potest: nam horum descriptione & prudētia omnis Reipublicæ moderatio cōtinetur. Rex enim, qui benè imperat, secundo post Deum (cujus personam gerit) honore dignus est. Is & populos regit, stabilit Leges, pietatem promovet, castigat improbos, tuetur bonos, laudat claros viros, hortatur ad decus, revocat à flagitio, consolatur afflictos: Datque omnem operam, ut juris ac judiciorū æquitate suum quisque teneat: ut neque tenuiores propter imbecillitatem circumveniantur, neque locupletibus ad sua vel tuenda, vel recuperanda obsit invidia. Neq; solūm videt quid agatur, verū etiam providet quid futurum sit: studetque quātum fieri potest, civium commoda defendere, non divellere, atque omnes æquitate eadem continere: suamque salutem posteriorem salute communi ducere: quę omnia ad boni Principis officium pertinent: Qui ut tutelam multorum gerit, sic procurat ut omnia ad utili-

utilitatem eorum qui illi cōmissi sunt benè succedant. Quicunq; summi hujus Magistratus auctoritatem, honorem, & reverentiam violat, impius est: Deique irritat iram ac judicium. In cogitatione tua Regi ne detrahas: & in secreto cubili tuo ne maledixeris diviti. Time Deum, fili mi, & Regem. Imo qualiscunque Princeps aut Magistratus sit, illi parere & obtemperare jubemur, dummodo nihil contra pietatem, conscientiam, vel Dei mandata jubeat. Nam Deus in omnibus primus est audiendus: cui timor & obedientia præstanda est: Timere enim nos præcipit eum qui potestatem habet perdere corpus & animam simul, non eos qui tantum possunt tyrannidem exercere in hanc vitam. Sæpe cōtingit ut propter nostra peccata Deus nobis præficiat tyrannos, crudeles, avaros, effœminatos, aut stultos. In manu Dei cor Regis est. Malos ita compellat Salomon. Audite Reges, discite judices finium terræ: Præbete aures, vos qui continetis multitudines, & placetis vobis in turbis nationum: Quoniam data est vobis à Dño potestas, & virtus ab Altissimo, qui interrogabit opera vestra, & cogitationes scrutabitur. Quoniam cū essetis ministri regni illius, non rectè judicastis: non custodivistis Legem justitię, neque secundum voluntatem Dei ambulastis. Horrendè & citò apparebit vobis: quoniam judicium durissimū in iis qui præ-

*Ecccl. 9.**Pro. 24**Sap. 6.*



sunt fiet. Exiguo conceditur misericordia, potē-  
 tes autem potenter patientur. Non enim subtra-  
 het personam cuiusquam Deus, qui est omnium  
 dominator; nec verebitur magnitudinem cuius-  
 quam. Pusillum & magnum ipse fecit, & æqua est  
 ei cura de omnibus. Fortibus autē fortior instat  
 cruciatio. Hæc cum nobis in mentem veniūt, vō-  
 luntati Divinæ nos ultro submittemus; jugū cœ-  
 litus nobis impositum patienter ferentes; cum  
 sciāmus id Deo placere: neque permittet inultā  
 malorum tyrannidem & violentiam: in quos ta-  
 men insurgere nemini permittit, neque in eos cō-  
 spirare, quantumvis difficiles & morosi videan-  
 tur. Dum in Ammonem regem Iuda domesticici  
 conspirant, illiq; manus inferunt & interficiunt,  
 impietatis & parricidii meritas luūt pœnas; dum  
 à populo excarnificantur: Non enim vult Deus  
 auctoritatem magistratus à subditis contemni,  
 multo minùs violari & infringi: quacūque ad id

2. Par.  
33.

impelli possint occasione, aut causa. nō

CO RE



at

CAP. XXXIII.

## CORE, DATAN, ET ABYRON.



Imperium Moſis detractat. Iſaare natus;  
 Cumque ſuo inſultans fratre Abyrone Datan.  
 Protinus abſorpti vaſto telluris hiatu  
 Supplicium irato ſuſtinuere Deo.

T. 3



D hoc præceptum meritò referri debent ii, quorum ministerio De<sup>9</sup> instruit populum suum. Et qui fideliter mun<sup>9</sup> adsignatū exequuntur, ii duplici honore digni sunt.

Quod enim populo audienti proponunt, nō ex seipsis, sed ex Dei verbo proponūt. Propterea voluit Deus severè de iis supplicium sumi, qui sacerdotibus Ecclesiæ rebelles essent, & immori-

*Deut.*  
17.

geri. Qui superbiverit, nolens obedire sacerdotis imperio, qui eo tēpore ministrat Domino Deo, ex decreto iudicis morietur ille, & auferes malum de Israël: cunctusque populus audiens timebit, & nullus deinceps intumescet superbia. Cū

*Exo.* 16

Israëlitæ murmurarent contra Moysen & Aarōnem, illisque exprobrarent quòd ab iis educti essent ex Ægypto, ut fame enecarentur in deserto.

Non contra nos, responderunt, est murmur vestrum, sed contra Deum. Et Paulus loquens de iis

*1. Co.* 4.

qui præsunt institutioni populi, & prædicationi Evangelii, inquit. Sic nos existimet homo, ut ministros Christi, & dispensatores ministeriorum

*Tbc.* 4

Dei. Et alibi, de doctrina loquens quam proponebat.



nebat. Qui hac spernit, non hominem spernit, sed Deum, qui etiam dedit spiritum suum in vobis. Apostoli dicuntur in Evangelio Sal terræ, & *Mat. 4*  
Lux mûdi nam his titulis illos Dñs Iesus insignit. *Luc. 10*  
Qui vos audit me audit, & q̄ vos spernit me spernit: Qui autē me spernit spernit eum q̄ misit me. *10. 13. Mat.*  
Quicūq; nō receperit vos, neque audiverit sermones vestros, exeuntes foras de domo vel civitate, excutite pulverem de pedibus vestris. Amen *10. Mar. 6.*  
dico vobis; tolerabilius erit terræ Sodomorum & Gomorræorum in die iudicii, quàm illi civitati. Neq; eos tantum debemus honorare, qui fideliter præsunt Ecclesiæ, sed etiam eis providere de omnib⁹ necessariis. Propterea voluit Deus Levitis decimas solvi quotannis, & oblationum sacrificiorumque partes tribui in eorum alimoniam, ut servitio Dei vacarent liberiùs; & sacra tractarent attentius nullis aliis occupationibus impliciti. Æquum est eos, qui doctrinam Evangelii annunciant, & populum docent quæ ad eorum pertinent salutem, aliquo gratitudinis officio juvari. Quis militat suis impendiis? inquit Paulus. *Cor. 9.*  
Quis plantat vineam, & de fructu ejus non edit? Si nos vobis spiritualia seminamus, magnum est, si nos vestra carnalia metimus? Ita Dominus ordinavit, eo qui Evangelium annunciant, de Evangelio vivere. Neque hic morosi homines hæreant, prætexantque suæ ingratitude vitia,

quæ plerunque videntur in Præfectis Ecclesiæ, ut  
 propter hæc alienentur ab officio. Doctrina est  
 quæ commendatur: & personæ honorantur pro-  
 pter ministerium ad quod electi sunt. Super ca-  
 thedram Moſis ſederunt Scribæ & Pharifæi: Om-  
 nia quæcunque dixerint vobis facite, opera verò  
 illorum nolite facere. Qui benè præſunt Præſbi-  
 teri, duplici honore digni habeantur: maximè  
 qui laborant in verbo & doctrina. Qui autem il-  
 los contempſerit, non dubium eſt quin Deum  
 graviter offendant, & ſibi iudicium theſaurizent.  
 Oppoſuerunt ſeſe Moſi Coré, Datan, & Abyron,  
 cum ducentis & quinquaginta viris Iſraëlitis: qui  
 eorū Præfecturam à Deo adſignatam rejicien-  
 tes, in ſacerdotium ſeſe ingerere conati ſunt, mul-  
 tis contumeliis in Moſem & Aaronem cōgeſtis:  
 quibus irritatus Dñs rebelles & contemptores  
 terræ hiati abſorptos perdidit, reliquos flammis  
 conſumpſit. Ut exemplo eſſent cæteris ac poſte-  
 ritati eorum, ne in tantam impietatem & in-  
 gratitudinem erga ſervos Domi-  
 ni laberentur.

ASA



CAP. XXXIII.

ASA, ET ANANI PROPHETA. 2. Par. 16.



*Pulchrum est expulsa fregisse idola Maacha:  
Desere cum sociis fœdera facta Syris.  
Carcere nec claudi innocuum patiare Prophetam;  
Qui mandata alti te docet, Asa, Dei.*

V





**I** N T E R eos qui populo præfunt, excellens munus à Deo tributum est sacerdotibus, & Ministris Ecclesie, qui verbū Dei fideliter exponunt & docent. Quibus qui resistit, Deo resistit, & sibi condemnationem acquirit. Constituti enim sunt à Deo, ut prædicatione Evangelii doceatur populus, & adducatur ad cognitionem Dei, & suæ salutis, quæ est in Christo servatore nostro. Hos qui non audit, nō audit eum qui misit eos: & rei fiunt suæ perditionis: ut ait Dominus. Remissiùs erit Sodomæis in die iudicii, quàm iis qui Dei verbū annunciantes rejecerint. Quàm speciosi nobis igitur esse debēt  
*Lu. 20.* pedes evangelizantium pacem? In tota anima tua time Deum, & sacerdotes illius sanctifica. Honora Deum ex tota anima tua, & sacerdotes illius. Da illis partem, sicut mandatum est tibi, primitiarum, & purgationis: idem quoque mandat  
*Ecd. 7.* Paulus. Communicet is qui catechizatur verbo, ei qui se catechizat in omnibus bonis: Sunt enim Legati Domini, quibus commissi sunt thesauri gratiæ, quam obtinemus fide per Christum. Fides ex auditu: auditus per verbum Christi: Omnis  
nis

nis qui invocaverit nomen Dei, salvus erit. Quo- Rō. 10.  
modo invocabunt eum, in quem non credide-  
runt? & quomodo credent ei, quem non audive-  
runt? Quomodo autem audient sine prædican-  
te? Quomodo prædicabunt, nisi mittantur? Or-  
do enim qui à Deo constitutus est in administra-  
tione suæ Ecclesiæ servandus est sanctè: & obser-  
vandi cum reverentia ii, qui ad hanc curam vo-  
cati sunt: neque violandi rebellione, cōtumacia,  
aut ingratitudine qui nobis sunt præpositi. Dei  
enim ministri sunt: Vnicuique tribuēdum quod  
debetur: sive propheta, sive doctor, sive linguarū  
sit interpres: Gratia diversæ diversis tribuuntur,  
prout expedit ad ædificationem Ecclesiæ pro-  
movendam. Gratia multiplex est in Eccle- 1. Co. 12.  
sia: In qua posuit Deus quosdam Apostolos,  
Prophetas, doctores, virtutes, gratias curationū,  
opitulationes, gubernationes, genera linguarum,  
& interpretes. Vnicuique data est gratia secun-  
dum mensuram donationis Christi. Tota Eccle-  
sia, Christi est corpus: & in uno corpore omnia Rō. 12.  
membra non habent eundem actum: ita multi u-  
num corpus sumus in Christo: singuli autem al-  
terius membra: habentes donationes secundum  
gratiā quæ data est singulis, secundū rationem fi-  
dei, &c. Utque Gratiæ dona differunt, ita & honos  
unicuique tribuendus est pro dignitate: unicuiq;  
providendum pro necessitate: Neque ulla pars

officii in bonos pastores deferenda est: mancū enim nostrum esset studium, si eos honoremus verbis, quorum indigentia non subveniamus: & si in uno ferventes, in alio remissi aut planè frigidī cognoscāmur. Rem præclaram gessit Asa rex Iuda, quòd idola gentium confregit, lucos succiderit: quòd matrem suam Maacham (quæ turpissimis Priapi sacris inītiata Principē mysteriorum Dei obscœni se cōstituisse) à regni submovisset administratione. Peccavit gravissimè cūm  
 2. Par. 16. Prophetam Anani monentem ut societate cum Benadad Syriæ regem defereret, Dei ministrum contumeliis affectum in vincula protrusit: Ea enim est cordis humani superbia, ut ad reprehensionem facilè intumescat, insurgatque fastuose in eos, quorum munus est arguere peccata delinquentium: Et iram Dei in contumaces & rebelles annunciare: Factumque est ut Asa dolore pedum acerbissimo vexatus mortuus sit.

166

S E N E-





CAP. XXXV.

SENECÆ MORS.



*Roma hilarem vidit materna cade Neronem:*

*Et patriæ immixtis tecta cremata rogis.*

*Sed magis obstupuit, Senecæ dum fata Magistræ*

*Crudeli est ausus sollicitare manu.*

V 3



**N** V L L U M munus ad Reipublicę utilitatem præstantius, aut laudabilius conferre potest vir bonus, vel magis necessariũ, post institutionem populi & ministerium Evangelii, quàm si doceat, atque erudiat juventutem: iis potissimũ moribus, atq; artibus, quibus politur vita humana, excitatur pietas, & ad societate generis humani maximè sunt accommodati. Nemo est liberaliter educatus, cui non educatores, cui non magistri sui, atque doctores cum grata recordatione in mente versari semper debeant. Et cum vita omnis sine literis & eruditione mors sit, & hominis sepultura: ii, certè, quorum opera instruimur & erudimur, colendi meritò nobis sunt. Multum enim præstant beneficiorum civitati benè ordinatæ Præceptores docti & diligentes, quique munus suum fideliter & cum vigilãtia solertiaque exequuntur. Nemo egregius civis fieri potest, qui non sit in bonis disciplinis institutus. At cum omnes in id studium incumbere debeant, ut patriæ prosint quantum fieri potest: ii præ cæteris maximè commendandi sunt, quorum ingenio atque opera publica promove-  
tur

tur utilitas: ut sunt ludimagistri & scholarum re-  
ctores, qui juventutem moderantur. Quòd si cõ-  
tentio, & comparatio fiat, quibus plurimùm tri-  
buendum sit officii, Parentes, Principes, Ecclesiæ  
præpositi, & Præceptores primum semper locum  
obtinebunt. quorum beneficiis unusquisque o-  
bligatissimus tenetur. Nihil est tam inhumanũ,  
tam tetrum, tam immane, quàm committere, ut  
beneficio non dicam indignus, sed victus esse vi-  
deare. Et cui gratia referri non potest quanta de-  
betur, habenda tamen est quantam maximam a-  
nimi nostri capere possunt. Nam sicut à parenti-  
bus vita, patrimonium, civitas, libertas tradita  
est: ita à præceptoribus doctrina & eruditio, ani-  
morumque formatio nobis concessa est. Incer-  
tumque videtur esse cui magis obligati simus,  
Præceptori vel parentibus: cum hi corporis, ille  
sit animorum formator. Boni meritò judicandi  
ac dicēdi sunt qui Præceptoribus benè de se me-  
ritis tota vita benè faciunt, eos colunt, eos dili-  
gunt, gratiamque pro acceptis beneficiis quan-  
tam possunt referunt. Nemo est tam ingratus, tã  
impius, tamque nullius humanitatis, qui si parē-  
tum Præceptorumque merita resumere velit,  
non eos omni officio & honore dignos esse fate-  
atur; æquumq; censeat grata eorũ nomē memo-  
ria prosequi, quorum beneficio vita data est, &  
excult. Illi æterna supersunt gaudia, & alma



quies, & in urna perpetuum Ver, famaue ventu-  
 rum semper praeclara per ævum, qui Præcepto-  
 rem chari voluere parentis esse loco. Illumq; de-  
 decus insequitur, ac pœnitentia dolorque animi  
 cruciat qui se magistri fidelis & boni indignum  
*Pro. 15.* præstitit. Qui abjicit disciplinam, odit animam  
 suam: qui autem acquiescit increpationibus pos-  
 sessor est cordis. Cur detestatus sum disciplinam,  
*Pro. 5.* & reprehensionibus non acquievit cor meum? nec  
 audiui vocem docentium me, & magistris meis  
 non inclinavi aurem meam? Respicit Dominus  
 vias hominis, & gressus ejus considerat: ipse mo-  
 rietur quia non habuit disciplinam. Inter illa cri-  
 mina quæ in Nerone visa sunt maximè enormia:  
 hoc illi quoque tribuitur, quòd parricidius A-  
 grippinæ matris, & Sericæ Cordubensis præce-  
 ptoris sui optimi, sceleratam animam perdiderit.  
 Quem incissis venis ad mortem coëgit: illam in  
 sinu Baiano navi (qua vehebatur) disso-  
 luta submersit.

2.

GIE-



CAP. XXXVI.

GIESI SERVVS ELISEI 2. Reg. 5.



Imprudens Giesi Naamiano munera poscens,

Et geminam vestem, & bina talenta tulit.

Austerè hæc dominus servi mendacia plectit:

Turpem etenim lepra punit avaritiam.



**E**ST & servorum erga dominos peculiaris obligatio: quam sine piaculo & offensa Dei hominumque nulli licet infringere. Siquidem quibus eminētiam tribuit Deus, quatenus ad eam tuendam necesse est, suum cum illis nomen communicat. In unum ipsum ita cōveniunt Dei, patris, ac Domini tituli: Vt quoties unum aliquem ex iis audimus, maiestatis illius reverentia animos nostros feriri oporteat. Quos ergo istorum facit participes, eos quasi fulgoris sui scintilla illustrat; ut sint pro suo quisque loco spectabiles. Itaque qui nobis pater est, qui Princeps, qui Dominus, is nōnullam cum Deo communionem habet. Quapropter hoc nobis persuasum sit, ita Deo placere, prout quemque novimus esse nobis à Patre cœlesti præfectum, ut ipsum reverentia, obedientia, gratitudine, & quibus possimus officiis prosequamur. Neque inter est dignive an indigni sint, quibus honos iste deferatur: cū qualescunque sint Dei providentia illum locum sint sortiti. Communicat enim illis Dominus honoris sui portionem. Servi, inquit *Eph. 6.* Apostolus, obedite dominis vestris carnalibus



bus cum timore & tremore in simplicitate cordis vestri sicut Christo: Non ad oculum servientes, quasi hominibus placentes, sed ut servi Christi, facientes voluntatem Dei ex animo, cum bona voluntate servientes, sicut Domino, & non hominibus: scientes quoniã unusquisque quodcunque fecerit bonum, hoc recipiet à Domino sive servus, sive liber. Et cùm servi jubeantur sese submittere dominorum imperio, ac voluntariè inservire in omnibus, ita quoque præcipit Deus ut domini reciproco affectu famulos foveant, alant, & humaniter tractent: nam Paulus statim postea adjungit: Et vos domini, eadem facite illis, remittentes minas: scientes quia & illorum & vester dominus est in cœlis: & personarum non est acceptio apud Deum. Servi, inquit Petrus, subditi estote in omni tremore dominis, non tantùm bonis & modestis, sed etiam discoloris. Omnibus quidem servitutis jugum videtur durissimum & intolerabile: Iustè tamen & legitimè dominanti parendum est. Cùmque servitus omnis misera sit, iniquissimo animo ferunt omnes servire malis, improbis, libidinosis, avaris, ac sceleratis. Quia tamen ita mandatum Domini dominorũ præcipit, ut cuicunque subjecti simus à Deo, illi volentes pareamus: non possumus nos subtrahere ab hac obligatione sine offensa sum-

mi Numinis. Qui potest fieri liber, libertate fruatur: sin minus, cum humilitate nos jugo submitamus. Liber is erit coram Deo, qui nulli turpitudini serviet. Pessimus quisque asperrimè rectorum patitur. Non decet superbum esse hominem servum. Avarum & mendacem famulum

2. Re. 5. Giesum lepra punivit Eliseus Propheta: quòd domini sui nomine abusus Naamanum Syri exercitus ducem abeuntem est cursu assecutus, & ab eo poposcit duo talenta, & duo vestimenta, tanquam ea Heliseus exigeret, pro prämio lepræ sanatæ: merita punitione servi mendacis perfidia castigata


est.

*IOAS*



CAP. XXXVII.


IOAS A SVIS SERVIS CÆSVS. 2. Par. 25.



*Viva Dei effgies Rex est. desistite cæpto:  
In dominum nulli stringere telâ licet  
Succedet natus Ioam qui vindicet: ille  
Reddet pro illatis vulnera vulneribus.*

X 3





**I**OAS rex Iuda, filius Ochosiæ & Sebiæ, quem Iosabath amita servaverat à furore Ataliæ aviæ (dum omnem regiam stirpem jussisset interfici) Iojadæ Pontificis maximi obtemperans monitis, à principio regni sui Deum timuit: Templum ab idololatria repurgavit, & ruinas illius restauravit. Mortuo verò Iojada, prolapsus est in abominationes Ataliæ aviæ; polluitque Hierosolymas prophanis sacris. Prophetarum quos Deus miserat admonitiones contempsit & rejecit: ipsumque Zachariam Iojadæ filium, lapidibus obrui jussit in vestibulo templi, quòd Regi idololatræ annunciaret iram Dei: & Principibus populi, qui regis iniquitatem promovebant ac fovebant malis consiliis & suasionibus, ruinam & perditionem instantem indicabat. Statim autem post Zachariæ mortem, Syri Hierosolymas expugnarunt, & deprædati sunt: conspiratumq; est in Ioam regem à duobus servis Zabado Semeathi Ammonitæ filio, & Iosabado Samarithi Moabitæ filio: qui dominum immaniter truncaverunt: licet hæc cædes meritum redderetur impietatis regię præmium.

*Quia*

Quia tamen sacrosancta Principis esse debet persona: neque cuiquam permissum est in ejus vitam attentare, neque quicquam aggredi vel machinari, quod illius auctoritati vel saluti contrarium sit; justum de sceleratis servis, & sicariis sumptum est supplicium ab Amasia, qui patri in administratione regni Iudæ hereditario jure successit. Idem quoque contigit Bagathæ & *Esth. 2.* Thares Eunuchis; qui cum in Assuerum regem Assyriorum conspirassent, à Mardocheo Iudæo proditi & delati apud regem, suspendio puniti sunt. Si est tibi servus fidelis, ait Salomon, sit tibi *Sap. 2.* tanquam anima tua: Quasi fratrem, sic eum tracta. Servo malevolo tortura, & compedes. Mitte eum in operationem, ne vacet: multam enim malitiam docuit otiositas. Servilis conditio, ut non indigna est homine Christiano, habet tamen causas dejectionis & modestiæ inter homines: Servilis enim arrogantia & malitia odium facilè apud omnes acquirit. Cavere sedulò debent omnes servi, nequid dicant agantve quod illorum conditionem odiosam reddant: Rarò condonatur servo malo: Vnusquisque tamen permaneat in qua conditione *1. Co. 7.* vocatus est. Servus vocatus es, non sit tibi curæ: Sed si potes fieri liber, magis utere. Qui enim in Domino vocatus est servus, libertus est Domini: similiter qui liber vocatus est, ser-

1. Co. 12  
 vus est Christi. Precio empti sumus. Nolite fieri  
 servi hominū. Et alibi scribit Apostolus, In uno  
 spiritu omnes nos in unū corp<sup>9</sup> baptizati sumus,  
 sive Iudei, sive Gentiles, sive servi, sive liberi. Et  
 omnes in uno spiritu potati sumus. Omnes enim  
 membra sumus corporis Ecclesiæ, cujus caput  
 Christus est. Non est acceptio personarum corā  
 Deo. Vt plurimū quæ videntur membra cor-  
 poris infirmiora, necessaria sunt: & quæ putantur  
 ignobiliora membra esse, his honorem abun-  
 dantiorē circundamus: Nihil enim fit sine bo-  
 na Dei providentia: qui genus humanum ita di-  
 stinxit ordinibus, ut cū differentia videatur &  
 varietas diversa, symmetria tamen & proportio  
 tam concinna est in omnibus, ut alter alte-  
 rius opera sublevetur & ju-  
 vetur.

**NON**





CAP. XXXVIII.  
Non occides.*ELA A ZAMBRI OCCISVS. 1. Reg. 16.*

*Dum cœnam convivæ sui produceret Arsæ,  
Vinosum Zambri conficit ensis Elam.  
Is qui vincebat patria impietate Baassam,  
Dignus erat letho non meliore mori.*

*Υ*



AT I sumus ad humanam societatem & concordiam: quam qui violat volēs, humanitatis & mansuetudinis limites trāfilit: Deoque & hominibus est contrarius. Boni viri munus est, ut ne cui noceat, neminem offendat, neminem irritet : Et quia genus hominum unitate quadam Deus devinxit, incolumitatem omnium unicuique jubet esse commendatam. Violentia omnis & injuria, ac omnino quævis noxa, qua proximus offendi potest, nobis interdicitur. Ac proinde jubemur, siquid in opera nostra ad tuendam proximorum vitam subsidii est, fideliter impendere. Quæ ad eorum tranquillitatem faciunt procurare, depellendis excubare noxis, si quo in discrimine sunt, præbere illis manum auxiliarem. Qui alteri exitium parat, eum scire oportet sibi paratam pestem ut participet parem. Hoc natura præscribit, ut homo homini quibuscunque in rebus & occasione potest benè consulat: cū sic nati videamur, ut inter nos esset societas quædam, & concordia, qua vita dulcior & securior transigi possit, com-  
mercia

mercia exerceri, & bonum publicum communibus studiis procurari. Homo igitur naturæ obediens, homini nocere non potest. Qui secus facit, belluinam feritatem præ se fert, & procul abest ab ea clementia & mansuetudine quæ hominis est propria, quæque longè abest à natura ferarum. At cum omni generi animantum à natura tributum sit, ut se, vitam, corpusque tueatur, declinetque ea quæ ei nocitura sunt, omniaque quæ sunt ad vivendum necessaria disquirat: nihil homini contingit, quod illum citiùs deturbet ab illa societate, & amicitia, quæ genus humanum conservat integrum, quàm injuria & illata violentia. Quod ne fiat, Lex data est: quæ vitiorum emendatrix, commendatrixque virtutum est: Ab ea enim vivendi doctrina & regula discitur: Utque incolumes inter se homines conserventur vitamque quietam ducant. Ideo posita sunt supplicia vitiis, præmia virtutibus. Qui percussit hominem volens occidere illum, morte morietur. Sanguinem animarum vestrarum requiram de manu cunctarum bestiarum, & de manu hominis: de manu viri, & de manu fratris ejus requiram animam hominis. Quicumque effuderit humanum sanguinem, fundetur sanguis illius. Ad imaginem quippe Dei factus est homo. Qui percusserit & occiderit hominem, morte moriatur. Si quis odio habēs pro-

*Exo. 21*

*Gen. 9.*

*Le. 24.*



*Deut.*  
19.

ximum suum, insidiatus fuerit vitæ ejus, surgens-  
que percusserit illum & mortuus fuerit, fugerit-  
que in aliquam urbem refugii, mittent seniores  
civitatis illius, & arripient eum de loco effugii,  
tradentq; eum in manus proximi, cujus sanguis  
effusus est, & morietur. Non misereberis ejus: &  
auferes noxium sanguinem de Israël: ut benè sit  
tibi. Quibus testimoniis declaratur, quàm odio-  
sum & detestabile sit homicidium coram Deo:  
qui hominem conditum ad imaginem suam sal-  
vum & incolumen cupit. Contra hoc præceptum  
peccavit Zambris, qui Elam regē Israël in Thersa  
occidit, cum cœnaret in domo Arsæ præfe-  
cti Vrbi, licet impius esset &  
sceleratus.



*AM-*




CAP. XXXIX.

*AMNONIS CÆDES. 2. Sam. 13.*



*Incauti Amnonis lata inter pocula frater  
Sternit inhumana membra cruenta nece.  
Vindicat incestum tam dira cade sororis  
Absalo: promovit sed scelus ebrietas.*

Y 3



RECTA conscientia, & mandatis Domini transuersum unguem non oportet quemquam in omni vita sua discedere. Animum vincere, iracundiam cohibere, aduersarium non modò extollere iacentem, sed etiam amplificare ejus pristinam dignitatem, Christianissimum est, & viri boni officium. Hæc qui facit, mandato Dei summi obtemperat, qui nos jubet cedere injuriis improborum, & patientia superare omnis offensæ amaritudinem. Non solum enim Deus ipsum homicidii ac necis alienæ actum prohibet, sed animum moderari, malevolentiam, & malos odii affectus refrænare jubet. Cùm sit cordium scrutator, & speculator, justitiamque integram postulet, non corpus tantum sed animum hominis sese submittere mandato divino præcipit, & ab omni macula impollutum sese conservare: homicidiumque manus non solum condemnat, sed cordis etiam & voluntatis. Animus necem concipit, dum odio inficitur, & ira exardescit: manus autem parit. Irasci fratri tuo  
non



non potes, quin statim noxæ flagres libidine. Quantumvis dissimulet homo extricans se vanis ambagibus, ubi vel ira vel odium est, illic est maleficus affectus. Audiat hoc necesse est. Non ode- *Lev. 19*  
ris fratrem tuum in corde tuo, sed publicè argues eum, ne habeas super eum peccatum. Non quæras ultionem: nec memor eris injuriæ civium tuorum. Omnis qui odit fratrem suum est homi- *1. Jo. 3*  
cida, & scitis quoniam omnis homicida non habet vitam æternam in se manentem. Et apud Mattheum pronūciatur ore Domini: Audivistis *Mat. 5*  
quia dictum est antiquis, Non occides. Quicumque occiderit, reus erit judicio: Ego autem dico vobis, Quia omnis qui irascitur fratri suo reus erit judicio. Et qui dixerit fratri suo, Racha, reus erit *Luc. 6*  
concilio: & qui dixerit fatue, reus erit gehēnæ ignis. Multa addit Mattheus & Lucas ad hunc locum pertinentia: quibus docemur voluntatem Domini esse, non tantum ut ab homicidio abstinemus, ut odia & inimicitias vitemus, sed ut injurias & oppressiōem inimicorum nostrorum patienter toleremus. Sed hic reclamat homo: Vetterem ferendo injuriam, invitas novam. Qui se ovem facit, à lupo voratur. Speciosæ sunt hæ mentis depravatæ sententię: Mihi vindictam, ait Dominus, & ego retribuam. Qui vindicari vult, *Deut.*  
à Domino inveniet vindictam: Nunc deponite <sup>32.</sup> *Heb. 10*  
hæc omnia, iram, indignationem, maliciam, *Rō. 12.*

*Ecc.* 28 blasphemiam, & turpem sermonẽ de ore vestro.  
 Non leve opprobrium & contumeliam intulerat Amnon Davidis filius Thamar, cùm puellã  
*2. Sã. 13* per vim compressit: sed hanc injuriam Absalo  
 Thamaris frater non debuit ulcisci cæde Amnonis, quem proditione in convivio (ad quod illum invitaverat) trucidavit immaniter. Audiendus erat Deus, qui jubet non resistere malo: Et Christus expressè mādāt: Si quis percusserit te in dextram maxillam præbe illi & alteram. Diligite inimicos vestros, & benefacite iis qui oderunt vos. Orate pro persequentibus vos & calumniãtibus vos, ut sitis filii patris vestris qui in cœlis est: qui solem suum oriri facit super bonos & malos, & pluit super justos & injustos: dum vindictã Deo permittimus, accumulamus carbones ardentes in caput ejus qui nos offendit.

SI-



## CAP. XL.

## SIMON MACHABÆVS. 1. Mach. 16.



*Quid temere ingrederis muniti mœnia Dochi?*

*Te simul & natos mors inopina premet.*

*Si potes evita tibi quæ Ptolomæus adornat*

*Prandia: in insidiis est inimica manus.*

℞





VL LÆ sunt perniciosiores, nullæ occultiores insidiæ, quàm quæ latent in simulatione officii, aut aliquo necessitatis no mine. Qui palam est adversarius, hunc facile cavendo vitare possis. Hoc verò occultum intestinumque malum, quod proditione committitur, non modò periculosum existit, sed etiam opprimit, antequàm prospicere atq; explorare potueris. Tacitæ magis & occultæ inimicitia timēdæ sunt, quàm indictæ & apertæ. Totius justitiæ nulla est capitalior pestis, quàm eorum qui tum, dum maximè fallunt, id agunt, ut viri boni videantur. Quare in omni vita sic nos affectos esse oportet, ut proditiones, hypocrisim, ac doloſ vitemus. Astutiæ tollendæ sunt, eaque malitia, quæ vult quidem videri esse prudentiam; sed abest ab ea, distatque plurimùm. Nec ulla perniciēs vitæ major inveniri potest, quàm cùm in malicia, inest simulatio. Injurias propulsare & præcavere, multi ad fortitudinem animi referunt: tolerare acceptas pusillanimitatis esse ducunt. Virum bonum hunc esse putant, qui nemini nocet, nisi injuriâ laceſsitus sit. At Christi Servatoris nostri  
manda-

mandatum, ut ab omni vindicta non solum abstineamus, sed & inimicos nostros amemus precipit. Si diligitis eos qui vos diligunt, ait Dominus, quam mercedem habebitis? nonne hoc & publicani faciunt? & si salutaveritis fratres vestros tantum, quid amplius facitis? Nonne & ethnici hoc faciunt: Estote ergo perfecti, sicut & Pater vester coelestis perfectus est. Cum autem primi motus non sint in nostra potestate; difficilimumque sit homini ferre injuriam, ac violentiam aliorum pati; hoc tamen mandatum firmiter habere debet nostris mentibus, vindictam Domino relinquendam, & ipse retribuet: ferendoque patienter illatam injuriam, nos accumulare carbones ardentes in caput illius qui intulit. Irascimini (inquit Paulus) & nolite peccare: Sol non occidat super iracundiam vestram: Nolite locum dare diabolo. Omnis amaritudo, & ira, & indignatio, & clamor, & blasphemia tollatur a vobis, cum omni malicia. Estote invicem benigni, misericordes, condonantes invicem; sicut & Deus in Christo condonavit vobis. Ambulate in dilectione, sicut & Christus dilexit nos; & tradidit semetipsum pro nobis oblatione & hostiam Deo in odorem suavitatis. Quare appetit omnes inordinati, quibus animi nostri percelluntur, contrahendi sedandique sunt: excitandaque est animadversio & diligentia, nequid iracunde, nequid crudeliter, vel perditione & inhumaniter faciamus

*Mat. 9*

*Pro. 24*

*Eph. 4.*

*Eph. 5.*

aut dicamus. Sed sciamus nos ad societatem natos: neque admittamus ut injuria laceffiti, vel odio, vel malevolentia æstuemus: multo minùs ad ultionem dilabamur. Moderari, cùm sis iratus, & tenere in tua potestate omnes motus animi, generosum est ac laudabile. In fide sitis unanimes, ait Petrus, compatientes, fraternitatis amatores, misericordes, humiles: Non reddentes malum pro malo, nec maledictum pro maledicto: sed è contrario benedicentes, &c. Detestàda fuit fraus & proditio Ptolomei, qui incautum & nihil tale cogitantem Simonem Machabæum trucidavit in convivio cum duobus ejus filiis Mathathia & Iuda: quos filius Abobi invitarat in arcē Dochi, & opiparè tractatos, ac semiebrios exposuit lani- enæ proditorum, qui in eos conspirarant, ut Antiocho subjicerent Iudæam, & urbem Hierosolymorum.



DOEG





## CAP. XLI.

## DOEG CALVMNIATOR. 1. Sam. 22.



*Davidem hospitio excipit Achimelechus: & illi  
Tradidit a sacro tela revulsa tolo.*

*Indicat hoc Sauli scelerata mente Doëgus:  
Qui Nobem immani perdidit excidio.*

Z 3



**M** N I U M rerum nocentissima res est calumnia: Assentatores, calumniatores, infidi consiliarii, perversi educatores, fontes sunt fere malorum omnium: quibus sursum ac deorsum turbatur vita mortalium. Nulla tamen ætas, nulla natio, nulla civitas tam benè ordinata fuit unquam, in qua pestes istæ publicæ non inventæ sint. Quæ diaboli patris naturam secutæ, concordiam publicam & societatem dissolvunt, bonorumque innocentiam proscindunt. Mala res est petpetuò calumniator: & in eo Leges incumbere debent, ut à tanta perniciæ quantum fieri potest civitatem repurgent. Demosthenes ex oratione prima contra Aristog. Neminem unquam vestrum fortasse vipera momordit, neque phalāgium: & absit ut mordeat unquam, Sed tamen omnia ejusmodi animalia ubi conspexeritis, mox interficitis. Itidem & cū delatorem, & calumniatorem, & crudelem, & hominem videritis viperinam habere naturam, ne expectate donec aliquem vestrum mordeat, sed cū primum occurret, puniatur. Virtus non minima est linguam compescere. Mors enim & vita in manibus

nibus linguę est. Maledicentia stultorum est thesaurus, quem in lingua recunditum tenent. Lingua si effręnis est & prodiga, interdum maximarum cladum est organum. Detrahentem & maledicum vir bonus averfatur. Homo iracundus incendit litem: & vir peccator conturbat amicos; & in medio pacem habentium immittit inimicitias. Ante ignem camini vapor & fumus exaltatur, sic & ante sanguinę maledicta, & cõtumelię, *Eccles. 5.* & ruina. Denotatio pessima super belingüē: Suffratori autem odiũ, & inimicitie, & cõtumelia. *Pro. 28* Hominem qui calũniatur animę sanguinę, si usq; *Pro. 27* ad lacum fugerit, nemo sustinet. Lingua fallax nõ amat veritatem: & os lubricum operatur ruinas. Calumniator est homicida. Improperium & cõtumeliam malus hereditabit: & omnis peccator invidus & bilinguis. Sex sunt, quę odit Dominus: & septimum detestatur anima ejus; Oculos sublimes, linguam mendacem, pedes veloces ad currendum in malum, testem fallacem proferentem mendacia, & eum qui seminat inter fratres discordias. Quibus testimoniis facilè apparet Deo, qui charitatis fons est, odiosam esse maledicentiã; ex qua cædes, rixę, & perturbatio societatis humanę proficiscũtur, ut cõtigisse legimus Achimelecho sacerdoti Nobes: qui cū accusatus *1. Reg.* esset à Doëgo Idumęo calũniatore apud Saulem, *22.* quòd Davidē fugientē excepisset, illiq; Goliathi



dedisset gladium, quem antea David in templo appenderat. Saul irritatus, jussit ut bonus Pontifex cum tota familia trucidaretur: & una die tota civitas Nobes ad internecionem cæsa est, & in prædam relicta. Hoc præceptum officii diligenter retinendum est. Ne unquam innocentem judicio capitis accersas: Id enim sine scelere fieri nullo modo potest. Deus qui tam austerè cædes & homicidia vindicat: dixit: Non accipietis premium ab eo, qui reus est sanguinis: statim & ipse morietur: Ne polluatis terram habitationis vestræ, quæ insontium cruore maculatur. Nec aliter expiari potest, nisi per ejus sanguinem, qui alterius sanguinem fuderit. Condemnat & eos qui cædes promovent calumniis & maledicentia. Non erit calumniator nec susurro in medio populi. Non stabis contra sanguinem proximi tui: Ego Dominus. Eadem enim culpa premittitur qui mali autor &, & qui malum patrat, & exequitur.

Levit.  
35.

Levit.  
19.

NON



## CAP. XLII.

Non mœchaberis.

LOTH INCESTVS. Gen. 19.



*Inestu ebrietas deceptum insana parentem  
 Polluit: hac pietas, victaque iura labant.  
 Nil media poteras committere, Lothe, Sodoma  
 Turpius: exemplo debuit esse tibi.*

Aa



V L L A capitalior pestis hominibus à natura data est, quàm corporis voluptas. Fieri nō potest, ut animus libidini & crapulæ deditus possit aliquid boni meditari, multo minùs perficere. Qui voluptatibus ducūtur, & se vitiorum illecebris, & cupiditatum lenociniis dediderunt, ad Reipublicæ munia non essent admittendi. Nam illis omnia sensu non ratione sunt judicanda: eaque dicenda optima, quæ sunt suavissima. Voluptates enim blandissimæ dominæ, sepe majores partes animæ à virtute detorquent. Pudicitiam & puritatem amat Deus: & facessere à nobis omnem immunditiam jubet: requiritque hoc præcepto, nequa spurcitia, aut libidinosa intemperie inquinemur. Castè igitur, & continenter omnes nostræ vitæ partes moderandæ sunt. Cavendumq; sedulò ne scortationis aut pollutionis alicujus desiderio æstuemus, quod

*Pro. 6.* nos in interitū præcipitet. Qui adulter est, ppter cordis inopiā, perdet animā suam. Turpitudinē & ignominiam congregat sibi; & opprobrium illius non delebitur. Maximè scortatio virginum à

*Deut.*  
*32.* Deo severè castigata est: Si virgo viro desponsata non



ta non sit inventa virgo, ejicient eam extra fores domus patris sui, & lapidibus obruent eam viri civitatis illius, & morietur: quia fecit nefas in Israël: ut fornicaretur in domo patris sui: & auferes malum de medio tui. Mirū videri debet Lothū singulari beneficio Dei ab aversione Sodomorum fuisse servatum: statimque prolapsū in incestum cum filiabus, à quibus ad id nefas provocatus est, & inductus ebrietate. Nolite errare, *1. Cor. 6* inquit Paulus: Neque fornicarii, neq; idolis serviētes, neque adulteri, neque molles, neque masculorum concubitores, neque fures, neque avari, neque maledici, neque rapaces regnum Dei possidebunt. Et alibi: Domino non benè placitū *1. Co. 10* est in pluribus, nam prostrati sunt in deserto. Hęc autem in figura facta sunt nostri, ut non fornicemur, sicut quidam ex ipsis fornicati sunt, & ceciderunt una die viginti tria millia. Corpora vestra membra sunt Christi. Tollens ergo membra Christi faciam membra meretricis? absit. An nescitis quoniam qui adheret meretrici, unum corpus efficitur? erunt enim duo in carne una. Fugite fornicationem: Omne enim peccatum quodcumque fecerit homo, extra corpus est: Qui autē fornicatur, in corp<sup>o</sup> suū peccat. Fovea profūda est *Pro. 25* meretrix: puteus angustus aliena. Insidiatur in via quasi latro: & quos incautos invenerit, interficit. Multa notātur ejusmodi in scripturis quibus aptè

Dominus minatur exitium, omnibus pollutis, libidinosis, & scortatoribus: Sed ad Legislatorem convertamus oculos, qui omnem abominatur contaminationem, quacunque in parte vel animæ vel corporis appareat. Cumque pudicitiam commendet, & exigit in nobis, quicquid illi adversum est damnat. Proinde qui ad obedientiam aspirat, caveat ne ejus animus prava cupidine intus ardeat, nec oculi in corruptos affectus lasciviant, nec corpus ad lenocinium excolatur, nec lingua spurcis sermonibus mentem ad similes cogitationes illiciat, nec gula sua intemperie inflamet. Sunt enim omnia ejusmodi vitia, veluti maculæ quædam, quibus castitatis puritas conspurcatur. Avertendæ à nobis sunt diligenter omnes peccandi occasiones. Ne ita ambulemus, ut finis itineris nostri sit interitus: & quibus venter Deus sit, & gloria in confusione nostra, si terrena sapiamus: quæ qui admittit, vitam æternam non possidebit, nec Deo gratus & acceptus erit.

*HERO-*

CAP. XLIII.

*HERODIAS SALTATRIX. Luc. 6. Mar. 6.*



*Mulcet Idumæum saltatrix improba regem,  
Ad numeros crispum docta movere latus.  
Obtinet à Patruo captivi trunca Prophetæ  
Ora, Deo invisa præmia luxuriæ.*

*Aa 3*





Gen. 2.



VM homo sit à Deo optimo maximo conditus hac lege, ut solitariam vitã non degeret, adjunctum est illi subsidiũ, nẽpe uxor, quæ matrimonio illi conjuncta est à Deo conditore: & hoc conjugium sua benedictione sanctificavit: maledixitque omnem aliam societatem carnalem, quæ extra connubium invenitur. Et hoc remedium esse voluit illius necessitatis, qua post peccatum homo urgetur, ne in effrænes rueret libidines: Et cùm non sit datum omnibus continentix donum; Qui nõ possunt abstinere, ad matrimonii subsidium se conferant necesse est; nisi cum Deo pugnare velint, & sibi exitium procurare. Ita, ait Dominus, Si dormiverit vir cum uxore alterius, uterque morietur: id est adulter & adultera: & auferes malum de Israël: Non erit meretrix de filiabus Israël; neque scortator de filiis Israël. Et Paulus: Hæc est voluntas Dei sanctificatio vestra ut abstineatis à fornicatione: & sciat unusquisque vestrum vas suum possidere in sanctificatione & honore, non in passione desiderii, sicut gentes quæ ignorant Deum. Non enim vocavit nos Deus in immu-

Deut.  
22.Deut.  
23.

1. Tb. 4

1. Cor. 3.

mun-

mundiciam, sed in sanctificationem. An nescitis quia templum Dei estis? Et spiritus Domini habitat in vobis. Si quis autem templum Dei violaverit, disperdet eum Deus. Templum *Eph. 3* enim Dei sanctum est. Fornicatio, & omnis immunditia, & avaritia nec nominetur in vobis, sicut decet sanctos; aut turpitudine, aut stulti loquū, aut scurrilitas quæ ad rem non pertinet, sed magis gratiarum actio. Hæc enim scitote intelligentes, quòd omnis fornicator, aut immundus, aut avarus quod est idolorum servitus, nō habet hereditatē in regno Christi & Dei. Continentia singulare donum Dei est: quod paucis cōfertur: speciale donum est spiritus. Ideo Paulus ait, Propter *1. Cor. 7* fornicationem unusquisque suā uxorem habeat, & unaquaque suum habeat virum. Et cū cœlitus hæc gratia continentiae tribuatur, cavendum est ne in laqueos Satanæ incidamus. Unusquisque propriū donū habet ex Deo, alius quidē sic, alius verò sic. Quòd si non se continere possunt, nubant. Melius est enim nubere quàm uri. Intemperatæ flāme adurunt eos, quibus non est datū in cœlibatu cōtinenter vivere: & ex his libidinibus, & perversis cogitationibus multa mala emergūt. Vitāda sunt objecta, quæ nos à cōtinentia divertūt: Ne respicias mulierē multivolā, ne fortè incidas in laqueos illius. Cum saltatrice ne sis assiduus, nec audias illam, ne fortè pereas in efficacia. *Ecl. 3.*

*Luc. 6.  
Mar.  
6,*

illius. Ne des fornicariis animam tuam in ullo: ne perdas te & hereditatem tuā. Auerte faciem tuā à muliere compta: & ne circumspicias speciem alienam: Propter speciem mulieris multi perierūt: & ex hoc concupiscentia quasi ignis exardescit. Cum aliena muliere ne sedeas omnino; nec accumbas cum ea super cubitum: & non alterceris eum ea in vino. ne forte declinet cor tuum in illam: & sanguine tuo labaris in perditionem. Herodes Philippi fratris uxorem rapuit, sibi que adjunxit; qui cum reprehēderetur à Ioanne tanquā incestuosus, mulier libidinosa semper est illi insidiata: effecitque ut quo die Herodes natalitium diem celebraret, Herodiadis filia in cœnaculum ornata prorupit, & saltationibus impudicis ita regem allexit, ut illi poscenti caput Ioannis Baptistæ dederit. Voluptas esca malorum est: qua homines capiuntur, ut hamo pisces: cujus blandiciis corrumpuntur quæ natura bona sunt: Vbi regnat luxur, ibi consistere non potest iudicium, moderatio, virtus nec consilium.


*D A-*





## CAP. XLIII.

## DAVID ET BETHSABÆA. 2. Reg.



*Nuda ut conspexit Iudææ pectora Nymphæ,  
 Iessæus rapido protinus igne furit.  
 Nec satis est fraudare toros absente marito.  
 Ceca venus cædem iungit adulterio.*

*Bb*



**M**NUM perturbationum fons est intemperantia: quæ est à tota mente, etiam à recta ratione defectio. Sic aversa à præscriptione rationis, ut nullo modo appetitiones animi vel regi, vel contineri queant. Maximas virtutes jacere necesse est, voluptate dominante. Nã in voluptatis regno nulla virtus potest consistere. Quò major est voluptas, eò magis mentem à sua sede, & statu dimovet. David (quem alioqui Deus innumeris donaverat virtutibus) dum suis locum dedit cupiditatibus, in maxima peccata prolapsus est. Vidit è solario lavantem se Bethsabaam Vriæ uxorem: hanc concupivit, & cum ea adulteratus est. Neque id suffecit: Malum malo ut adderetur; cùm mulier esset gravida, neq; Vriæ posset persuadere David ut cū uxore dormiret, & hac ratione tegetetur adulterio conceptus infans, miserum hominem morti obtrusit: Qui Iobo militiæ Præfecto in obsidione Rabæ Ammonitarum urbis jubente, in hostes cum aliquot centuriis incurrens cæsus est, & qui cum eo erant. At nobis persuasum esse debet, Si Deum hominesque celare possimus, nihil tamen injustè, nihil

hil libidinosè, nihil incontinenter esse faciendū.  
Honestæ bonis non occulta quæruntur. *Charissimi Pet. 2.*  
mi, ait Petrus, obsecro abstinere vos à carnalibus  
desideriis: quæ militant adversus animam. *Mor- Col. 3.*  
tificate membra vestra quæ sunt super terram:  
fornicationem immundiciam, libidinem, con-  
cupiscentiam malam, avariciam quæ est idolo-  
latría: propter quæ veniet ira Dei super filios in-  
credulitatis. Non abstrahatur mens tua in vias *Pro. 6.*  
meretricis, neque decipiaris semitis ejus. Viæ in-  
feri domus ejus penetrantes in interiora mortis.  
Qui adplicabitur ei, descendet ad inferos. Omnis *Pro. 7.*  
homo qui transgreditur lectulum suum, con-  
temnēs in animam suam, & dicens, Quis me vi- *Ecc. 10.*  
det? Hic in plateis civitatis vindicabitur: & u-  
bi non speravit, apprehendetur, & erit dedecus  
omnibus, eò quòd non intellexit timorem  
Domini. Sic & mulier omnis relinquens vi-  
rum suum, & statuens hereditatem ex alieno  
matrimonio. Qui se jungit fornicariis, erit ne-  
quam. Ne intenderis fallaciæ mulieris: favus *Pro. 5.*  
enim stillans labia meretricis. Novissima il-  
lius amara tanquam absynthium. Et lingua e-  
jus acuta, tanquam gladius biceps. Pedes ejus de-  
scēdunt in mortem; & ad inferos gressus ejus pe-  
netrant. Per semitam vitæ non ambulat: longè  
fac ab ea viam tuam, & ne appropinques foribus  
dom⁹ ejus. Animi morbi sunt cupiditates immē-



ſæ, libidinoſarum etiam voluptatum: quorū me-  
 dicinam nobis propoſuit Deus in ſolo conjugio,  
 ſi ad domandam libidinem vires ægro non ſuffi-  
 ciant. Neque hic ſibi blandiantur qui mulieres  
 non attingunt, ac ſi impuditiæ argui non poſ-  
 ſint: cū interim animus intus æſtuet. Pudicitia  
 definit Paulus: cū ait eſſe conjunctam cum ca-  
 ſtitate corporis animi puritatē. Ideo non de pol-  
 lutione ſcortationis tantū loquitur, ſed ſatiū  
 eſſe uxore ducere quā uri. Omnia quæ ad pro-  
 vocandum hoc incontinentiæ monſtrum faciūt,  
 peccati nomine comprehendūtur: Sive viſus im-  
 pudicus, ſive habitus lāſcivior, geſticulatio ob-  
 ſcœna, ſive ſermones impuri, qui pudicitia inſi-  
 diari, & eam ſubvertere poſſunt. Dominus ita lo-  
 quitur: Dictum eſt antiquis: non mœchaberis.  
 Ego autem dico vobis, quia omnis qui viderit  
 mulierem, ad concupiſcendam eam, jam  
 mœchatus eſt in corde  
 ſuo.

*Mat. 5**HO.*

CAP. XLV.

*HOLOFERNES ET IVDITH. Iudit. 13.*



*Cingebant parvidam Babylonica castra Bethulen,  
Quæ fere blasphemæ præda Holofernis erat:  
Ense Ducem obtruncat stertentem animosa virago;  
Et solvit ciues obsidione suos.*

*Bb 3*



ENTE uti rectè non possunt  
 multo cibo & potu repleti. Tē-  
 perātia libibinum est inimica.  
 Sine Cerere & Baccho friget  
 Venus. Multi in ebrietatem la-  
 psi, nefanda patnaverunt. Ex ea  
 vitæ perniciēs maxima semper nata est. Cūmque  
 nihil servilius sit, nihil abjectius quàm gulæ ven-  
 trisque cupiditatibus obnoxium vivere; Nullum  
 tamen vitium est, quod facilius gliscat, & sese in-  
 sinuet in animos hominum, quàm ingurgitatio  
 & crapula, quæ majorem partem hominum suo  
 servitio subjugavit, & turpi voluptati subjecit.  
 Cūm tamen ex ea, tanquam è scaturigine pesti-  
 fera, prodit quicquid est in hominum vita scele-  
 rum, & calamitatum. Insaniam aufert medicus,  
 Voluptas, cūm æquè eripiat mentem homini,  
 vix sanabile malum est. Vitium gutturis & ven-  
 tris non modò minuit ætatem hominibus, sed  
 etiā mentem percellit, judicium hebetat, & ra-  
 tionem obtundit. Quare qui voluptatibus his  
 ducuntur, & se crapulæ illecebris, cupiditatum-  
 que lenociniis dediderunt, indigni sunt qui ad  
 hono-



honores promoveantur, aut ad Reipublicæ gubernacula admittantur. Væ tibi terra, cujus rex <sup>Esa. 18</sup> puer est: & cujus Principes manè comedunt. <sup>Pro. 23.</sup> No-  
li esse in conviviiis potatorum, nec in commessationibus eorum, qui carnes ad vescendum conferunt. Quia vacantes potibus, & dātes symbola consumētur: & vestitur pannis dormitatio. Luxuriosa res est vinum, & tumultuosa ebrietas: <sup>Pro. 20</sup> Quicumque his delectatur, non erit sapiens: At  
cū ebrietas omnis conditionis homines turpiter polluat, & à ratione divertat, indignissimum est Principes, Magistratus, & qui populo præsunt ea inquinari. Tum quia judicium ac ratio in illis hebetatur per ingurgitationes, tum quòd exemplo suo reliquos à recta vivendi via disturbant & divertunt. Non enim tantū mali est peccare Principes, quamvis malum per se magnum judicari debet, quantum illud quod permulti etiam imitatores Principum existunt: exemplo quodcunque malo committitur: & Regis ad exemplum totus cōponitur orbis. Videmus enim, quòd quæcunque mutatio morum in Principibus extiterit, eandem statim populum sequi. Nobilium enim vita victuque mutato, mores civitatis mutari solent. Nec solū vitia concipiunt Principes, sed ea infundunt in civitatem. Neque obsunt quòd solū ipsi corrumpantur, sed

*Iudi.**13.*

etiam quòd corrumpât, plusque exemplo, quàm peccato nocent: contingitque sæpius ut his vitiis in gravissima præcipitentur discrimina: maximè post ebrietatem ac turpes helluationes, dum mēte capti, neque periculis imminentibus prospicere, neque suæ salutis cōsulere queunt. Holofernem exercitus Assyrii Principem, vino sopitum truncavit muliercula ad Bethulix mœnia: Quæ urbe egressa ut erat forma elegāte, & ad venustatem culta. In castra hostiū cū venisset, sua pulchritudine pellexit. Babylonium Principem: postea multo potu distentum proprio gladio jugulavit. Hūc fructum retulit sua ingurgitatione dignum. Vigilantem & sobrium decet esse eum qui res magnas, & ad reipublicæ conservationem necessarias gerit. In imperatore enim requiritur sobrietas, vigilantia, labor in negotiis, fortitudo in periculis, industria in agendo. Difficilimè continebit exercitum suum, qui se ipsum continere non potest.

NA-



CAP. XLVI.

*NABAL HELLVO.*

*1. Sam. 15.*



*Vellere nudatis ovibus convivium Nabal  
Instituit plenis continuanda cadis.  
Præ foribus Libitina sedet, quæ pocula miscet,  
Æternas mensis injiciens tenebras.*

Cc





**L**BIETAS pestis animi & corporis, languorum & dolorū fomes, furoris comes, & insanix amica: hominem corrumpit & debilitat, iudicium illi adimet, ac mentis aciem obtundit, nec patitur rationem officio suo fungi. Difficilimum est iudicare quæ factu necessaria, quæ honesta, quæ utilia, dum animus luxu ac crapula diffluit, commensationibus & potationibus immersus. Nabalem ex Chalebi familia ortum hominē divitem (utpote qui possideret tria milia ovium, & mille capras) sed rusticis moribus, rudem, & incultum, gulæ ventrique deditum rogavit David Saulis præsentiam fugiens, ut illi aliquid largiretur, quo milites, qui illum sequebantur, possent sustentari in deserto Ziph, ubi rerum omnium penuria laborabant. Eoque tempore Nabal gregem tundens, ut moris erat apud antiquos, solenne convivium instituerat: Ille vero Davidis nuncios annonam petentes inhumaniter repulit, denegavitque quod petebant: Cujus ingratitude ulturus David, atroci aliquo exemplo, nisi huic malo Nabalis uxor Abigail marito prudentior & māsuetior providisset: Hæc enim

enim marito ebrio ad egenos munera detulit, & cibos quos famelicorū usui necessarios animadvertit, iramque Davidis hac liberalitate placavit. Nihilo tamen minus ebriosum hominem Nabalem Deus morte percussit, illius ingritudinem puniens, illumque vita ac divitiis simul privavit. Crapulæ vitium detestandum est: *Qui* vino est deditus, illi omnia sensu non ratione sunt judicanda, eaque dicenda optima, quæ gulæ ventrique sunt accommodata. Fieri nullo modo potest, ut qui locum tribuit ebrietati, possit pietatē sequi, vel discernere quæ ad societatem politicam conducunt. Nihil altum, nihil magnificum aut laudabile suscipere possunt, qui suas omnes cogitationes abjecerunt in rem tam humilem, tam contemptam, quæ sæpius causas pœnitendi quàm recordandi post se relinquit. Plures occidit gula quàm gladius. Ex hac peste corrumpuntur vires corporis, hebetantur sensus omnes, & inutilis homo redditur ad omnes honestas actiones tam animi quàm corporis. Hinc podagræ, paralyfes, hinc morbi infiniti, quibus humana vita miserè vexatur, ac sensim conficitur. Vt Venus enervat vires, sic copia vini: & tentat gressus, debilitatque pedes. Ne intuearis vinum quando flavescit, cum *Pro. 23* splenduerit in vitro color ejus, ingreditur blandè, sed in novissimo mordebit ut coluber: & sicut basiliscus venena diffundet. *Qui* diligit epulas, e- *Pro. 23*

rit in egestate: qui amat vinum & pingua, nō di-  
*Pro. 23* tabitur. Cui vā? cuius patri vā? cui rixā? cui foveę?  
 cui sine causa vulnera? cui suffusio oculorū? Nō-  
 ne his qui commorantur in vino, & student cali-  
 cibus epotandis? Diligentes vinum noli provo-  
 care: Multos enim exterminavit vinum. *Æqua*  
*Ecc. 31* vita hominibus vinum in sobrietate: Si bibis il-  
 lud moderatē eris sobrius. Quæ est vita quæ non  
 minuitur vino? Quid defraudet vitam? mors. Vi-  
 num in jucunditatem creatum est non in ebrie-  
 tatem ab initio. Vinum multum potatum irrita-  
 tionem, & iram, & ruinas multas facit. Amaritu-  
 do animæ vinum multum potatum. Ebrietatis a-  
 nimositas, imprudentis offensio, minorans vir-  
*Ecc. 39* tutem, & faciens vulnera. Vinum & mulieres a-  
 postatare faciunt sapientes, & ar-  
 guent sensatos.

DI-





CAP. XLVII.

*DIVES EPULO.*

*LUC. 16.*



*Dum satur ad mensas Epulo discumbit, egenus  
Distorquet tristi Lazarus ora fame.  
Mors utrumque rapit: Cocyti mergitur ille  
Flammis: excipit hunc sed diuturna quies.*



**Q**U M per se & propter se fugienda sit ebrietas & crapula, quòd turpitudinem secum trahat & dedecus: nec digni videantur ullo honore qui tam fœdo studio dediti sunt: ab hoc malo deterrire hominem cordatum & circumspectum deberent incommoda quæ inde manant: Corpus inde redditur imbecillum, molle, & ægrum: animi facultates facit degeneres: mentem hebetat, & ejus aciem obtundit: brutique naturam magis, quàm hominis videtur ebriosus induere. Habet & hoc vitium causas urgentissimas, cur tanquam venenum debeat vitari. Libidinem accendit in corde hominis: omnem humanitatem & clementiam excutit, nihilque in animo relinquit, præter stupiditatem, belluinamque feritatem, & immanitatem. Magnas virtutes jacere necesse est, ubi ingluvies & ingurgitatio dominatur. Animo hebetato, libidinibusque & ebrietate vitiato, nihil inter est inter hominem & pecudem: sed ne inter hominem & truncum. Nam animus ebrietate perturbatus & incitatus, nec se cohibere potest; nec discernit quo loco vult consistere. Propterea tantopere

topere prohibetur in scriptura. Abjiciamus, in- *Rō. 13.*  
quit Apostolus, opera tenebrarum, & induamur  
arma lucis. Sicut in die honestè ambulemus:  
non in commensationibus & ebrietatibus, non  
in cubilibus & impudiciis, non in contentio-  
ne & amulatione: Sed induimini Iesum Chri-  
stum, & carnis curam ne feceritis in desideriis.  
Et alibi: Multi ambulant inimici crucis Christi, *Phil. 3.*  
quorum finis interitus, quorum Deus venter est,  
& gloria in confusione ipsorum, qui terrena sa-  
piunt: Nostra autem conversatio in cœlis est, &c.  
Si is qui frater nominatur inter vos est fornica- *Cori. 5.*  
tor, aut avarus, aut idolis serviens, aut maledicus,  
aut ebriosus, aut rapax; cum ejusmodi ne sumite  
cibum. Manifesta opera carnis, fornicatio, im- *Gal. 5.*  
mundicia, impudicitia, luxuria, idolorum servi-  
tus, homicidia, ebrietates, commensationes. Om-  
nis dissolutio vitæ Deo est adversaria, & hominē  
in perditionem præcipitat; sive ea in victu, sive in  
vestitu consideretur. Vtrumque habet in se le-  
nocinium efficax, quo plurimos pellicit ad ma-  
lum. Mulierem potissimum curiositas in cultu  
nimia, & quæ huic sexui peculiaris est superbia,  
maximè dedecet: hinc tam crebræ apud Aposto-  
los reprehensiones, quibus refrænatur earum  
cupiditas & luxus: Mulieres sint in habitu ornato, *Tim. 2.*  
cum verecundia & sobrietate curantes se: non in



tortis crinibus, aut auro, aut margaritis, aut veste preciosa; sed quod decet mulieres promittentes pietatem per opera bona. Salvabitur mulier per filiorum generationem, si permanferit in fide, & dilectione, & sanctificatione cum sobrietate. Vinum, choreæ, saltationes, cultusque corporis

*Mat. 6.* immodicus causa fuere mortis Ioannis Baptiste: puellæ decor, lascivus corporis motus, & corporis venustas Herodem movit vino jam prius calefactum: celebrabat enim natalicii sui convivium: &

*Luc. 16* ex hac mentis alienatione factum est iuramentum, quo promisit puellæ se donaturum quæ petitura esset, usque ad dimidiam sui regni partem: Dives ille epulo apud Lucam indulget genio, commensationibus vacat: crapula gravatus contemnit pauperes: eorum necessitati non subvenit. Lazarum famelicum à foribus suæ domus extrudi jubet. Hunc propterea mortuum asserit scriptura sinu

Abrahæ exceptum, divitemque flammæ inferni condemnatum.



*EBRI-*



CAP. XLVIII.

*EBRIETAS ET LVXVS. Esa. I.*



*Vae tibi, qui insano celebras convivia luxu:  
 Vae tibi qui potu nocte dieque vacas.  
 Ira Dei exarsit: Morbis, belloque, fameque  
 Aeterno in fontes sæviet excidio.*

*Dd*



**H**UMANÆ vitę pestis obsecna, tur-  
 pis, immanis, ac dedecore plena  
 luxus & ebrietas: quę per totam  
 scripturam sacram condemnatur,  
 & austerè reprehēditur. Interitus-  
 que & condemnatio æterna proponitur iis om-  
 nibus qui tam fœdis sese contaminaverint vitiis.  
 Esaias, qui propensam Dei indignationem in I-  
 fraëlitarum peccata denunciatur, acerbissimè inve-  
 hitur in ebrietatem ac luxum: nempe ex quibus  
*Es. 5.* omne malorum genus suam trahit originem. Ve  
 vobis, qui confurgitis manè ad ebrietatem faciē-  
 dam; & ad potandum usque ad vesperum, ut vi-  
 no æstuetis. Cithara, & lyra, & tympanum, & ti-  
 bia, & vinum in conviviis vestris: & opus Domi-  
 ni non respicitis, nec opera manuum ejus consi-  
 deratis. Propterea captivus ductus est populus  
 meus, &c. Propterea dilatavit infernus animam  
 suam, & aperuit os suum, absque ullo termino, &  
 descenderunt fortes ejus, & populus ejus, & su-  
 blimes gloriosique ejus ad eum: & postea subji-  
 cit idem Propheta. Væ coronę superbię ebriis  
*Es. 4. 28* Ephraim & flori decidenti glorię ejus: qui erant  
 in



in vertice vallis pinguiſſimæ errantes à vino. Pedibus conculcabitur corona ſuperbiæ ebriorum Ephraim: Hi præ vino nescierunt: præ ebrietate erraverunt: Sacerdotes & Propheta nescierunt præ ebrietate absorpti ſunt à vino: erraverunt in ebrietate: nesciverunt videntem: ignorarunt iudicium. Omnes enim menſæ repletæ ſunt vomitu, & ſordibus, ita ut non eſſet ultra locus. Et Habacuc: Væ qui potum dat amico ſuo, mittēs fel ſuū, & inebrians ut aſpiciat nuditatem ejus. Repletus eſt ignominia præ gloria. Bibe tu quoque & conſopire: Circundabit te calix dexteræ Domini, & vomitus ignominia ſuper gloriam tuam. Væ tibi Hab. 2 terra, cujus principes manè comedunt. Beata terra, cujus rex nobilis eſt; & cujus principes veſcuntur in tempore ſuo, ad reficiendum, non ad luxuriam. Væ vobis, qui ſaturati eſtis, quia eſurietis: Ecc. 10. væ vobis, qui ridetis nunc, quia lugebitis & flebitis. Noli avidus eſſe in omni epulatione: & te non effundas ſuper omnē eſcam. In multis enim eſcis erit infirmitas: & aviditas appropinquabit ad choleram. Propter crapulam multi obierunt: Qui autem abſtinens eſt adjiciet ad vitam. Vt luxum in ebrietate & crapula reprehendit ſcriptura: nō minor indignatio Dei adverſus ſuperfluum corporis ornatum eſſe demonſtratur. Ex quo nihil poteſt procedere quàm ſtimuli libidinis & protervitatis. Contemptoribus frugalitatis & modēſtię

*Esa.* 3. semper nunciarunt judiciū Apostoli ac Prophetæ. Esaïas in superbiam & luxum Isrâëlitarū mulierum invehens ait, Pro eo quòd elevatae sunt filiae Sion, & ambulaverunt extento collo, & nutibus oculorum ibant, & plaudebant, & ambulabant, & pedibus suis composito gradu incedebant. Decalvabit Dominus verticem filiarū Sion; & Dominus crinem earum nudabit. In die illo auferet Dominus ornamenta calceamentorum & lunulas, & torques, & monilia, & armillas, & mitras, & discriminaria, & periscelidas, & murennulas, & olfactoriola, & inaures, & annulos, & gēmas in fronte pendentes, & mutatoria, & palliola, & lintheamina, & acus, & specilla, & sindones: & vittas, & theristra: & erit pro suavi odore fœtor: pro zona funiculus: pro crispanti crine calvitiū: pro fascia pectorali cilicium. Et quæ sequuntur.

*Per.* 3. Et Petrus: Mulieres subditæ sint viris suis, considerantes in timore castam conversationem vestram. Quarum sit nō extrinsecus capillatura, aut circundatio auri, aut indumenti vestimentorum cultus. Væ vobis qui dormitis in lectulis eburneis: & lascivitis in stratis vestris, qui canitis ad vocem psalterii bibenti in phialis optimo unguento delibuti.

BAC

CAP. XLIX.  
*BACCHVS.*



*Suarve Dei munus vinum est: hominumque saluti  
Conducit: præsit dummodò sobrietas.  
Immodico sed si tibi proluat ora Lyæo,  
Pro dulci potas tetra aconita mero.*

*Dd 3*





**V**INUM creatura Dei est optima; & ad alimoniam corporis, cōservationemque valetudinis maximè accommodata. Cujus tamen abusus gravissima secum trahit damna: sicut & aliarum rerum, quas Dei benignitas ad usus hujus vitę necessarios cōdidit, earum tamen abusus ac superfluitas illas reddit noxias. Ex nimio vino labefactatur humanum corpus, accenduntur morbi infiniti animi, qui perniciosiores sunt, & multò periculosiores, quàm corporis. Corporis quidem infirmitates, ac morbos curare potest medicus, nulla medicina curare potest animi morbos. Animus æstuans, & concitatus vino, facultatibus suis omnibus laudabilibus spoliatur. Multa nobis blandimenta corruptio naturæ genuit, quibus sopita virtus, & animæ facultates prostratæ jacerent: quibusque prima ætas, ac etiam corroborata carperetur. Sed nulla capitalior pestis sese insinuat in animis hominum, quàm corporis voluptas, & ingurgitatio cibi ac potus. Propter hæc plerique in morbos graves, tum in damna, tum in dedecora incurrunt. Sæpe etiam legum judicio

dicioꝝqꝛue pœnis obligantur. Vitium gulæ non modò minuit ætatem hominibus, sed aufert sæpius. Quibus malis accedit & id, quod gravissimum cenſeri debet; nempe quòd ira Dei incenditur, & furor illius exardescit in Sardanapalicos, & Epicureos istos ventres, qui summum bonum cõstituunt in his turpibus voluptatibus: in quibus qui vel diem unum immorantur integrum, hominis nomine digni non debent æſtimari: quòd à ratione, quæ nos à brutis segregat, alienant, & virtutibus omnibus destituunt. *So. 1. Pet. 5*  
brii estote, inquit Petrus, & vigilate: quia adversarius vester Diabolus circuit, quærens quem devoret. Nolite inebriari vino, monet Paulus, in *Eph. 5*  
quo est luxuria: Sed impleamini spiritu sancto. Et Lucas: Attendite vobis, ne fortè graventur corda vestra crapula, & ebrietate, & curis hujus vitæ, & superveniat in vos dies illa. Tanquam laqueus enim superveniet in omnes qui sedent super faciem terræ. Multi existimant leve vitium inesse vino: neque Deum offendi, si hilariùs aliquando in conviviis indulgeamus potui: Sed nō considerant ex ebrietate in quantam peccatorum abyssum sese præcipitent mortales. Recitât historiam Patres de quodam Heremita, qui cùm vitam alioqui sanctam institueſſet, assiduus tamē vexabatur à Satana temptationibus, ut ex tribus peccatis, quæ illi proponebat, alterutrū admitteret: vel homicidiū, vel scortationē, vel ebrietatē. *Luc. 21*

Cumque diu à tentatore turbatus esset, pertaxus istius inquietudinis, elegit quod existimavit levissimum, nempe semel inebriari. Quod ut fieret sine periculo, sorori suæ mulieri sanctæ communicavit hanc suam voluntatem, à qua cùm non posset piis exhortationibus & admonitionibus fratrem divertere, illi potum vini largiorem indulgere coacta est. Qui paulo post è somno, & temulentia expergiscens, vim sorori (quæ illius lectulo adstabat, observans sedulò ne quod in periculum laberetur) intulit. At cùm manè crapulâ edormivisset, incestus horrore cruciatus, metu ne scelus palam fieret, sororem obtruncavit, & terra texit. Ita factum est ut ex ebrietate incestus & parricidium nascerentur. Vidi & ego, locum neque personas nominare nolo (ut famæ viventium non inuram notam) Vidi inquã virum auctoritate, & divitiis commendatum: qui in die festo ebrius, nihil tale cogitans cum matre primũ pota, deinde cum filia una nocte concubuit, amicisque convivis negotium communicans, adhibita luce invenit incestum duplex: cujus rei horrore mater mortua est, filia gravida: Incestuosus in infaniam lapsus.



NON





CAP.L.  
Non furaberis.

ACHAM. Iosuc.7.



*Inconsultus Acham de praeda subtrahit aurum;  
Atque Semiramia pallia texta manu.  
Furtum adjuratus Iosua cogente fatetur:  
Et saxis jussu iudicis obruitur.*

*Ec*



Hoc præcepto mandatur, ut unus-  
 quisq; sua sorte contentus, in pos-  
 sessiones alienas non involet: sive  
 rapina violenta, sive malitiosa im-  
 postura, tecta calliditate, aut aliis  
 fraudibus; quibus vi, falsa juris specie, donatione  
 vafra, aut alia aliqua illicita ratione diripiuntur,  
 subtrahuntur, aut emunguntur aliena bona. Nullū  
 igitur nisi honestum lucrum, & legitimum face-  
 re studeamus: neq; appetam<sup>9</sup> ditescere aliena in-  
 juria, aut damno. Nec opes cōtendamus accumu-  
 lare ex alieno sanguine expressas, intemperanter  
 & avarè undequaque per fas ac nefas corradentes  
 rem alienā, ut nostra augeatur, expleatur nostra  
 avaritia, vel prodigalitati satisfiat. Vetamur hic  
 rebus alienis inhiare: cū certum sit unicuique  
 evenisse id quod possidet nō fortuitò vel casu a-  
 liquo temerario, sed ex distributione & providē-  
 tia Divina. Qui alienas facultates malis artibus  
 præripit, divinæ dispensationi fraudem facit. Qui  
 Pro. 20 congregat thesauros lingua mendaci, vanus &  
 excors est: & impiget ad laqueos mortis: Rapinæ  
 impiorum detrahent eos, quia noluerunt facere  
 judicium. Pondus & pondus: mensura & men-  
 ra:

ra: utrumque abominabile est apud Deum: & statera dolosa non est bona: & pondus æquum voluntas Dñi. Væ ei qui multiplicat non sua: usque quò *Hab. 2.*  
 & aggregat contra se densum lutum? Nūquid nō cōsurgent repente qui mordeant te? & suscitabūtur lacerantes te? & eris in rapinam eis: Quia spoliasti gentes multas, spoliabunt te omnes, qui reliqui fuerint in populis. Væ, qui congregat avariciam malā domui suæ: conscidisti multos, & peccavit anima tua. Non facietis furtum, nec mentimini: nec decipiet unusquisque proximum suū. *Levit. 19.*  
 Super furem est confusio, & pœnitentiā; & denotatio pessima super bilinguem. Potior fur, q̃ affluditur viri mendacis: perditionē autē ambo hereditabunt. Nolite locū dare diabolo. Qui furabatur, *Eccles. 5.*  
 jā nō furetur: magis autē laboret operādo manibus suis quod bonū est, ut habeat unde tribuat necessitatē habēti. Nihil est turpi⁹ ingenuo, nihil minus libero dignū, q̃ furti cōvinci: & in cōventu civiū, vel raptum reddere, vel infamia publicè affici. Vnusquisq; igitur suis bonis cōservandis fidelē impendat operā, iis utatur liberè, & ab alienis abstineat. Nihil meum est neque cuiusquā, q̃ per vim, per dolū, aut p̃ imposturas detractū est. Hic avaricia procul est rejicienda, quę mater est multorū flagitiorū, & huic maximè p̃cepto cōtraria ex opposito. Cupiditas alieni incātamento quasi magico mētē p̃vertit hominis. Vidit Achā *Ios. 7.*



filius Charmi de tribu Iuda in præda Hierichontis expugnatæ à Iosua plurima preciosa: ex quibus Pallium coccineum, ducentos argenti siclos, & regulam auream quinquaginta siclorum: quæ rapuit & in tabernaculo suo abscondit, Dominiq; iussu lapidibus est obrutus, & igne consumpta quæcunque ad illum pertinebant. Cum duæ res sint quæ maximè homines ad maleficiū impellant, *luxus & avaricia*. Avaricia omni humanitati, ac societati generis humani magis adversatur. Est enim crudelis insidiosa, mendax, dissimulatrix, vigilans in perditionem proximi. Et ab ea charitate prorsus aliena, sine qua Christianus nemo dici potest, ut ipse Paulus clarè testatur. Si linguis hominum & angelorum loquar, charitatem autem non habeam, factus sum sicut æs sonans, & cymbalum tinniens: Charitas aliena non expetit, neque rapax est, neque dolosa. Diversis peccatis homines in perditionem pertrahit Satan. Nō refert collo, vel pede uno vinctam teneat bestia laniò, dummodò illam laqueo ad macellum cogat, & lanienam.



*HELIX*



CAP. II.

*HELY SACERDOS.*

*1. Sam. 4.*



*Perdidit insanos nimia indulgentia natos.*

*Dat letho Nemesis præcipitata patrem.*

*Iure dat irato pœnas pro numine cælo.*

*Desertum quisquis negligit officium.*

*Ee 3*



IR o bono perpetuus hic semper esse debet scopus, omnes quoadlicet consilio & ope fideliter in retinendis suis bonis adjuvare: Et quos rerū difficultate, & penuria premi viderit, eorum necessitatibus communicare: ac suis facultatibus eorum sublevare inopiam: Persolvat bona fide quod debet: cedat de suo potius, quàm obstinatè contendat, cum perfido & falace. In contractibus nulla captione simplices vafre irretiat: neque illecebris verborum tanquam hamo inescet imprudentiorem. Artes enim omnes, quibus proximorum possessiones, aut pecuniæ ad nos derivantur, ubi à sinceritate dilectionis, aut fallendi, aut quovis modo nocendi cupiditatem obliquant, pro furtis habendæ sunt; licet humanum iudicium fallant, & in cogitationem non veniant. Furtum amicitiam violat, concordiamque publicam labefactat. In quibusdam neque pecuniæ modus est, neque cupiditatum; quos nulla unquam præda improbè parta, nec furtis dolisque res quæsitafiat, sed illis auget potius, & inflamat habendi desiderium. Illud Christi dictum nos in mente  
sem-



semper habere oportet: Quod tibi fieri non vis alteri ne feceris. Fures sunt qui pondera & men- *Dent.*  
 furas falsas habent. Statera justa, & ephi justum, & *20.*  
 batus justus erit vobis. Non habebitis in sacculo *Dent.*  
 diversa pondera, majus & minus: Non erit in do- *25.*  
 mo tua modius major, & minor. Abominatur e- *Pro. ii.*  
 nim Dominus qui facit ista. Statera dolosa abo-  
 minatio est apud Deum: & pondus æquū volūtas  
 ejus. Fur & is habendus est, qui proximum gra-  
 vat usuris ac fœnore. Qui coacervat divitias usu- *Pro. 28*  
 ris & fœnore, in pauperes congregat eas. Substan- *Eccl. 10.*  
 tia festina minuetur, quæ autem paulatim colli-  
 gitur manu, multiplicabitur. Qui cum fure parti-  
 cipat odit animam suam. Fur est dicendus qui ter- *Pro. 23*  
 minos ægrorū proximi suo movet loco. Ne at- *Dent.*  
 tingas parvulorum terminos; & agrū pupillorū *19.*  
 ne introeas. Propinquus enim illorum fortis est;  
 & ipse judicabit contra te & causam illorum. Ad  
 hoc præceptum referri debet uniuscujusque offi-  
 ciū; ut unicuique quod debetur præstemus. Ali-  
 enum enim retinet & pervertit, qui non exequi-  
 tur quod ex suæ vocationis munere aliis debet. Ita  
 eos qui nobis præfecti sunt debemus colere, &  
 honorare ex præcepto divino. Rursum illi curā  
 gerant subditorū. Sacerdotes, & qui Ecclesiis præ-  
 positi sunt, fideliter in ministerio verbi insistant:  
 Populus eos pro Nunciis & Apostolis Dei susci-  
 piat. Peccavit Balaam Beoris filius; qui officiū de-

- N<sup>u.</sup> 22. ferens, Balaco Moabitarum regi suasit, ut Israëlitas fornicationibus averteret à cultu Divino : ut quos non poterat maledictione perdere, libidinibus à Deo distraheret. ideo meritò cæsus est ab Israëlitis, cùm Moabitarum reges occiderentur. Parentes liberos alant, regant, doceant, foveant, & amplectantur. Liberi illis præstent omnē observantiam, & obedientiam, nihil illis fraude eripiant. Qui subtrahit aliquid à patre suo, vel à matre sua, & dicit hoc nō est peccatum, particeps est homicidæ. Parentis officio non benè functus est Hely sacerdos, dum nimia filios indulgentia corrumpi permisit. Propterea duo illius filii in prælio contra Palæstinos (quo & arca Domini ab hostibus capta est) interempti sunt. Pater ut natorum Ophni & Phinees mortem audivit, & arcæ Domini raptum, lapsus è sella occiditur : illiusq; nurus Phinees uxor in partu extincta est. Dominis cavendum est ne sint morosi, aut intractabiles erga servos suos : ne vexent eos asperitate nimia, nec cōtumeliosè excipiant. Sed norint eos simul
- Eph. 6. Christi conservos esse : Servi verò se ad obsequiū sedulos, & morigeros præstent, neque id ad oculum, sed ex animo, tanquam Deo serviētes. Et ad hunc modum quisque diligenter cogitet & perpendat, quid in suo ordine debeat proximo : idq; qd debet fideliter solvat : neq; ab officio se abstrahi sinat : nisi contra hoc præceptū reus judicari velit.
- Non

CAP. LII.

Non eris falsus testis.

SUSANNA.

Dan. 13.



*Castam ut viderunt Susannam fonte lavantem,  
Incendit turpes spurca libido senes.  
In fontem accusant: sed coram iudice testes  
Convicti, merita crimina morte luunt.*

*Ff*





MANDATO hoc nō solūm Deus prohibet falsum testimonium solenne & judicarium, quod à magistratu publicè requiritur: sed vulgare etiam testimoniū, & privatum interdicitur: nempe quod fit in familiaribus sermonibus, per calūnias, & sinistras obtrectiones, quibus proximi fama gravatur iniquè. Quapropter diligenter cavendum est ab omni maledicentia: Studeamus autem ut lingua nostra in asserenda veritate serviat, & ad famam proximorum conservandam; illorumque utilitatem & commodum promoveat. Nihil est tam volucre, quàm maledictum: nihil faciliùs emittitur, nihil latiùs disseminatur, & difficiliùs revocatur. Res omnium rerum nocentissima est calūnia. Deus, qui est ipsissima veritas, mendacium funditus execratur: jubetque nos in hac societate vitæ concordiam, & mutuā charitatem colere & retinere. Quod fieri nō potest, ubi calumniis falsisque criminationibus violatur nomen proximi: vel mendatio in suis fortunis læditur, vel maledicentiæ, procacitatisque libi-

libidine petulanter exulceratur. Fidelis opera se-  
per commodanda est unicuique in asserenda ve-  
ritate, cū de illius fama negotium agitur, aut ad  
tuendam bonorum illius integritatem. Nō facies *Levit.*  
calumniā proximo tuo, nec vi opprimes eū. Re- *19.*  
move à te os pravum, & detrahentia labia sint à *Pro. 4.*  
te procul. Non suscipies vocem mendacij: nec jū- *Exo. 23*  
ges manum tuam, ut pro impio dicas falsum te-  
stimonium. Abominatio est domino labia men- *Pro. 12.*  
dacia: qui autem fideliter agunt, placent ei. Cu- *Sap. 1.*  
stodite vos à murmuratione: & à detractione par-  
cite lingue. Os qui mentitur occidit animam suā. *Eccl. 7.*  
Noli amare mendaciū adversus fratrem tuū: neq;  
in inimicū similiter facias: Sex sunt quę odit Dñs, *Pro. 6.*  
& septimum detestabitur anima ejus, Oculos su-  
blimes, linguā mendacem, manus effundētes in-  
noxium sanguinem, cor machinās cogitationes  
pessimas, pedes veloces ad currēdū in malū: testē  
fallacem proferentē mendacia, & eū qui seminat  
inter fratres discordiā. Et Dñs hęc pręcepit: Cū *Dent.*  
diligentissimè perscrutātes invenerint falsum te- *19.*  
stem dixisse cōtra fratrē suum mēdacium: reddēt  
ei sicut fratri suo facere cogitaverat & auferes ma-  
lum de medio tui: ut audientes ceteri timorem  
habeant: & nequaquam talia audeāt facere. Cū  
steterit testis mendax contra hominem accusans  
eū pręvaricationis, stabunt ambo quorum causa  
est ante Dñm in conspectu sacerdotum & judicū

**Exo. 21** qui fuerint in diebus illis. Non misereberis ejus: sed animam pro anima, oculum pro oculo; dentē pro dente, manū pro manu, pedem pro pede exigēs. Gravissimis semper pœnis cautum est, tã divinis quàm civilibus legibus, ut de falsis testibus fumeretur supplicium: nec abs re: Si enim locus esset talibus monstris, nulla cōcordia, nullum societatis vinculum inveniri posset, quod non dissolveretur: & in periculū venirent fortunæ ac vitæ bonorum. **Dan. 13** Susannam Helciæ filiam, & Ioachimi uxore, amore impotenti arserunt iudices duo Israëlitarum, qui Babylonem translati erāt. Cùm autem matronam in pomario lavantem, solamque deprehendissent, illi vim inferre statuerunt; quam illa cum precibus sedulò averteret, minisque illorum nō posset flecti, illam accusarunt tanquã in adulterio deprehensam. Dumque ad mortem traheretur innocens, suscitavit Deus Danielem, qui falsi testimonii convictos, eidem supplicio condemnavit, ad quod ducebatur mulier castimonia & fidelitate erga maritum eximia: Periculose maledicit alteri, cui vel idem vel simile, vel diversum, vel deterius vitium potest objici.



*NA-*





CA P. LIII.

*NABOTH ET IESABEL. 4. Reg. 9.*



*Prædia ut eriperet Nabotho Sidonia coniux,  
Corruptis vita testibus exiit.  
Non impune tulit mulier scelerata rapinam,  
Quæ tandem infesto est dilaniata cane.*

*Ff 3*



**S** I odiosa est detestandaq; omnibus bonis ea criminatio, quæ ex malignitate, & obtrectandi petulantia nascitur: execranda est ea mala linguæ protervitas & mēdatium, cū sub prætextu justitiæ & pietatis, famam, bona & proximi vitam in discrimen trahit perfidus calumniator. Achab filius Amri Samariæ regis Nabothi Iesraëlitæ vineam cū non posset permutatione vel precio obtinere, Iesabel Ethbaalis Sidoniorum regis filia uxor Achabi suppositis falsis testibus Nabothum criminata est, tanquam blasphemum in Deum ac regē. Horum testimonio cōvictus, sententia judicum lapidatus est. Sed non multò post perfida mulier scelerati testimonii pœnas dedit: Cū jussu & mandato Iehu è palatii fenestris præcipitata, interiit, & à canibus discerpta. Ac ipse Achab in prælio contra Syros sagitta ictus periit, illiusque sanguis effusus est eo loco, ubi Nabotbus fuerat interfectus, ac perfidæ avariciæ pœnas dedit. Rarò enim sine perjurio committitur falsum testimonium. Mendacium juramento confirmare semper promptus est calumniator: Nec dubitat de pejerando, qui facinus cum

cum perjurio non dubitaverit committere. In atrocibus sceleribus nihil ponderis habere debet iurandum. Nam quisquis audet dare venenū, cædem, aut adulterium, furtumve committere audebit, & ea crimina cum perjurio inficiari. Quibus Dei verus timor inest, ii semper studebunt, quoad licet expeditque, & quantum fert charitas, ne perfidis calumniis in aliena bona involēt: ne maledictis, & amaris salibus vel linguā, vel aures præbeant: ne obliquis suspicionibus temerè mentē permittant. Sed æqui erga omnium dicta & facta interpretes, cū judicio, tum auri-  
bus, tum lingua saluum illis suum honorem servant. Qui ambulat fraudulenter, revelat arcana: *Pro. ii.*  
qui autem fidelis est celat amici cōsiliū. Nolite *Iac. 4.*  
detrahere alterutrum. Qui detrahit fratri, aut qui  
judicat fratrem, detrahit Legi, & judicat Legem.  
Tu autem quis es, qui judicas proximum tuum? *Mat. 7.*  
Nolite judicare, & non judicabimini: In quo enim  
judicio judicaveritis, judicabimini, & in qua  
mensura mensi fueritis, remetietur vobis. Quid *Mat. 4.*  
vides festucam in oculo fratris tui, & trabem in  
oculo tuo non vides? Iaculum, & gladius, & sa- *Pro. 24.*  
gitta acuta homo qui loquitur contra proximum suum falsum testimonium. Ne sis falsus  
testis contra proximum, nec lactes quēquam labiis tuis. Nec dicas, quomodo fecit mihi, sic faciā  
ei: & reddam unicuique secundum opus suum.



*Levit.* 19. Non erit criminator, nec susurro in populo: nec stabis contra sanguinem proximi tui: Ego Dñs.

*Pro. 14.* Testis fidelis non mentitur: profert mendacium

*Pro. 24* dolosus testis. Testis mendax peribit. Time Dominum, fili mi: & cum detractoribus non cōmiscearis: quoniam repente confurget perditio

*Pro. 21.* eorum; & ruinam ipsorum quis novit: Qui seminat

*Pro. 6.* iniquitatem, metet mala: & virga iræ suæ consumabitur. Homo apostata, vir inutilis graditur ore perverso: annuit oculis, terit pede, digito loquitur: pravo corde machinatur malum: & omni tempore jurgia seminat. Summa hujus præcepti charitas est: ad quam omnes vitæ nostræ partes referri oportet. Non sufficit non calumniari quenkum, non dicere falsum testimonium in ullius famam aut vitam. Deus interiora requirit. Stultū esset putare Deum odisse maledicentiam lingue, & malignitatis in animo morbum non improbare. Qui præcipit non detrahre famæ proximi, vult illius famam nobis esse commendatam: & eam promovere nos jubet, quantum à nobis fieri poterit.

Non



CAP. LIV.  
Non concupisces.

LUC. 12.

VIR DIVES.



*Ingentes tibi sunt numerosi farris acervi:  
Flavaque matura prædia messe vides.  
Dilatanda forent spatiosis horrea cellis.  
Sed nox cum furva proxima morte venit.*

Gg



VI C Q U I D concipimus, delibera-  
mus, volumus, meditamur, id cum  
proximorum bono & commodita-  
te conjunctum esse debet. Nulla igitur  
cogitatio nobis irrepit, quæ no-  
xia in alterius detrimentum vergente concupis-  
centia animos nostros commoveat. Tota enim  
anima nostra dilectionis affectu possideatur ne-  
cesse est, si huic mādato, nos velimus sub mittere:  
quod à superioribus separatum est, & distinctū.  
Differt enim consilium à concupiscentia. Nam  
consilium est deliberatæ voluntatis consentio,  
ubi animum libido subjugavit. Cupiditas citra  
talem & deliberationem & assentionem esse po-  
test: cū animus vanis perversisque objectis pū-  
gitur & titillatur. Quemadmodum superioribus  
mandatis Deus animos nostros inflecti atque in-  
duci in iram, odium, scortationem, rapinam, mē-  
daciū vetuit; hoc postremo prohibet instigari;  
omnes animi conceptiones ad charitatis regulā  
dirigere nos jubens: ne qua in nobis prava aut cō-  
torta sit volūtas, quæ animum aliorum extimu-  
let. Si enim charitate totus imbutus sit animus,  
nulla



nulla ejus particula invenietur, quæ ab aliqua imaginatione, desiderio, aut cupiditate noxia proximo laboret. Cum charitate vacuus est, tum concupiscentiam recipit. Tantum enim dilectionis ardorem in nobis Deus exigit, qui ne minimis concupiscentiæ tricis impediri, nullis aculeis commoveri à lege charitatis possit. Propterea speciatim additæ sunt partes, in quibus concupiscentia mala operatur: Nempe prohibemur à cupiditate domus, agri, uxoris, servi, & omnium rerum quæ ad proximum pertinent: quas salvas & intactas nobis præcipit. Sed nõ patitur animum nostrum sollicitari, vel minima horum cupiditate. Hic avaricia severissimè condemnatur. Nullum enim est officium tam sanctum, atque solenne, quod nõ avaricia comminuere, atq; labefectare soleat: nihil tam sacrum quod non violet, nihil tam vincitum quod non dissolvat, nihil tam munitum q̃ non expugnet. Duæ sunt res, quæ homines violenter ad maleficio impellunt, Luxuries & Avaricia. Difficilè est eũ virtutes retinere, qui semper in coacervãdis divitiis est occupatus. Videte, inquit Christus Apostolis, Cavete ab omni avaricia; quia non in omni abundantia cujusquam vita ejus est ex eis quæ possidet: & addit similitudinem divitis illius, qui tantã messẽ collegerat, ut ejus horrea illam non possent capere: Qui cùm apud se ratiocinaretur dicens, dilatabo horrea

*Luc. 12*

mea, &c. respōsum est illi. Ecce repetetur à te hac nocte anima tua. Quę autem parasti, cuius erunt? Sic est, qui sibi thesaurizat, & non est in Deo dives. Concupiscentiæ divitiarum nos à via salutis divertunt, nec patiuntur nos sequi Christum: ut

*Matt.* patet in parabola seminantis. Semen quod cadit  
*13.* inter spinas: Hic est qui verbum Dei audit, & sollicitudo sæculi hujus, & deceptio divitiarum, & circa reliqua concupiscentiæ introeuntes suffocant verbum; & sine fructu efficitur. Væ illi, qui congregat avariciam malam domui suæ: ut sit in excelsio nidus ejus; & liberari se putat de manu

*Esa. 5.* mali. Vē vobis, qui conjūgitis domum ad domū, & agrum agro copulatis usque ad terminū loci: nunquid habitabitis soli in medio terræ? Avaro nihil scelestius: Quid superbis terra & cinis? nihil est iniquius quàm amare pecuniam. Hic enim & animam suam venalem habet, quoniam in vita sua projecit intima sua. Neque honos, neque virtus, neque fama, neque amicitia curæ illi esse potest, qui se studio conquirendarum opum dedit.

DI-



CAP. LV.

DIVES IVVENIS.

Matth. 19.



*Qui legem exactè servasse probabitur, illum  
Indigetes inter vita beata manet.  
Fortunas proprias largire benignus egenis,  
Perfecta ut Christo sis pietate comes.*

Gg 3





**N**ON solum circa avariciam peccatur cō-  
 tra hoc ultimum mandatum. Deus  
 qui præcipit, Nolite vobis thesaurizare  
 thesauros in terra, ubi ærugo & tinea demolitur,  
 & ubi fures effodiunt & furantur: Thesaurizate  
 vobis thesauros in cœlis. Vbi enim est thesaurus.  
*Mat. 6* tuus, ibi cor tuum: Non potestis Deo servire &  
 Mammonæ. Nolite ergo solliciti esse dicentes,  
 quid manducabimus? quid bibemus? aut quo o-  
 periemur? Scit Pater vester quia his omnibus in-  
 digetis. Quærite primùm regnum Dei, & justitiã  
 ejus; & hæc omnia adjicientur vobis. Nolite soli-  
 citi esse in crastinum. Crastinus dies sollicitus erit  
*Mat. 19.* sibi ipsi. Sufficit diei malitia sua. Cùm ad Christũ  
 venisset quidam dives juvenis, & ab eo quæsisset,  
 quid illi op<sup>o</sup> esset factò, ut possideret vitã eternã.  
 Serva mandata, ait Christus. Atque ea custodivi à  
 juventute meã, respondit adolescens, quid mihi  
*Luc. 18* est reliquum. Illi subjecit Dominus. Si vis esse  
 perfectus, vade, vende omnia quę habes, & eroga  
 pauperibus, sic habebis thesaurum in cœlis: veni  
 & sequere me. Hæc cùm audivisset dives ille re-  
 cessit tristis. Iesus autem ad discipulos conversus  
 ait.

ait. Amen dico vobis, quia dives difficilè intrabit in regnum cœlorum. Faciliùs est camelum transire per foramē acus, quàm divitem intrare in regnum cœlorum. Qui aurum diligit non iustificabitur. Multi dati sunt in auri casus: & facta est in specie illius perditio illorum. Lignum offensio- *Ecd. 3.*  
nis est aurum sacrificantium. Væ illis, qui sectantur illud: & imprudens peribit in illo. Beatus est dives, qui inventus est sine macula: & qui post aurum non abiit, nec speravit in pecunia, & thesauris suis. Qui acervat ex animo suo injustè, aliis cō- *Ecd. 14.*  
gregat: & in bonis illius alius luxuriabitur. Insatiabilis est oculus cupidi in parte iniquitatis: non satiabitur donec eum consumat arefaciens animam ejus: hæc circa avariciam ac pecuniæ divitiarumque amorem dicta sunt. Sed extenditur concupiscentia longiùs, & ad luxum libidine-  
que inducit hominis animum Abimelech rex *Gen. 20.*  
Gerar Palæstinus vidit Saram uxorem Abrahamæ formosulam, & eam concupivit, rapuitque & sibi adjunxit. Sed Deus regi apparuit in somnis, antequam illam contingeret, & dixit: Mor-  
te morieris propter mulierem, quam tulisti: habet enim virum. Dinam ut vidit Sichemus, *Gen. 34.*  
illius desiderio flagravit, & cum ea concubuit: In stupri ultionem Simeon & Levi Iacobi filii, & Dinæ fratres, Sichemum cum Hemore patre, & omnibus urbis civibus ad internecio-

nem ceciderunt, & urbem diripuerunt. Israëlita concupiscentes Moabitarum filias Beelp hogori sacrificarunt, & peregrinorum deos adoraverūt: Et Salu Zambris filius cum Cosbi Madianitarū Principis filia rem habens, à Phineo Eleazaris filio & Aaronis nepote telo transfossus est cū meretricula, quæ se prostituerat in præsentia populi. Concupiscentiæ & desideria inordinata magnorum malorum causæ sunt: ab iis declinandum sedulo, ne nos in interitum pertrahant. Species mulieris exhilarat faciem viri: & super omnē concupiscentiam hominis superinducit desiderium. Avertendos oculos à talibus nos monet scriptura: Cupiditates facile se insinuant in mentem hominis, & gliscūt in interiora animi per oculos. Sed qui suis contentus est rebus, is nihil ulterius poscit: Satis enim dives est. Is dives & beatus est, qui animo quieto est: qui nihil expetit, quod rationi adversatur, aut proximum offendat: In usu nō in possessione dulcedo divitiarum est æstimanda.



*ISRA-*






## CAP. LVI.

## ISRAEL CARNES CONCVPISCIT.



*Stulta Paretoniæ mensas reminiscitur ora.  
 Turba, atque Ægypto mæsta abiisse dolet.  
 Quæ postquam immissa satiata coturnice sedit,  
 Funeſtos tristi reſpuit ore cibos.*

Hh



1. Tī. 6.

Nū. 11.

26.

ULTORUM malorum causam peperit cupiditas, quæ ab officio bonos alioqui viros sapius avertit, & præcipitavit in gravia pericula, dedecus, & infamiam. Hanc quidam appetentes erraverunt à fide, & inseruerunt se doloribus multis. Ne sitis concupiscentes malorum sicut patres vestri concupiverunt, & prostrati sunt in deserto: Postquã ex Ægypto Mose duce discessissent Israelitæ, trajectoque sinu Arabico in desertis hærent, memores carniū, peponum, cucumerum, alliorum, & ceparum, quæ ad satietatem comederant cum adhuc essent in terra Gessem; concupiscentes priores escas, quibus carebant, murmuraverunt cōtra Mosē & Aaronem: qui illos abstraxerant jussu Domini de servitute Pharaonis, ut populum introducerent in Chananeorum regionem promissam à Deo servis suis Abrahamo, Isaaco, & Iacobo: Dominus irritatus immisit illis magnum numerū cothurnicum, quas cū usq; ad satietatē comedisset populus, & adhuc essent carnes inter dētes eorum, nec defecerat ejusmodi cibus, cū furore Domini exardescēte percussu

cussi sunt plaga magna, prostratiq; sunt plurimi.  
& locus ubi sepulti sunt, vocatus est sepulchra cō  
cupiscentiæ. Salomon de his loquens ait. Propter *Sap. 16.*  
idolorū cultū & his similia Israëlitæ passi sunt di-  
gna tormenta. Et per multitudinē bestiarum ex-  
terminati sunt. Pro quibus tormētis benè dispo-  
suiſti populum tuum, quibus dedisti concupif-  
centiam delectamenti sui novum saporem, escā  
parans ei ortygometrā: Vt illi quidem concu-  
pifcentes escam præter ea quæ illis ostensa sunt,  
& missa, etiam à necessaria conscientia averteren-  
tur. Hi autem in brevi inopes facti, novam gusta-  
verunt escam. Oportebat enim illis sine excusa-  
tione supervenire interitum: Supervenit illis sæ-  
va bestiarum ira, & morsibus pessimorum colu-  
brorum exterminabantur. Sed neque circa in-  
gluviem crapulam tantum consideratur hæc cu-  
piditas, imo circa reliquos carnis malè ordina-  
tos affectus: impudicitiam, avariciam, vindictam,  
& ejusmodi. Non regnet peccatū in vestro mor- *Rem. 6*  
tali corpore: ut obediatis concupiscentiis ejus.  
Cōcupiscit caro adversus spiritum. Opera carnis  
sunt fornicatio, immundicia, luxuria, idolorum *Gal. 5.*  
servitus, veneficia, immunditiæ, cōtentiones, &c.  
Sculptilia gentium igne combures: non concu- *Deut. 7*  
pifces argentum & aurum de quibus facta sunt:  
neque assumes ex eis tibi quicquam, ut offendas  
propter ea: quia abominatio est Dei tui: nec



inferes quidpiam ex idolo in domo tua, ne fias anathema, sicut & illud est. Post concupiscentias tuas non eas: & à voluntate tua avertere. Si præstes animæ tuæ concupiscentias ejus, facient te in gaudium inimicis tuis. Charitas aliena non concupiscit: sua egentibus largitur, & communicat. Compiscentia est insatiabilis: stimulum habet avaritiam ac voluptates: Corrupti depravatique mores redduntur admiratione, & cupiditate divitiarum. Hæc inflammat & urget animum hominis, sollicitudinibusque perplexis, & curis urētibz irretit: dies ac noctes cupidi cor lancinans, nec illi quietem, aut remissionem à desideriis relinquēs: Tam enim deest avaro quod habet, quā quod non habet. Cōflictatur assiduè propter immensam pecuniæ cupiditatem, quæ validus est morbus, & incurabilis. Permeat enim in venas, & hæret in visceribus, nec inveteratus avelli ratione potis est sine magna difficultate, cū in habitum versus est, & in cor radices jecerit.

LE-



CAP. LVII.  
*LEGIS DOMINI SCOPVS.*



*Divinae legis scopus est, reverentia summa  
Nostrum ut subjiciat corque animumque Deo.  
Ut fraterna homines societ dilectio, quique  
Mortales sancto fœdere jungit amor.*

*Hh 3*



**L**EGIS scopus semper hic propositus est à Mose, Prophetis, & Apostolis, ut Deū amemus ex tota anima nostra, ex toto corde nostro, & ex totis viribus nostris: Et proximum nostrum sicut nos ipsos. Et in eo manifestabimus nos ex Deo esse, si ad hanc obediētiam conformemus omnes actiones nostras; omnes nostras cogitationes, & studia nostra ad hęc cōferamus: & ad Divinæ puritatis exemplar vitam nostram conformemus. Nam huc respicit Legis doctrina, ut hominem vitæ sanctitate cum Deo suo jungat, & coherere faciat. Puritasque hęc ex dilectione Dei & proximi adimpletur. Ideo Paulus scribēs ad Timotheum dicit. *Tim. i.* Finis præcepti est charitas, de corde puro, & conscientia bona, & fide non ficta: quæ pietatem judicant, unde charitas oritur. Et multis in locis ipse Christus insistit maximè observationi secūdæ tabulæ, quæ charitatis, & dilectionis officia mandat; quòd ex hac probatur prioris obedientia. Quæ enim in hominis latent corde (ut Dei timor & amor) non facilè ab homine perspiciuntur in hypocritis, qui ceremoniis assiduè incumbūt. At opera charitatis



ritatis talia sunt, ut solidam justiciam per ea testemur. Ita Prophetæ ad pœnitentiam ubique adducunt homines, fidem, judiciũ, misericordiã & æquitatem urgentes; seriamque probationem timoris Dei à signis externis exigentes. Omnia *Mat. 7*  
quæcunque vultis ut faciant vobis homines, & vos facite illis: Hæc est enim Lex & Prophetæ. Et Omnis Lex in uno sermone impletur, Diliges *Gal. 5.*  
proximũ tuum sicut teipsum. Et, Dilectio malũ non operatur. Plenitudo Legis est dilectio. *Rom. 13*  
Super omnia charitatem habete, quod est vinculũ perfectionis. Et Iacobus, ut fidem veram & vi- *Colo. 3.*  
vam probet, per opera illam declarari jubet. *Iac. 2.*  
Quid proderit fratres mei, si fidem quis dicat se habere, opera autem non habeat? Nunquid poterit fides servare eum? Si autem frater aut soror nudi sunt, & indigent victu quotidiano, dicat autem aliquis ex vobis ad illos, Ite in pace, calefaciamini, & saturamini, &c. Ostende mihi fidem tuam sine operibus, & ego ostendam tibi ex operibus fidem meam. Hæc ideo multis verbis inculcat, ut perfectionis regulam in dilectione ostendat consistere. Optimè igitur & sanctissimè vivere judicabitur is, qui quàm minimũ fieri potest sibi vivit & studet, suaque procurat & quærit; sed ad amorem proximi se suosque conatus referre contendit. Vnde & Christus, cùm dilectionis hujus regulam nos docet, præ-

cipit ut eum affectum amoris, quem naturaliter ad nos trahimus, eum ad proximū transferamus.

Et ut non minori alacritate ardore, & solitudine parati simus ad benefaciendum proximo, quā nobis ipsis: & non solū amicis, sed etiam

*Pro. 24* inimicis id præstare necesse est. Si esurierit inimicus tuus, ciba illum, si sitiverit, da ei aquam bibere: & Dominus reddet tibi. Et si conciderit i-

*Mat. 5.* nimicus tuus, ne gaudeas: & in ruina ejus ne exaltet cor tuum. Diligite inimicos vestros: benefacite iis qui oderunt vos. Orate pro persequentibus vos: Benedicite iis qui vos execrantur, ut sitis filii

Patris vestri qui in cœlis est. Hinc concluditur, quòd qui non hæc faciunt, expunguntur è numero

filiorum Dei; & à vitæ æternæ promissionibus, ac spe excluduntur: Quæ est ruina præparata iis

omnibus, qui justo Dei judicio relinquuntur in ea maledictione, in quam primus Adam inobe-

dientia se, suamque posteritatem, & genus involvit, & præcipitem dedit in perditionē sempiter-

nam; nisi ex ea Dei misericordia per Chri-

stum servatorem exima-

mur.

*DL*



CAP. LVIII.

*MISERIAE HUIUS SÆCVLI.*



*Innumeris plena est ærumnis vita piorum;  
Quos labor assiduè cura dolorque premunt.  
Sic Deus ex alto decrevit: ut ista caduca  
Spernentes tota sidera mente petant.*

*Ii*





VM boni, quos Deus sibi filios adoptavit per fidē in Iesum Christum servatorem, è numero filiorum huius sæculi extracti sint; non est mirum, si infinitis miseriis, persecutionibus, & afflictionibus à Satana humani generis hoste premantur, & agitentur. Ut igitur toto vitæ huius miserabilis curriculo ad cœlestē immortalitatem excitemur, & enitamur, nō abs re statuit Deus pater cœlestis, ut in hac vita perpetuò militemus sub Christi Domini nostri signis: qui nos jubet tollere crucem nostram, & illum sequi, si velimus eo digni censerī. Hinc piis omnibus circumquaque impendent miseriæ, exilia, inopia, contemptus, bella, contumeliæ, morbi, cruciatus, & ipsa mors ultima rerum molestiarum linea. Probe enim factum est, ut perpetuò laboremus in hoc mundo, in quo tātum hospites, non cives esse debemus. Sicut abundant passionēs Christi in nobis, ita & per Christum abundat consolatio nostra. Et sicut socii sumus passionum, ita quoque erimus socii consolationum. Id enim quod in præsenti est momentaneū & leve tribulationis nostræ, supramodum in sublimitate æternæ gloriæ pondus operatur in nobis: non contemplantibus nobis quæ videntur, sed quæ non videntur. Quæ enim videntur temporalia sunt, quæ non videntur sunt æterna. Scimus enim quoniam si terrestris domus nostra

stra hujus habitationis dissolvatur, quòd ædificationem ex Deo habemus domum non manu factam, sed æternam in cœlis. Scimus quoniam dū <sup>2 Cor. 5</sup> sumus in hoc corpore, peregrinamur à Domino: Et ideo contendimus sive præsentes, sive absentes illi placere. Omnes enim nos manifestari oportet ante tribunal Christi; ut referat unusquisque propria corporis, prout gessit, sive bonum, sive malum. In hoc ingemiscimus, habitationem nostram, quæ de cœlo est, superindui cupientes. Gloriamur in tribulationibus, scientes quòd tri- <sup>Rom. 5</sup> bulatio patientiam operatur, patientia probationem, probatio verò spem: Spes autem non confundit. Et paulo post subjicit Apostolus. Existimo quòd non sunt cōdignæ passionēs hujus temporis ad futuram gloriam, quæ revelabitur in nobis. Boni in hoc mundo persecutiones multas, & tri- <sup>2 Th. 1</sup> bulationes sustinent, in exemplum justī iudicii Dei, ut digni habeantur in regno Dei, pro quo patiuntur: Et Deus retributionem dabit persecutentibus electos vindictam in flamma ignis, iis qui non noverunt Deum, qui pœnas dabunt in interitu æternas, à facie Domini, & à gloria virtutis ejus. Et iis qui tribulantur, dabit requiem, in revelatione Domini Iesu Christi de cœlo, cum angelis virtutis ejus. Omnes enim qui piè vo- <sup>1 Th. 3</sup> lunt vivere in Christo, persecutionem patientur: Quem diligit Dominus, hunc castigat: Fla-

- Heb. 12* gellat autem omnem filium quem recipit. In disciplina perseverate: Quis est filius, quem nō corripit pater? Ut Christus populū sanctificaret per suum sanguinem, extra portam passus est: Exeamus ergo ad eum extra portam improprium ejus portantes. Non enim hic habemus permanentem civitatem, sed futuram inquirimus. Omne gaudium existimate, fratres, cū in tentationes varias incideritis: sciētes quōd probatio fidei vestrae patientiam operatur: patiētia verō opus perfectum habeat: ut sitis perfecti & integri in nullo deficientes. Hæc est gratia, si propter Dei conscientiam sustinet quis tristitiam, patiens injustè. Et si benè faciens, patiēter sustinet. In hoc enim vocati sumus. Quia Christus passus est pro nobis, relinquens nobis exemplum, ut sequamur vestigia ejus. Beati qui lugent quoniā ipsi consolabuntur. Beati qui persecutionem patiuntur propter justitiam, quoniam ipsorum est regnū cœlorum. Beati estis cū maledixerint vobis homines, & persecuti vos fuerint: & dixerint omne malum adversum vos mentientes propter me, Gaudete & exultate, quoniā merces vestra copiosa est in cœlis. Et Paulus lapidatus Lystris propter Evangelium, exhortatur fideles ad perseverentiam, docens per varias tribulationes patere electis introitum in regnum Dei. Propterea Christus dicit. Si quis vult me sequi abneget semetipsum, tollat
- cru-



crucem suam & sequatur me: Non enim major *Luc. 9.*  
est discipulus magistro, nec servus domino suo.  
Patientes estote usque in adventum Domini: qm̃  
adventus ejus appropinquat. In novissimis dieb⁹  
tradet fratrem frater in mortem, & pater filium:  
Et insurgent filii in parētes, & morte eos afficiēt:  
& eritis odio omnibus hominibus propter no- *Matt. 10.*  
men meum: qui autem perseveraverit usque in  
finē, salvus erit. Nolite timere: capilli omnes ca-  
pitis vestri numerati sunt. Nolite formidare eos  
qui occidunt corpus, animam autem nō possunt  
occidere: sed poti⁹ timete cū qui potest animā  
& corpus perdere in gehennam. Qui invenit ani-  
mam suam perdet eā, & qui perdit animam suam  
propter me, inveniet eā. Iesus Christus per mor- *Act. 2.*  
tem suam destruxit eum, qui habebat mortis im-  
perium: hoc est diabolus. Vt liberaret eos qui ti-  
more mortis per totam vitam erant obnoxii ser-  
vituti. Dedit enim semetipsū pro nobis, ut nos *Titi 2.*  
reduceret ab omni iniquitate, & mundaret sibi  
populum acceptibilem, factorē bonorū operū.  
In hoc enim nos oportet invigilare, ut à statione  
in qua sumus constituti à Deo nō discedamus il-  
lius injussu: sed ut possideamus animas nostras in  
patientia: & ingrediamur per portam angustam,  
& arctā viam ærumnis & calamitatibus plenam: *Mat. 7.*  
quę ad vitā ducit, & per quam pauci ingrediūtur,  
quòd in ea nihil inveniant, quod carni placeat.

His autoritatibus freti, ac Dei patris nostri cœlestis innixi promissionibus, neglecto hoc mundo, & quæcunque in eo sunt, sursum elevemus mentis oculos, & ad cœlestia perpetuò aspiremus. **Iac. 4.** Amicitia hujus mundi, inimica est Dei. Et quicunque voluerit amicus esse sæculi hujus, inimicus Dei constituitur. Nolite diligere mundum; ait **1. Jo. 2.** Ioannes: neque ea quæ in mundo sunt. Si quis diligit mundum, charitas patris non est in eo. Quoniam omne quod est in mundo, concupiscentia carnis est, & concupiscentia oculorum, & superbia vitæ, quæ non est ex patre, sed ex mûdo. Cùm regnum domini non sit ex hoc mundo, & illius dominationi nos fateamur subjectos, nos omni cura mundana procul rejecta, nihil aliud cogitare debemus, nisi ut ad regnum cœleste, & beatitudinem æternam vocemur, & jungamur servatori nostro Iesu Christo: cujus spiritu regenerati sumus, ut mundo & Satanæ renūciantes, quæramus cœlestia. **Petr. 1.** Regenerati enim sumus in spem vivam per resurrectionem Iesu Christi ex mortuis, in hereditatem incorruptibilem, incontaminatam, immarcescibilem, conservatam nobis **Heb. 4.** in cœlis. Habemus Pontificem magnum qui penetravit cœlos: qui cōpatitur infirmitatibus nostris. Adeamus igitur cum fiducia ad thronum gratiæ ejus, ut misericordiam consequamur, & gratiam inveniamus in auxilio, opportuno.

AD-

## CAP. LIX.

*ADVENTVS CHRISTI.*

*Vt prisca Ogygis plena inter pocula saclo  
Miscebat thalamis philtro protervus amor:  
Sic Christi fiet venientis tempore: quando  
Deliciis mersos opprimet illa dies.*





Matth

24.

Luc. 17



ICUT erat in diebus Noe, ita erit & advē-  
 tus filii hominis. Sicut enim ante diluviū  
 erant homines comedētes, bibentes, nu-  
 bentes, & nuptui tradentes, usque ad eum diem,  
 quo intravit Noe in arcam: & non cognoverunt,  
 donec venit diluvium, & tulit omnes. Ita erit ad-  
 ventus filii hominis. Vigilate ergo, quia nescitis  
 qua hora dominus vester vēturus sit. Veniam e-  
 nim ad te, inquit Dñs, sicut fur: & nescies qua ho-  
 ra veniam ad te. Dies enim Domini sicut fur in  
 nocte, ita veniet. Cū enim dixerint pax & secu-  
 ritas, tunc repentinus eis superveniet interitus:  
 sicut dolor in utero habentis, & non effugient.  
 Reprobi & sæculi huius filii, qui verbo Dei neq;  
 obtemperant, neque illius præceptis morem ge-  
 runt, hæc derident, tanquam inventa hominum,  
 & larvas quæ ad terrendos simplices accomoda-  
 tæ sunt. Sicut enim fuit omnibus sæculis, aiunt, ita  
 & quod nobis reliquum est vitæ, nobis fluet trā-  
 quillum: Edamus, bibamus, deliciis fruamur: cras  
 enim moriemur. Præsentia gustamus & sentim⁹:  
 quid nobis curæ de futuris? post mortē nulla vo-  
 luptas: Neque Deus est tantopere sollicitus de his  
 inferio-

inferioribus, ut illius majestas occupari circa terrena, vilia & contemptibilia velit. Hęc à plurimis nostri temporis atheis & prophanis ore blasphemio jactitantur: qui existimant omnem religionē pobiticum tantum esse ordinem: ad quem plebs & populus rudis adigi debet, vel autoritate magistratus, vel devotione, ad conservationem societatis humanæ, & politiarum: quæ tantum Deo curæ sunt, non particularia in quibus superstitiones sibi placere, & connivere dicūt. De iis Paulus loquitur, Multi ambulant in hac vita, quorū finis *Phil. 3.* interitus, inimici crucis Christi; qui secundū duriciam eorū, & cor impœnitens thesaurizāt sibi iram in die iræ, & revelationis justii judicii Dei: qui reddet unicuique secundū opera sua: lis qui secundū patientiam boni operis gloriā & honorem, & incorruptionem quærentibus vitam æternam, lis autem qui sunt ex contētione, & qui non acquiescunt veritati, credunt autem iniquitati, ira & indignatio, tribulatio & angustia in omnem animam hominis operātis malum. Boni, quos Deus sibi per sanguinē Christi redemit, afflictii quidē in hoc mūdo premūtur à Satana & ejus clientibus, non tamen opprimuntur. Sunt enī sub tutela altissimi, qui eos protegit & defendit: nec permittit eos ultra tentari, quā ut possint auxilio divino adjuti, tentationi resistere. Corpore quidē in hac miseriarum valle degunt, spiritu

verò sunt in cœlis; quò firma spe ac fide penetrât,  
 Deum semper ante oculos habentes, & gaudia  
*1.Co.13* cœlestia perseverantibus preparata. Nunc ex par-  
 te videmus: cùm autem venerit quod est perfe-  
 ctum, evacuabitur quod est ex parte. Videmus  
 nunc per speculum: tunc autem facie ad faciem.  
*Rom.4.* Cùm certa fide teneamus Christum traditum es-  
 se propter delicta nostra, & resurrexisse propter  
 nostram justificationem, pacem habemus in cō-  
 scientia nostra: neque quicquam nos potest sepa-  
*Phil.3.* rare à dilectione Dei. Nostra conversatio jam est  
 in cœlis: unde etiam servatorem expectamus Je-  
 sum Christum: qui reformabit corpus humilita-  
 tis nostræ, configuratum corpori claritatis suæ,  
 secundum operationem virtutis suæ, qui potest  
 omnia sibi subjicere: De iis qui nos persecuntur  
 ita statuamus, eos ultionem divinam non evasu-  
 ros. Lento gradu ad vindictam sui divina proce-  
 dit ira: tarditatemque supplicii gra-  
 vitate compensat.



*EX-*





CAP. LX.

EXTREMVM IVDICIVM.



*Conuenient Christi mortales ante tribunal.*

*Et coram iudex omnibus æquus erit.*

*Excipient iustos cælestia regna: sed imo*

*Mergentur miseri sub Phlegethonte rei.*

*Kk 2*



**E**X Christi beneficiis fructum exiguum perciperemus, nisi ad resurrectionem attollerem<sup>9</sup> animos nostros. Christus morte sua vitam nobis stabilivit, ita ut à morte ad vitam transiisse nos dicamus: neque amplius advenæ vel peregrini sumus, sed concives sanctorum, & domestici Dei: qui nos cum ipso unigenito sedere fecit in cœlestibus; ut ad plenam felicitatem jam nobis nihil desit. Licet semper in hac vita militemus sub dura militia, quandiu clausi sumus, & detinemur vincti inter cōpedes ergastuli carnis hujus. Spe tamen certa apprehendimus quæ non apparent, & fides invisibilia nobis demonstrat. Mortui igitur cūm simus mundo, vita nostra abscondita est in Christo servatore nostro. Et cūm apparuerit in gloria, nos quoque cum ipso apparebimus. At ut ad hanc gloriam perveniamus, morte id consequimur: quæ nos à miseriis hujus sæculi liberatos introducit ad immortalitatem. In luctu & miseriis, mors ærumnarum est requies, non cruciatus. Neque refert quàm citò se se offerat, sive in juventute sive in senectute. Curriculum hujus vitæ licet nobis à Deo breve con-

concedatur, est tamen satis longum ad benè agendum. Vt benè vivitur diu vivitur. Qui heri decessit, non minùs mortuus est quàm qui ante annos mille è vita decessit. Et continuatio dierum protractio est calamitatum. Perpetuam consolationem fovèt pii in animis suis, se fide per Christum salvos esse: nullam rem, causam, aut occasionem illos posse separare à dilectione Dei, & à spe suæ salutis. Iustificati enim sumus gratis, per gratiam *Rom. 3.* Dei, & redemptionem quæ est in Christo Iesu: quem proposuit Deus propitiatorium per fidè in sanguine ipsius, ad ostensionem justiciæ suæ propter remissionem præcedētium delictorum. Tolle enim peccata nostra, & lacrymas nostras absterget in die illa, in qua apparebit omnibus iudex vivorum & mortuorū. In resurrectione novissima restituemur omnes in integrum, & Deo jungemur per Iesum Christum; qui resurrexit à mortuis primitiæ dormientium. Et sicut in Ada- *1 Cor. 15* mo omnes moriuntur, ita & in Christo omnes vivificabuntur, unusquisque in suo ordine: Primitiæ Christus: deinde ii qui sunt Christi, qui in adventum ejus crediderunt. Oportet Christum regnare donec ponat Deus omnes inimicos sub pedibus ejus. Novissimè autem inimica destruetur mors; & erit Deus omnia in omnibus. Resurgemus igitur in novissimo die: & corpus quod seminatum est in corruptione, resurget in incor-



ruptione : seminatur in ignobilitate, surget in gloria seminatur in infirmitate, surget in virtute. Seminatur corpus animale, surget corpus spirituale: sicut scriptum est. Factus est primus homo Adam in animam viventem, novissimus Adam in spiritum vivificantem. Primus homo de terra terrenus, secundus homo de cœlo cœlestis. Et sicut portavimus imaginem terreni, tunc portabimus imaginem cœlestis. Caro & sanguis regnum Dei possidere non possunt: neque corruptio incorruptelam possidebit. Omnes quidem resurgemus, sed non omnes immutabimur. In momento, in ictu oculi, in novissima tuba & mortui resurgent, & nos immutabimur. Cùm autem mortale hoc induerit immortalitatem, tunc fiet sermo qui scriptus est: Absorpta est mors in victoria.

*Petr. 3.* Adveniet autem dies ille sicut fur: in quo cœli magno impetu transibunt, elementa verò calore solventur. Terra autem, & quæ in ipsa sunt opera exurentur. Novos cœlòs, & novam terram & promissa Dei expectamus, in quibus iustitia habitat: expectantes & properantes in adventum diei Domini: per quem cœli ardentes solventur,  
*Apo. 21* & elementa ignis ardore tabescent. Tunc Electi Dei regnabunt cum Agno in civitate nova Hierusalem, in qua Deus habitat cum sanctis suis: & absterget omnem lacrymam ab oculis eorum: & mors ultra non erit; neque luctus, neque clamor,  
 neque

neque dolor. De excellentia beatæ vitæ post resurrectionem si omnia dicta fuerint, quibus omnium hominum linguæ sufficiant, vix tamen infima particula explicari poterit. Vtpote quæ sensu nostro concipi, neque in cor hominis venire queat. Dominus gloriam, virtutem, justitiam suam cum electis participabit : imo seipsum illis fruendum dabit: & quod est præstantius, quodãmodo in unum cum ipsis coalescet. Sub quo beneficio, omne felicitatis genus continetur. Intel- *Dã. 12.*  
ligentes, inquit Daniel, fulgebunt ut splendor firmamenti, & justificantes multos tanquam stellæ in sæculum, & in æternum. Beati erunt similes Angelis: videbunt Deum facie ad faciem. In ipso aspectu tanta futura est amœnitas, tanta sine usu suavitas in notitia sola, ut hæc felicitas omnia quibus nunc juvamus adminicula longè exsuperet. Sed incredulis, execratis, homicidis, & re- *Apo. 21*  
probis omnibus, pars illorum erit in stagno ardenti, igne & sulphure; quod est mors secunda. Tunc enim Christus iudex omnium in maiesta- *Mat. 25.*  
te sua, & omnes Angeli cum eo, apparebit: & sedebit super sedem maiestatis suæ: & congregabuntur ante eum omnes gētes: & separabit eos ab invicem, sicut pastor segregat agnos ab hœdis: & statuet agnos à dexteris, hœdos autem à sinistris, dicetque rex iis qui erunt à dextris: Venite benedicti Patris mei: possidete paratum vobis

regnum à constitutione mundi. Et dicet iis qui à sinistris erūt, Discedite à me maledicti in ignem æternum, qui paratus est diabolo & angelis ejus: & ibunt in supplicium æternum, detrusi in tenebras exteriores, ubi est fletus & stridor dentium. Mali enim, qui secuti fuerint mundum & Antichristum, sempiternis tormentis & cruciatibus

*Apo. 14* adjudicati, sine fine punientur. Siquis adoraverit bestiam, & imaginem ejus, & acceperit charactere-  
rem ejus in fronte sua, aut in manu sua, hic bibet de vino iræ Dei, quod mixtum est mero in calice iræ ipsius: & cruciabitur igne & sulphure, in conspectu angelorum, & ante cōspectum agni: & fumus tormentorum eorum ascendet in sæcula sæculorum. Tradit & scriptura reprobos ex abyssō, & de medio flammarum elevatu-  
ros oculos in altum, & conspecturos eos qui cum Deo erunt in perpetua felicitate: eosque agnoscent, & dicent: Qui sunt illi qui splendent tanquam stellæ firmamenti? nonne ii sunt, quos cōtempnimus tanquā quisquili-  
as terræ, & eos interemimus? nunc gaudio æterno fruuntur, nos autem cruciamur igne. Hac ratione supplicii gravitas augebitur, & pœnitentia æterna pungētur: Iusti verò requiem ab afflictionibus accipient: & ultionē suorum inimicorū læti spectabunt. At quia nulla descriptio potest satis exprimere gravitatem divinæ ultionis in reprobos, necesse fuit scripturam sacrā, ut  
ad



ad nostrum captum se accommodaret, per res corporeas tormenta & cruciatus malorum figurare. Cùm dicit reprobos detrudendos iusto Dei iudicio in ignem æternum, in tenebras ubi est fletus & stridor dentium, ubi est vermis qui sine fine rodit cor. His enim rebus hominum mentes necesse est horrore & metu indicibili commoveri, & turbari: cùm audiant reprobis paratam esse ab æterno gehennam profundam, tenebrarum caligine opacam, & torrentibus ignitis formidabilem; ejusque nutrimenta esse ignem inextinguibilem. Flatum Dei ceu torrentem sulphuris eum succendere, perpetuis doloribus, cruciatibus, & angoribus lancinari malos; & meditatione prioris felicitatis, qua in mundo fruebantur, pœnitentia pressi assidua, ac desperatione veniæ conficiuntur, neque mori poterunt, cum in angustiis perpetuis horrendæ mortis assiduè retinebuntur: cogitabuntque post innumera millena millia annorum, semper principium illis esse suppliciorum æternorum. Hac descriptione moveri debent omnes ad seriam meditationem futuræ calamitatis, & miseriæ, quæ condemnatis parata est, ut saltem quos æternæ vitæ suavitas ad timorem Dei, & observationem mandatorum ejus non potest commovere, metu & horrore pœnarum, a rebellionem & contumacia deterreantur. Cùm seriò intra se cogitabunt quàm sit horribile alienari à

societate Dei, ejusque majestatem sentire adversari; ut effugere nemo possit illius iram, quin ab ea urgeatur, & crucietur. Ad cujus iudicium ita servient omnes creaturæ, ut cœlum, terra, mare, animalia, & quicquid est ubique, veluti dirâ indignatione adversus reprobos inflammata, & in eorum perniciem armata sint. Bonos autem hæc meditatio ita juvat & urget, ut in hoc mûdo cruce onerati, cum patientia toleranter Christum ducem sequantur, donec sit Deus omnia in omnibus. Cui æternæ sint gratiæ; quòd nos adoptavit in filios per filium ejus unigenitum Iesum Christum, per quem victoria nobis concessa est, & triumphus præparatus de peccatis, mundo, & Satana. Amen.

FINIS.



*Excussum typis ABRAHAM I FABRI, Civitatis Mediomatricorum Typographi, impensis Theodori Bryi Leodiensis sculptoris, Francfurdiani Civis, 1596.*









